

V^o 47

~~N^o 608~~

8056

345

~~Cf. from Maria 1784~~

~~Göttingen~~

B. P.
Ottonius.

P. Calmaris
1785.

819.309.

bor

* HISTORIA
HROLFI
KRAKII

Inter Potentissimos in
Ethnicismo Daniæ Reges
celeberrimi,

Ab avo ejus Halfdano
II. & Patre Helgio, hujusq;
fratre Hroare, secundum monu-
mentorum Islandicorum ma-
nuductionem deducta,

&
A Fabulis, in quantum fieri potuit,
vindicata,

Cumq; aliis Historicis, inprimis
Saxone Grammatico, diligenter collata,
& magnam partem conciliata,

Cum indice rerum memorabilium
per

THORMODUM TORFÆUM,

S. R. M. Rerum Norvegicarum Historiographum,

H A V N I Æ,

Ex Typographæo Regiæ Maj. & Universit. 1705.

APPROBATIO.

Luctantes cum longa no-
cte Antiquitates Pa-
trias, & fortia Regis In-
clyti facinora, tantum non
oblivione sepulta, luci red-
dit Celeberrimus Author,
æqvissimus temporum re-
rumq; gestarum Censor.

*Hafniæ A^o. 1705.
d. 24 Decembr.*

P. VINDINGIUS.

ILLUSTRISSIMIS atq; EXCELLENTISSI-
MIS HEROIBUS,

DN: DITLOVIO
WIRE,

DOMINO DE FREYENFELD,
ORDINIS DANEBROGICI EQVITI
AURATO,

*SACRÆ REGIÆ MAJESTATIS DANIÆ ET
NORVEGIÆ*

IN CANCELLARIA DANICA SECRE-
TARIO SUPREMO.

DN: CHRISTIA-
NO SEHESTED,

DOMINO DE NISLEF ET RAFNHOLT,
ORDINIS DANEBROGICI EQVITI
AURATO,

*SACRÆ REGIÆ MAJESTATIS DANIÆ
ET NORVEGIÆ,*

IN CANCELLARIA GERMANICA SECRE-
TARIO SUPREMO,

&

CONSILIARIO STATUS.

Hanc Historiam humillime nuncupat
AUTHOR.

ILUL

ILLUSTRISSIMI DOMINI

Tertius jam labitur
annus, ex quo Seri-
em Regum Daniae
publici juris factam omni-
um censuræ exhibendam
curavi; in præfatione libri
occurrendum iis existi-
mans, qui meo forte no-
mine infectarentur, quod
Saxonis Grammatici, viri do-
ctorum omnium consen-
su eruditissimi, historiam
con-

convulſiſſem, & per conſe-
 quens vetuſtiſſimas Da-
 norum res dubias reddi-
 diſſem; ingenuè profes-
 ſus ſum, nunquam librum
 prodiſſe, qv̄i Scriptoris
 iſtius relationes tam vali-
 de, qvam memoratus li-
 ber, fulciat, qvippe qv̄i
 noſtratum & Saxonis, il-
 lis penitus ignotam har-
 moniam; tot locis exhi-
 bet, ſimulqve contra An-
 dream Foſſium alioſqve
 Saxomaſtyges, & inter
 eos, poſtremo in Anglia
 exortum, Jacobum Waræ-
 um,

um, Antiquitatum Hiberniæ cap. XXIV, evidenter monstrat, dictum Scriptorem illa quæ de antiquissimis Daniæ rebus habet, ex proprio cerebro neutiquam procudisse, aut à se primitus afficta in lucem emisisse: id vero quamvis multis exemplis monstratum sit, præsens tamen historia, cum Saxone collata, paullo etiam evidentius probat, quorum concentum sequens proloquium uberius monstrat. Relationum varietas ostendit.

stendit, unam eandemque
narrationem, sibi in uni-
versalibus constantem,
diversorum expositione,
aut excipientium incuriâ,
in particularibus corru-
ptam, ad alteram horum
pervenisse: id quod histo-
riam magis confirmat, Sa-
xonemque à levitatis cri-
mine liberat; quod autem
eandem temporibus per-
sonisque discretam confu-
derit, imperitiæ conger-
ronis adscribendum ita-
tuo, cujus exemplum Ha-
raldi Hildetanni vita, cura-

tissime ab eo literis consignata, ob oculos sistit, maximam partem cum fragmentis, quæ sola apud Islandos hodieq; supersunt, consona, nec sine Saxonis excusatione, cum accepta tantum vulgaverit, dissona: ex quibus colligitur quid de cæteris ejus traditionibus concludi debeat.

Non erat mihi in animo hanc Historiam separatim conscribere, cum primum illam auspicabar, multo minus rebus Danicis citra
ne-

cessitatem me immiscere,
 cum uberrimam materi-
 am Norvegia subjectæque
 provinciæ ministrarent:
 Sed cum Seriem Regum
 Daniæ conscriberem, pro-
 fundius quam necessitas
 exigebat, me horum Re-
 gum gestis immerfi; nec
 prius substiti, quam omnia
 exposueram. Tum de-
 mum cum animadverte-
 rem, modum eam, desti-
 nati sibi in dicta Serie loci,
 excedere, mutavi senten-
 tiam, seorsimque expri-
 mendam curavi, nec forte

indignam, tum quod regem inter Danici nominis primos, ejusque fortissimos ministros celebret, cujus fama omnibus inde seculis illustris, posteros in virtutum ejus admirationem incendit, atque inter hos eximiæ sanctitatis opinione, in majorum Divum collegium relatum Olafum Haraldi filium Norvegiæ regem, qui illum omnibus in paganismo regibus suo suffragio prætulit: tum etiam ob magnam lucem, quam histo-

sto-

ſtoriae Danorum Anglo-
rumque ſæneratur, Frodi-
um enim qvintum, nulli-
bi alias conſpicuum, ſed
lacuna poſcente neceſſa-
rium, nobis ſuppeditat,
Anglo-Saxonumque tem-
pora, Danicis Regibus
congrua, retexit, inque
utraque gente utriusque
ſexus inſignes virtutes
prædicat, aliaque lectori
obvia.

Hanc igitur cum G. G.
V. V. valde velim probari,
illam ego veſtro potiffi-
mum iudicio, mox patro-
cinio,

cinio, summa cum animi
 demissione subjicio, &
 quidem tanta fiducia, ut
 Illustrissimis V. V. G. G.
 eam quoque venerabundus
 consecrare non dubitem.
 Frustra sim, si virtutum
 V. V. meritumque præ-
 conia hic decantare aggre-
 diar; quæ, qui Solus iusta
 lance librare noverat, Rex
 noster Sapientissimus, Au-
 gustissimus, tanto hono-
 re jam dudum compensa-
 verat, ut ab aure episto-
 lisque utrumque constitu-
 erit, votis civium præfere-
 rit,

rit, Equeſtri in ſuperdigni-
 tate ornaverit, publica o-
 mnium veneratione pro-
 ſeqvendos. Hæc cum o-
 mnis laudis inſtar ſint, fæ-
 cundis ſunis etiam geniis
 vocem præripiunt. Non
 igitur in illum campum
 ulterius exſpatiabor. Pri-
 vata utriusque G. G. V. V.
 erga me beneficia animo-
 rumq; propenſionem ſum-
 mamque humanitatem &
 benevolentiam laudabo,
 utriq; emolumentum ac-
 ceptum fero, & T. qvidem
 Excell: illuſtriſſime VIBE
 iteratò, qvo nomine cum

compensationi impar, obligationem agnoscam, ingenuam hanc de benignitate V. V. confessionem, fato libri connexam, gratiq; animi V. V. G. G. veneratione foecundi interpretem, obsidemqve perpetuum, Scriptum praesens benigno animo accipite, patrocinioqve V. V. unacum auctore dignamini. Deus Opt: Max: G. G. V. V. salvas & incolumes ad optimi Regis patriæqve diuturnam utilitatem feliciter conservet.

PRÆ-

PRÆFATIO

AD LECTOREM.

Prodit tandem HROLFI
 Krakii historia, quam in Serie
 Regum Daniæ Lib. III. cap. 6.
 me in stylum Latinum paraphrasticè
 traduxisse testatus sum ; verum ali-
 quanto brevior ; magis enim hic
 Scriptoris, quem secutus sum, ver-
 ba expressi, resectis haut paucis quæ
 ibi latius deduxi ; ne qui versionem
 hanc nostram cum exemplaribus
 Islandicis contulerit, jure quæri pos-
 sit, nos in ea transferendâ minimâ li-
 centiâ usos, plus nobis quam par
 erat tribuisse. Ad Historiæ hujus
 Authorem quantum attinet, Magi-
 strum Gvalterum caput ejus novis-
 simum illum appellat ; nec cujas,
 aut quo tempore vixerit, explicat.
 Fue-

Fuerit fortè Gvalterus Philippus Castellionius poëta, qv̄i de gestis Alexandri Magni carmine scripsit libros novem, seculo XIII, teste Gerhardo Vossio Lib. II. de Histor. Lat. pag. 478. qv̄i in antiquam linguam Norvegicam solutâ oratione translati, inq; membranâ exarati extant in amici mei Arnæ Magnæ Bibliotheca: qv̄em qvoq; Georgius Matthias König in Serie Latinorum Auctorum, quam Lexico suo præfixit, nobis exhibet. Carolus autem du Fresne circa ea tempora plures Gvalteros in Nomenclatore Scriptorum mediæ & infimæ ætatis memorat, nec præterit Gvalterum de Castellione Scriptorem Alexandreidos. Adduxit quidem Vossius supra Lib. II. pag. m. 414. alium Gvalterum Hemlingtonum

tonum Anglum, quem à nonnul-
 lis quinque libros de gestis ejus-
 dem Alexandri scripsisse perhiberi
 tradit. Est & apud nostrates ce-
 lebris memoria alterius Magistri
 Gvalteri ad annum 1215, 'qui con-
 cilio occumenico Lateranensi, quod
 eodem anno Pontifex Innocentius
 Tertius celebravit, interfuisse, Ap-
 parisq; officio functus Langfedga-
 tali traditur, ubi de quinq; cele-
 berrimis Conciliis orbis agit; quo-
 rum ultimum his verbis describit:
 Quintum, inquit, concilium in „
 diebus Imperatoris Otthonis & „
 Pontificis Innocentii in Lateranen- „
 si palatio celebratum est, unâ hye- „
 me post Patriarchæ Gerhardi cæ- „
 dem (is Hierosolymis Patriarcha- „
 tū gessit, ut Annales Flateyenses te- „
 stantur) in eâ Synodo fuerunt duo, „
 Patriarchæ, unus Hierosolymita- „
 b nus,

„ nus, alter Constantinopolitanus,
 „ & cum illis duo supra viginti Ar-
 „ chiepiscopi ; Episcopi duo & vi-
 „ ginti supra quadingentos, Abba-
 „ tes & Priores quatuor & decem su-
 „ pra octingentos, innumerabilis-
 „ que aliorum Clericorum Magi-
 „ strorumq; turba, toto orbe à Pon-
 „ tifice Innocentio, id nominis Ter-
 „ tio, ad conventum hunc Romæ
 „ celebrandum excita. In illo con-
 „ cilio Mag. Gualterus Apparitis fuit;
 „ qui in suis fastis (vel Calendario)
 „ tradit, cum Dominus in die an-
 „ nunciationis Mariæ incarnatus es-
 „ set, elapsos fuisse à primordio mun-
 „ di 5199 annos : sed postquam
 „ Dominus noster conceptus esset
 „ in annunciatione S. Mariæ, cum
 „ vixisset triginta annos, & tres hye-
 „ mes (annos) integras; atq; ita in-
 „ cipiunt omnes anni à gloriosâ illâ
 „ die

die, cum Angelus Gabriel missus „
 fuit ad beatam Mariam. Inde ela- „
 psis tribus & triginta annis Domi- „
 nus eodem die crucifixus est, ad „
 salutem & redemptionem totius „
 humani generis; Jamque hunc „
 calculum fidemque de ætate Do- „
 minicæ mansionis apud nos unus- „
 quisque Pontificum notavit & ap- „
 probavit, omnesq; Romani con- „
 senserunt, licet quidam viri docti „
 aliter sentiant: In hac autem Sy- „
 nodo hic calculus communi „
 consensu receptus est; adq; illud „
 tempus cum hic Ecclesiasticorum „
 conventus in curiâ Lateranensi „
 agebatur, ab incarnatione Domi- „
 ni subductus, deprehensiq; anni „
 1215. effluxisse. Quinam fuerit „
 hic Gualterus, exprimere nequeo:
 tempora optime quadrant in
 Walterum Gray; quem Thomas

Stubs 6. Kal. Maji, Anno 1216. ex Episcopo Wigornienſi Archiepiſcopum Eboracenſem factum perhibet; qvi ſi vel maximè in Concilio fuerit, faſtosqve confecerit, nihil tamen inde concludi poterit, an hiftoriam hanc conſcripſerit. In Daniâ illum, licet peregrinum, fuiſſe Eccleſiaſtico muneri adhibi- tum, ubi horum, quæ ſcripſit, no- titiam ſibi comparaverit, credere malo. Carolus du Frefne in ſuo Lexico, voce Apparis, multas ſignificationes adducit, minimè improbandas: Si tamen hunc no- ſtrum legiſſet, cumqve Pontificis Nicolai Epiftola 16. cujus titulum adducit, contuliſſet; non dubito, qvin caſum tertium pluralis nume- ri non Epiftolæ, ſed Senatoribus applicuiſſet: Ita enim hunc locum exhibet. Nicolaus &c. ſingulis qvi-

quibusdam Senatoribus Constantinopoleos, Apparibus. (mox subjicit) ubi vox Apparibus non ad vocem Senatoribus refertur, sed per receptam hac ætate formulam additur, ut innuatur uno exemplo dictatas & missas epistolas ad diversos &c. Hæc de Authore dicta sunt. Historiam ipsam ad Scriptorum Islandicorum classis tertiæ partem posteriorem Seriei Lib. I. cap. I. retulimus; ubi agitur de historiis, fabulis ita interspersis, ut sine magno negotio à verâ narratione discerni possint. Veritatem quod attinet, illa certè multis argumentis adstruitur; nemo enim ambigit extitisse Hrolfum: de tempore inter Islandos & Saxonem, & qui cum secuti sunt, controversatur. Pro istis generis Series, ab Odino Upsalino

lino contexta, pugnat, a quo tramite recto quartus supra decimum descendit, uti id ex dictâ Serie lib. III. cap. 1. conspicuum est. Illius errorem ejusdem libri cap. VII. pag. 293. & seqq. ad oculum ostendisse videor, quò lectorem remitto. Res præterea, gestaque quæ in hac nostrâ historiâ exponuntur, magnam quoque partem ab eo stabiliuntur. Nam præter istam collationem, quam sub finem hujus historiæ capitis II. inter utrosque instituimus, complura inter eos conveniunt. Utrobique Yrsa violento stupro concepta, ex patre filium Hrolfum concepisse, inde in Adelfis Sveciæ Regis torum concessisse perhibetur, relicto ad patrem filio Hrolfo; sordes utrobique & avaritia Adelfis, magnificentia & liberalitas Hrolfi celebran-

lebrantur, utrobiq; Biarchii & Hial-
 ti memoria, libatique sanguinis re-
 cente feræ vulnere effusi latices, tum
 animi tum corporis inusitati robo-
 ris conciliatores, celebrantur: Utro-
 biqve iter in Sveciam ingensqve æ-
 stus sustinendi experimentum, sed
 majore veri specie à Saxone, nar-
 ratur: utrobiqve egestum marsu-
 piis perqve plana camporum spar-
 sum aurum memoratur; utrobiqve
 Agneri & Voggi, nec multum di-
 screpans, mentio. In exitu vitæ
 consiliisque Skuldæ explicandis exi-
 guus dissensus. Ut varia poetarum
 carmina, quæ Scalda (liber qui ar-
 tem poeticam veterum Septentrion-
 alium ex professo tradit) passim
 exhibet, omittam, unum, idqve in-
 comparabile antiquitatis monumen-
 tum, Biarchamäl, quod Saxo ad ma-

nus habuit, metricæque quam enucleatissimè ad calcem gestorum reddidit, auctoritatem historiæ abundè tuetur; quod quamvis apud Islandos postea interciderit, antiquitus tamen notissimum fuisse Thormodus Kolbrunarskald monstrat; qui id in castris S. Olafi clarâ voce cecinit, cum exercitum matutino tempore novissimè excitaret: cuius exordium, quod solum habemus reliquum, cum Saxonis versione ad amissum convenit. Et hæc ad fidem Historiæ adstruendam suffecerint; quæ tamen fabulis aliquot scætet; sed quæ facile dignoscuntur: quamvis nec desint, qui quasdam earum pro veris agnoscant relationibus.

Primam, caput VII. de monstro-
fo Skuldæ ortu exhibet; quam ex
com-

commiffione Regis Helgii cum
 fubterraneâ foeminâ editam, mihi
 nequaquam perfvadeo. Sed ut
 vulgi de his opiniones omittam;
 unius in Islandiâ, me puëro, fenis
 presbyteri, Einaris Gudmundi, pa-
 ræciæ Garpsdalensis paftoris, in ar-
 tibus humanioribus haut perfun-
 ctoriè verfati, excerpta quædam è
 differtatiunculâ, quam de Saxico-
 larum naturâ confcripfit, adfcri-
 bam quos ita definit, Ego opinor
 (ait) & pro certo ftatuo, popu-
 lum iftum effe creaturas Dei, con-
 ftantes corpore & fpiritu rationali,
 in quo funt utriusque sexûs homi-
 nes, viri uxorati, sobolis procrea-
 tio, omnesque operationes hu-
 manæ, ut inter nos, ufitatæ; pe-
 cudum & multarum rerum pos-
 fefio, paupertas & deliciæ, fletus
 & rifus, adeòque omnes qualita-

„ tes somni, vigiliarum, ac aliorum
 „ affectuum veræ humanæ naturæ
 „ competentes: tandem morti ob-
 „ noxii sunt, quorum vita brevis &
 „ longa juxta beneplacitum Dei uni-
 „ cuique eorum destinata. Cum
 „ ad sobolis procreationem adstru-
 „ endam aggreditur, hæc addit: Ad-
 „ ditur etiam eorum sanguinis com-
 „ mistio, procreatione sobolis con-
 „ spicua: cujus gentis mulieres et-
 „ iam ex nostris conceperunt infan-
 „ tes, quæ sacro fonte suos liberos
 „ ablui, & Christianismo initiari avi-
 „ dè, sed pleræque frustra, expetive-
 „ runt. (Jamque ad exempla pro-
 „ cedit.) Thorkatla Mari uxor Kari
 „ Saxicolæ congressu gravida facta,
 „ filium, Aresum nomine, peperit;
 „ ut Ode de illo fatali casu confectæ
 „ testantur. In prædio Haga erat
 „ olim maritus quidam ex magna-
 „ tibus,

tibus, Sigvardus cognomento Fo- „
 stre ; hic cum muliere Saxicola „
 rem habuit : facta prægnans infan- „
 tem peperit, promisit forte Sigvar- „
 dus, si infantem susciperet, ba- „
 ptismate ecclesiæ inferi se curatu- „
 rum. Elapso tempore venit mu- „
 lier portans infantem, & in cæ- „
 miterii pariete positum una cum „
 calice deaurato & veste sacrâ „
 (quæ munera usibus divinis pro „
 infantis baptismo dedicare vole- „
 bat) paululum secessit. Pastor „
 templi, inquisitione præmissâ, in- „
 terrogat Sigvardum, an se paren- „
 tem hujus infantis profiteretur? „
 ille negat, veracundiâ forte non „
 ausus confiteri veritatem. Inqui- „
 rit herum præco, an baptizandus „
 sit, nec ne? Renuit Sigvardus, ne „
 ejusmodi consensu parens statue- „
 retur. In loco prænominato In- „
 fans,

„ fans intactus ac inbaptizatus relin-
 „ quebatur. Mater irâ commota
 „ infantem rapuit unâ cum calice,
 „ relictâ veste illâ Sâcrâ, cujus frag-
 „ menta adhuc visuntur in Haga.
 „ Mulier hæc Sigvardo & posteris
 „ ejus usq; in nonam generationem
 „ imposuit & prædixit singulare fla-
 „ gellum, qvo plurimi ejus Sangvinis
 „ in hunc usq; diem vexati sunt. An-
 „ dreas Gudmundi, à qvo ego (ait
 „ idem pastor) septimus, lineâ de-
 „ scendente, etiam ab ejusmodi re
 „ Venereâ non abstinuit, qvi qvoq;
 „ infantem baptizari reclamabat.
 „ Ille cum suis posteris insigne in-
 „ fortunium expertus est; in cujus
 „ generatione illicitâ cupidine in-
 „ censi permulti morte multati sunt;
 „ quidam eorum intercessione bo-
 „ norum virorum vitâ dignati, com-
 „ meritas poenas declinârunt. Hæc

ex pluribus, quæ de hoc argumen-
to differuit, excerpſiſſe ſuffecerit, ad
demonſtrandum hanc de Skuldæ
procreatione narrationem nec o-
mninò fide, nec patronis, nec, ſi
hæc admittenda ſunt, exemplis de-
ſtitui. Eò inclino, malos dæmo-
nes, eos, quos ſuis laqueis irretie-
runt, ſibiſque familiaris converſatio-
nis ſpecie aſſociârunt, ejusmodi
quoque præſtigiis dolisſque facile lu-
dere potuiſſe. Cornelius tamen
Agrippa (illum enim libentius, utpo-
te qui harum ſcientiam proſitetur, in
teſtimonium voco) occultæ philo-
ſophiæ lib. 3. cap. 34. quosdam ho-
mines arcano ſuperum ſemine „
procreatos ſemideos agnoſcit, „
quos ex Deorum ſive dæmonum „
cum hominibus commiſtione ge- „
nitos putant, ideòque mediam „
qvandam naturam ſortiſos, ut „
qui

„ qvi nec Angeli nec homines sint,
 „ quam opinionem etiam secutum
 „ Lactantium tradit; esseque adhuc
 „ hodie qvi commercium & conju-
 „ galem cōiunctionem habeant cum
 „ dæmonibus, etiam creditū esse ab
 „ omnibus, Merlinum Britannum
 „ vatem filium fuisse dæmonis ex
 „ virgine natum. Sed & Platonem,
 „ sapientiæ principem, opinatos fu-
 „ isse de virginis, Apollinis phantas-
 „ mate oppressæ, partu natum. Et
 „ traditum esse historiis, quasdam
 „ Gothorum (qvas Alumnas vo-
 „ cant) & specie & ingenio specta-
 „ biles fæminas, olim Filimiri, five
 „ (ut alii ajunt) Idanthresi, Gotho-
 „ rum Regis castra egressas, in Asia-
 „ ticæ Scythiæ solitudines trans Me-
 „ otides paludes migrâsse, ibique à
 „ Faunis & Satyris compressas pri-
 „ mò Hunnos progenuisse : Qvin
 etiam

etiam dæmones, authore Psello, „
 nonnunquam semen jacere, ex „
 quo animalcula quædam oborian- „
 tur. Hæc ejus verbis transcripsi.
 Verum laudatus presbyter Einár
 in Psellum eo nomine invehitur,
 quod subterraneos homines ad
 classem dæmonum retulerit, à quí-
 bus eos longè diversos existimat,
 & nostræ naturæ propiores, ut ex
 ejus descriptione patet; quod mul-
 tis forte persuasisset, si monstrasset,
 quomodo corpora istorum, tum
 etiam jumenta supellexque dome-
 stica superficie terræ abdita susti-
 neantur; cum etiam iis in locis,
 ubi eorum domicilia subesse pu-
 tantur, ligonibus & fossoriis in-
 strumentis aperta, nullum caver-
 næ aut culturæ vestigium un-
 quam prodiit, & hæc de hoc ar-
 gumento in præsens dicta sunt.

Altera fabula cap. XIII. occurrit,
de transformatione Biorni in ur-
sum, & cap. XIX. de lamiâ in feram
se transfigurante. Cui idem Cor-
nelius Agrippa fidem, ejusdem O-
peris lib. I. cap. 45. his verbis con-
„ ciliare conatur: Res ipsæ, inquit,
„ atq; homines revera per mutantur,
„ & in varias formas transfiguran-
„ tur sicut de Proteo, Periclimeno,
„ Acheloo & Metra Erisichthonis fi-
„ lia narrant poëtæ. Sic Circe socios
„ mutavit Ulyssis, & qvondam in Jo-
„ vis Lycæi sacris, gustatis sacrificio-
„ rum extis, homines in lupos verte-
„ bantur, qvod dicit Plinius accidisse
„ cuidam Demarco, putat idem Au-
„ gustinus, narrat etiam, dum esset
„ in Italiâ, accepisse, qvasdam fœ-
„ minas, dato viatoribus veneficio
„ in casco, eos in jumenta vertisse,
„ rursusq;, cum portâssent quæ vo-
luissent

luisſent onera, in homines reſtituiſſe, idqve patri cuidam, Præſtanti nomine, tunc accidiffe: & ipſæ Sacræ literæ teſtantur, magos Pharaonis mutâſſe virgas ſuas in dracones, & aquam in ſanguinem, & talia quædam. Hæc ille. Nos quoque plura talium exempla in hiftoriâ noſtrâ Norvegicâ, lib. de originibus Norvegorum, cap. 19. collegimus. Nec vulgi animis hodie quidem opinio de transformatione hominum in urſos & lupos apud nos evelli poterit, quam variis exemplis, nec hodie quidem inuſitatis, complures adſtruere conantur, ſed in allatis duabus de quibus nobis ſermo eſt, transformationibus, non eadem ratio mihi videtur. Biornum licet in urſum nunquam converſum ſtatuam, dæmonem tamen verum urſum ſubſtituiſſe, quem promiſcûe

infectabantur, minus dubito ; interim ipsi Biorno ejusque amicæ illuisse, fortemque imaginationem impressisse, illum in ursum conversum esse, verum autem ursum venantium sagittis necatum ; Biornum verò, ubicunque fuerat, vel simul occisum, vel in loca remotiora translatum, annulo ejus intra cutem ursi translato ; nec convivas unquam carnem Biorni epulatos, sed verum ursum comedisse existimo. In lamiâ autem, quæ se in ursum transformasse dicitur, nudam tantum allegoriam agnosco, genus scribendi veteribus poetis adeò usitatum, ut nihil supra: qui lectorem ludibriorum miraculis exhilarandum sibi proposuerunt, res aliàs veras obscuro & involuto schemate exponentes ; cujus evidentissimum exemplum fabulosa de Hemingo juvene tra-

traditio exhibet; quam nos ad cal-
cem historiæ fortissimi Norvegiæ
Regis, Haraldi Imperiosi seu Strenui
apposuimus. Natandi enim cer-
tamen inter Regem & eum institu-
tum, ejusque ordinem & eventum
cum verbis simplicibus author de-
scripsisset, is qui idem ligatâ oratio-
ne exposuit, Regem se in cetum,
Hemingum se in piscem transfor-
mâsse tradidit. Inde fabulosa histo-
riis passim inserta quem sensum re-
cipiant, facile colligitur. De qui-
bus Olaus Petri in suo Chronogra-
phiæ Svedicæ procæmio magno ju-
dicio disserit; cujus verba in eâdem
de Hemingo fabulâ in Latinam lin-
gvam transtuli, quæ cum hic pariter
ac illic locum habeant, nec ea pige-
bit adscribere. Conspicuum est, „
inquit, majores nostros Græco- „
rum Romanorumque morem cir- „

„ ca fabulas secutos fuisse; nam
 „ cum qui aliquid fortiter magnifi-
 „ cèqve gesserunt, id carminibus
 „ cantilenisqve celebrârunt, fabulis-
 „ qve & reconditi sensûs verbis ex-
 „ ornârunt, quas Frigdi, seu amato-
 „ riis & aliis atqve aliis nominibus
 „ appellarunt, magnisque præconiis
 „ eos, de quibus composuerunt, ex-
 „ tulerunt: Eos enim, qui imperio-
 „ sos homines, qui alios violentiæ
 „ impetu opprimere solebant, de
 „ medio sustulerunt, Kemper & Jem-
 „ ninger, & athletas & juris restituto-
 „ res appellarunt, quemadmodum
 „ Græci suos Strenuos & Vegetos
 „ viros, qualis Hercules & plures
 „ Heroes: illos verò qui tyrannidem
 „ exercebant, omnes injuriis affici-
 „ ebant, sineqve respectu opprime-
 „ bant, Jætter, Riser, Tröll, gigan-
 „ tes, colossæ homines, & prodi-
 „ gioso

gioso incremento monstrosè au-
 gescentes, nuncupabant, quòd ve-
 rò tales tyranni munita loca inco-
 lere conſuerunt, ſedes eorum &
 arces Berg, id eſt rupes, ipſos Berg-
 tróll, id eſt rupicolos, ſeras eorum
 uxores Gygjur, gigantecas, aut ſi-
 milibus vocabulis traducebant; id
 quod veteres odæ de Bernii hiſto-
 riâ aut fabulâ clare monſtrant.
 Cumqve crudeles & immanes ho-
 mines deſcriberent, truces, gran-
 des, monſtroſos, turpes eos fin-
 xerunt, licet ab aliorum homi-
 num formâ non diſcreparent,
 quos inſuper propter eorum tru-
 culentiam & ſævitiam urſos, ſer-
 pentes, draconesqve commenti
 ſunt. Eos autem qui tales occide-
 runt, maximis laudibus extulerunt,
 utpote qui urſos, dracones, & id
 genus monſtra ſuſtulerint, quod

„ singularibus certaminibus seu du-
 „ ellis fieri consuevit ; inde æterna
 „ nominis fama, perpetuaque ado-
 „ rea illos secuta est. Hæc quam-
 vis ad feram, de qua nobis sermo,
 referri nequeant ; arguunt tamen,
 alas ei & monstrosum corpus affi-
 ctum esse, ad immanem ferociam
 & velocitatem exprimendam. Ad
 monstrosos Beræ partus, quos ab
 offarum vetitarum esu provenisse
 creditum est, quantum attinet, no-
 tissimum est multas monstrosas
 generationes à monstrosis præ-
 gnantium imaginationibus prod-
 ire, id quod omnium temporum
 experientia docet. De phantasiæ
 operationibus Cornelius Agrippa
 Occult. Philos. lib. I. cap. 64. & seqq.
 multa scribit, quæ & apud rerum
 naturalium Scriptores ubique ob-
 via sunt. De reliquis quæ hic le-
 ctori

etori se minus probabunt, quid ipse sentirem, in ipso historiae contextu exposui.

Illud saltem præterite nolo, quod Johannes Gothus tempore Hroaris (qui & Saxoni Roe) & Helgii five Helgonis, statum Daniae adeo miserum descripserit, ut occiso Rege etiam in Svecorum potestatem reciderit, pro eorum arbitrio dirigendus. Occiso deinde Helgone ad Atislum summam imperii devolutam latranti cani, nomine Rachoni, ad ignominiam gentis commissam, eoque à canibus discerpto giganti Laës, postque ejus fata servo ejus Svio, à pediculis deinde consumto, tandem ejus fratri Hothero: quod quam ab hac nostrâ historiâ dissentiat, legenti sine labore obvium; conferenti-que cum nostrâ Serie Regum Daniae etiam absurdum apparebit; cum

nullus his temporibus Hodbrodo,
 nullus Hothero locus suppetat. Nec
 Saxoni quidem noster adstipulatur,
 cum Roem ab Hodbrodo occisum,
 subjectamque Syecis Daniam per-
 hibet. Calumniam illam de Racho-
 ne Petrus Parvus Rosfontanus in
 Retorsione adversus Johannem
 Gothum pag. 17. abundè refutavit,
 quò lectorem remittimus. Carmi-
 na, quæ in hac historia occurrunt,
 ex Islandico in Latinum vertit
 rogatu meo præstantissimus ju-
 venis, Thorlefus Haltorius Islan-
 dus. Atque hæc sunt, de quibus Te,
 Candide lector, hic commonefa-
 ctum volui. Tuum erit, si quæ re-
 prehendenda censueris, in bonam
 partem accipere; nec mihi levita-
 ti imputare, quod ea quæ ab
 antiquitate accepi, suppri-
 mere noluerim.

Elenchus Capitem in Præsentem Historiam.

CAPUT. I.

*Frodus Quartus. Ejus filii. Half-
danus à Frodio fratre opprimitur.
Filii, Hroar & Helgius latibulis ab-
sconduntur. Hos Frodius, coactò prius
in fidem populo, ad necem quatit. In-
cipit pag. I.*

CAP. II.

*Hroar & Helgius suasu Vrfilis ad
Sævarem se conferunt. Nomina mu-
tant. Dementiam simulant. Post tri-
ennium unà cum Sævare ad aulam Re-
gis perveniunt. Convivium & in eo
gesta referuntur. Frodius debitas par-
ricidii penas luens, cum magno suorum
numero incendio vitam claudit. Saxo-
nis de his narratio expenditur. Pag. 7.*

CAP. III.

*Hroar in Angliam transfretat. Au-
gnem Nordrii Regis filiam uxorem du-*

cit. Partem Regni sibi propriam cum fratre permutat. Sæva moritur. Ejus filius Hrokus suasu matris regni tridentem poscit. Repulsam patitur. Ad Hroarem se confert. Armillam perdit. Pede truncatur. Hroarem occidit. Regis nomen assumit. Ejus pena. Agnar nascitur. Ejus elogium. Succincta de his temporibus Dissertatio. Pag. 29.

CAP. IV.

Helgius Olufam Superbam temerè impetit, atq; ab eâ indignè tractatur. Pag. 29.

CAP. V.

Helgius illatam sibi ignominiam vindicat, & Olufa Regina stuprum infert. Pag. 34.

CAP. VI.

Yrsa nascitur. A matre indignè educatur. A patre rapitur. Ei inscia nubit. Hrolfum parit. Ab Helgio discedit. Adelfi Sveciæ Regi matrimonio jungitur. Pag. 37.

CAP. VII.

Helgius marore ab amissam conjugem vexatus, solus agit. De monstrosc Skulda ortu narratio. Prefectio Helgii in Sueciam. Ejus cades. Berserki, eorumq, mores describuntur. Pag. 45.

CAP. VIII.

Svipdagus, ejusq, fratres. Ipse ad aulam Adelsis accedit. Cum Berserkis conflictatur. Eos superat. Pag. 54.

CAP. IX.

Berserki contra Adelssem exercitum movent. Hos Svipdagus acri pralio fundit. Illi bellum reparant. Svipdagus cum iis congreditur. Fratres succurrunt. Eventus pugna. Pag. 62.

CAP. X.

Svipdagus cum fratribus, aulâ Adelsis relicta, ad patrem se recipit. Hrolfi Krakii Dania Regis elogium. Ad eum fratres suggestu patris se conferunt. Ejus satellitio inseruntur. Pag. 67.

CAP. XI.

Hrolfus legationem in Sueciam parat. Regiam amplificat. Sororium Hiorvardum astu subjugat. Pag. 73.

XII.

Bodvaris Biarkii genus repetitur. Avi ejus secunda nuptia. Regina Hvi-ta privignum Biornum ad incestum sollicitat, & diris devorvet. Pag. 76.

CAP. XIII.

Biornus in ursum transformatur. In gregem patris sævit. Cum Berá Confuescit. Eam futura edocet. A venatoribus impetitur. Capitur. Occiditur. Pag. 83.

CAP. XIV.

Bera ad Ursinum epulum à Regina adigitur. Tres filios parit. Forum Nomina, forma & fortitudo. Elgfridius domesticæ vitæ impatiens, acceptâ patrimonii parte, latrocinium exercet. Pag. 89.

CAP. XV.

CAP. XV.

Thorcr Canipes ad fratrem pergit. Quomodo ab eo acceptus. In Gothiam proficiscitur. Ibi Rex creatur. Pag. 94.

XVI.

Bodvar omiffam à fratribus ultionem paternæ cadis queritur. Avum de re gestâ certionem facit. De Regina veneficâ vindictam sumit. Pag. 98.

CAP. XVII.

Bodvaris gladius describitur. Ipse fratrem Elgfrodium convenit. Cum eo acriter colluctatur. Hausso ex surâ pedis ejus sanguine corroboratur. In Gothiam vadit. Ibi loco fratris accipitur. Iter ad Regiam Hrolfi meditatur. Pag. 103.

CAP. XVIII.

Bodvar in itinere ab Hotti parentibus hospitio excipitur. Hrolfi Regis antellam ingreditur. Hottum liberat. Au-
lico.

*licorum unum osfis jactu interimmit.
Satellitio adscribitur. Pag. III.*

CAP. XIX.

*Bodvar lamiam in feram transfigu-
ratam occidit. Cujus sanguine hausto
Hottus repente viribus auctus insignis
Athleta evadit, virtutis specimen præs-
ente Rege cedit. Gladium Gullinbial-
tium præmii loco accipit. Hialtii no-
men assumit. Pag. 119.*

CAP. XX.

*Berserkorum insolentia reprimitur.
Ordo præcipuorum Athletarum. Rex
Hialtio Generosi cognomen indit. Bod-
var ad expeditionem Svedicam Regem
hortatur. Pag. 127.*

CAP. XXI.

*Iter Regis in Sueciam. Hranus eum
et comitatum ejus hospitio bis excipit.
Prodigioso frigore primum, inde urente
siti, mox aestu immodico eos exercet.
ejus suasu Rex universos comites, Ath-
letis*

letis exceptis, domum remittit. Pag.
133.

CAP. XXII.

Regis Adelsis aula Hrolfus magnâ
cum pompâ adeqvitat. Fossas ipse &
Athletæ superant. Ignem transiliunt.
Voggus Hrolfo Krakii cognomen indit.
Armilla ab eo accipit, Adels hospi-
tes incendio opprimere statuit. Frustra-
tur. Canis Hrolfi cum apro pugnat.
Eum superat. Accipiter item ejus A-
delsianos vitâ privat. Pag. 140.

CAP. XXIII.


Hrolfo Regina Mater pretiosa mu-
nera, & armillam Sviagris dictam,
donat. Discrimen in campis Fyrensi-
bûs. Hrolfi strategema. Ipse in Dani-
am revertitur. Oblatam e sene arma-
turam abnuat. In ejus offensam incur-
rit. Redux in Regnum bellis abstinet.
Pag. 151.

CAP. XXIV.

*Skulda maritum Hiorvardum ad-
versus Hrolfum concitat. Tributorum
per triennium immunitatem impetrat.
Magorum Veneficarumque magnam
vim congregat. Bellum astute præpa-
rat. Pag. 160.*

CAP. XXV.

*Hiorvardus & Skulda à Hrolfo
splendido convivio excipiuntur. Eorum
insidiæ deteguntur. Athletarum nomi-
na. Cum Hiorvardianis congressus.
Biarkii artes. Skuldæ veneficia. Hrol-
fus & Hiorvardus eorumque copie
mutuâ internecione sternuntur. De
Skeggio. Midfiordensi relatio. De gla-
dio Skofnungo, & Hrolfi Krakii post-
humâ famâ. Pag. 163.*





CAPUT I.

Frodus Quartus. Ejus Filii. Halfdanus à Frodio Fratre opprimitur. Filii Hroar & Helgius latibulis absconduntur. Hos Frodius coacto prius in fidem populo, ad necem querit.

Frodus in ordine Daniæ Regum, ejus Nominis Quartus, præter Ingialdum Starkadi alumnum (quem vel ante maturam fratrum ætatem patri successisse, vel diversam à ditione eorum Regni partem sortitum, ex accuratâ antiquitatum collatione haut obscure colligitur; id
A quod

quod nos etiam in Serie Regum Dan: lib. III. cap. VI. monuimus) filios duos reliquit: Halfdanum nimirum, & Frodium, illo nomine Qvintum. Halfdanus totius Daniæ Rex (supremum intelligo) fuisse traditur: id quod Frodus frater æstro invidiæ stimulatus ægerrimè tulit. Atque eò tandem invidia crevit, ut post consilia de tollendo Halfdano agitata ingenti exercitu ad parricidium, patrandum ignaro talium integerrimo fratre, & omnino imparato, indeum moveret; incendiis, cædibus & rapinis, ditionem ejus sædaret. Halfdanus quantas subita perturbatio permiserat, copias collegit, sed frustra. Major enim erat impij conaminis progressus, quam ut reprimi posset. Itaq; nulla difficultate vertitur in fugam manus Halfdaniana: ipse in sceleratas fratris manus captus pervenit; & absq; ullo Sangvinis respectu impiè occiditur. Tres erant Halfdano liberi: filia natu maxima Signa Comiti Sævari nupsit. Hroar & Helgius, admodum tenelli, apud virum primum, Divitem agri, potentemq; in Daniâ, nomine Reiginum educati, ipsius ope-

operâ crudelitatem patrui effugerunt, inq; insulam qvandam ad senem, Nominē Virfilem, missi sunt, virum abstrusarum artium scientissimum; quarum beneficio is solus, aut etiam nullus, eos occultare, sævitiaq; regis subducere posse putabatur. Fuit autem Vir opulentus, qui tamen piscatum exercebat; intimus Regi Halfdano, dum viveret, amicus. At Frodius; quo regnum scelere partum, invisæq; Dominationis perennitatem sibi stabiliret, metum, aliàs infidum diuturnitatis custodem, humanitate comitateq; miscuit, variisq; blanditiarum illecebris exacerbatos civium animos demulcere, procerum in primis studia in se convertere, novisq; delinimentis chari principis memoriam abolere satagens, omnes tandem ad fidelitatis obsequiūq; juramentum adegit; inter quos sororius ejus, comes Sævar, præcipuus, magnumque regni munimentum, affinitatis nexu utriusque pariter devinctus postquam fidem semel obligaverat, novandarum rerum suspicione exsolutus, securitatem Regi suâ transitione confirmabat. Id solum timebat,

bat, ne quādo filii fratris adultiores in ultionem experrecti, tantam votis congruam felicitatem plane everterent, ad eos ergo sedulō inqvirendos animum adjecit. Publicēqve præmia deferentibus voce præconis proponit; occultantes metu pœnarum minisque terret. Arcessit etiam undiqve magos, harios & peritas augurii feminas; quorum quæsitū, facilius ē latebris suis educi possent. Ex horum responsis cognoscit, non in continente pueros, non tamen procul à Regiâ aulâ latere. Id miratus, in omni regni angulo eos se inqvivisse affirmat: esse tamen unam insulam, non longè dissitam, quam piscator, nomine Virfili, incolat; minime quidem suspectam; neque enim illum eò audaciæ processurum, ut inimicos suos in conspectu suo, propè sub ictu abscondat. Eam tamen magi responderunt, perpetuâ caligine obseptam inqvifitioni suæ non patuisse; videriqve senem illum alium, quam exterior habitus ostendat. Svadent itaqve, ut sedulò eam lustrari curet. Nec mora, ablegantur inqvisitores, verum non, ut crediderunt, im-

improvifi, nam mane ejus diei expergitus fenex, genios multos & potentes adesse prædicit: jubetque eo die intra nemorum angustias abditaque se pueri contineant: quibus dilapsis qui missi erant accedebant, domumque & ædes omnes perlustrabant. Re infectâ ad regem redeuntes increpati jubentur, ut protinus eò redeant, priusquam ulla reditûs eorum suspicio ei subeat. Verùm pari sagacitate istud ac antea olfecit fenex, iterumque pueros in sylvam abdidit. Omnibus deinde locis suspectioribus, sene nihil morante, nequicquam perlustratis recesserunt. Rex verò artes senis auctoritate metuque sui elusus sequenti die, armato qvesitu insulam quam ocysimè petivit. Id vero prævidens Virfili multis suspiriis imminens iis præsentissimum periculum, dubiumque eventum cum indicasset, in silvam eos ablegat, ibique se abscondere jubet, donec contentiore voce suos se canes, quorum nomina Hopp & Hö in lupos concitantem audiant, id signum subterraneæ cryptæ subeundæ futurum, ibique donec Rex abeat

manendum ; hanc enim unicam consulendæ salutis in præsens, nec tamen satis tutam videri viam, cum ipsum regem adfuturum prævideat. His præceptis, cum pueri in silvam dilapsi essent, ipse ad littus se recepit ; ubi cum navem Regiam appulsam animadvertit, videre dissimulans, in greges suos oculos à Rege semper aversos intendit. Rex eum comprehendi, sibiq; sisti mandat, magnum eum artificem pronuncians, jubet, ut filios Regis in medium producat, probè enim, ubi essent, nosse. Salve, inquit, ne quæso me detineas, sine modò gregi, quem jam lupi dilaniant, subveniam. Moxqve edito clamore : vos, inquit Hopp & Hö, gregem, cum mihi non liceat, liberate. Quid, ait Rex, clamas ? canibus meis, respondet, hæc Nomina sunt. Tu autem, Rex, perlustra omnia, nec tamen hic filios Regis invenies : neque enim hîc sunt, neque ego talis, ut inimicos tuos apud me detineam. Rex subdolum eum quidem esse, nec tamen pueris tutum ulterius receptum apud eum futurum, licet ad illud usque tempus ibi delituerint ;

meru-

isse illum capitis supplicium. Id verò, respondit, in potestate ejus futurum, nec postea iter ejus in insulam irritum dici posse. Rex contra, satis sibi constare, ait, quod eos occultaverit, nolle tamen pœnam istam tam atrocem in præsens exigere, atqve his dictis domum revertit.

CAP. II.

*Hroar & Helgius suasu
Virfilis ad Sævarem se
conferunt, nomina mu-
tant, dementiam simulant.
Post triennium una cum
Sævare ad aulam Regis
perveniunt. Convivium,
& in eo gesta referuntur.
Frodius debitas parricidii
pœnas luens, cum magno
suorum numero, incendio*

*vitam claudit. Saxonis de
his narratio expenditur.*

Post hæc senex cum ultra iis occultan-
dis imparem se agnosceret, svadet,
ut ad Sororium Comitem Sævarem
se conferant; magna, si viverent, fortu-
næ incrementa iis discedentibus augura-
tus : Qvi consiliis obtemperantes, as-
sumptis peregrinis nominibus (Hranium
enim se Hroar, Hamum Helgius appella-
bat;) hic decem, sed staturâ roboreqve ani-
mi & corporis potior; ille duodecim an-
norum, vili amictu comitem accedunt;
ejusqve liberalitate sustentari postulant;
obnuptâq; pileo facie, qvinam essent dis-
simulant. Ille operis eorum ne alimenta
quidem pensari testatus, nihilominus
quantum ad victum requireretur iis pari-
ter ac aliis ad tempus patere respondit.
Probrosus enim magnatibus per uni-
versum Septentrionem visum est cuiquam
alimenta denegare. Ibi deliris & fatuis si-
millimi tempus aliquantisper terebant;
Cumqve caput nemini aperirent, scabie
pura-

purulentâ (achoras vocant) laborare existimabantur, ludibrioque aliis fuerunt; nec unquam comes quicquam de eorum genere suspicabatur. Evoluto ab adventu eorum triennio (quis credat tanto tempore semper velatâ facie, opertis capitibus incessisse?) Frodius splendidum convivium apparabat; eoq; procures omnes regni, & in his comitem Sævarem invitabat; eum namque præ cæteris omnibus de puerorum receptu affinitatis jure suspectum habuit. Magno comitatu comes cum Uxore eò proficiscebatur. Pueri ab eo veniam petebant comitandi, numerum tantum suppleturi; ille verò dedecori sibi duxit, fatuos pompæ tam splendidæ miscere; domi itaq; eos remanere jussit. Qui neglecto mandato indomitas equuleas conscendebant. Hamus situ inverso, ad posteriora spectans, caudam fræni loco manu tenebat: Hranius situ quidem recto, tergo insidens, cum regere effrænem nequiret, |spectaculum comitatu præbuit. Uterque tandem deturbatus pileo decidente à sorore agnoscitur: quæ rei novitate, præsentique periculo

perculsa, effusè flere cæpit. Interrogata à Comite causam subitæ lachrymationis, carmine hoc sensu respondit:

*En Skioldi soboles, florida quæ prius,
Cev Sylva viridis filia nobilis,
Leta & frondiferis luxurians comis
Alto contigerat sydera vertice:*

*Jam vexata malis, immemor & sui,
In ramos steriles arida desit;
Et frustra remanent nomina, cum suis
Antiquis careant dotibus & bonis*

*Fratres en geminos conspicio meos,
Hic qvi nuda pigri dorsa premunt equi
Seuavis comites dum tamen aureis
Ornati phaleris Cornipedes vebunt.*

Comes admiratione defixus silentium imperavit, objurgansque pueros vetuit ulterius pergere, comitatuui opprobrio futuros: veritus ne lachrymæ uxori repente obortæ aliis suspicionem ullam de iis injicerent. Verùm illi incepto persistebant, ne deprehensa simulatio ansam inqvirendi præberet. Jamque pedites comitatum secuti, cum ad Regiam perventum esset, ultrò citroqve per aulam

cur-

curſitabant. Fortè ad ſe delatos Signia ſubmiſſâ voce monuit, ut foris ſibi cave-
rent, eò quod vires eorum exiguæ eſſent;
id quod illi neglexerunt. Interea Frodius
magnificis promiſſis à convivis elicere
conatur, ſi quid de iis certi conſtaret;
minis etiam occultantes terret. Aderat
inter cæteras, fatidica celebris, nomine
Heidis; quam ut artificio ſuo eos prode-
ret, ſpe magni præmii invitabat; inque
alto folio collocavit, ubi artem Seidicam
ſeu incantatricem exercuit: ſtatimque ut
ſibi ſignificaret quid de iis cognosceret,
poſtulabat: neque enim ſibi dubium, quin
complura ſe ei, dum his ſacris operare-
tur, manifeſtarent, id enim ſerenitatem
vultûs ejus in præſens polliceri. Hæc
itaque hianti riçtu, poſt crebras oſcitati-
ones verba modulatur:

*Sunt quæis fidendum non ego cenſeo,
Intra palatî limina Regiî;
Viri duo, quorum hic uterque
Exteriore foco caleſcit.*

Rex autem ſubjecit; iſtine adoleſcentes
ſunt,

sunt, an qui iis subsidio venerant? illa eadem venâ fluente respondit:

Hos arte longo tempore Virgilis

(Novi,) tenellos insula nutriit:

Dum nominis quondam latrantum

Hoppus & Ho tegeventur umbrâ

Eodem momento Signia auream armillam, nemine advertente, in illius gremium projecit. Læta munere tanto relationem invertit; Falsa loquor, inquit; omnis enim visio repentè corrupta est. Excandescens Rex tormentis veritatem eliciendam minatur, quandoquidem conditiones præclaras abnuat; neque enim certi quidquam in tantâ hominum multitudine ex ambagibus ejus concludi posse. Sciscitatur deinde quâ Signia loco excesserit? responsum; fumi toto triclinio sparsi è fornace exhalantis impatientem fuisse, eaque propter secessisse. Hic certè locus docet, priscorum Regum triclinia à cænaculis rusticorum hodiernorum Norvegorum nihil distâsse. Comes autem Sævar uxorem raptim consolaturus, ne animum despondeat, orat, afful-

fu-

suram quippe occasionem fratribus ejus extricandis, modò fatis longior vita debeat. Interea Rex fatidicam minis fatigans, tormenta enodatione veritatis redimere jubet. Illa majorem in modum oscitans, non pari ut antea felicitate in Seidica operatione procedebat; tandem hunc in sensum modulata est:

*Halfdanides video: sedet isthic salvus uterq;
Helgius hinc, illinc Hroar: uterq; ferox.
En horum auspiciis occumbet Frodius ipse,
Ni citò tollantur; quod mala fata vetant.*

Atque his dictis è folio descendens, inter gradiendum hæc subjunxit:

*Exardent oculi: Regum certissima proles
Hranius atque Hamus fervida corda gerunt.*

Monuitque dum aulâ exiret, ut sibi consulerent, illi metu perculsi fugam capessabant, operâ præsertim Reigini nutricii sui, qui novitate rei obstupefactus eos agnovit, luminaque omnia intra aulam extinguere curavit. Inde certamen ortum; aliis, jubente Rege, eos quærentibus; aliis elabendi viam sternentibus. Ut autem

tem in propinquam silvam elapsi sunt, Reiginus fœcundissimos calices omnibus miscuit. Rex quoque omnes genio indulgere jubet; brevi tamen conjurationis reos meritas pœnas daturus, haud enim se latere, multos conjuratorum adesse, qui eos præsenti periculo eripuerint; nec ab iis subitum periculum metuendum, exultantibus in præsens, quod è nassâ, quâ comprehensi includebantur, subito evaserint. Istæ minæ, impactumque promiscuè crimen etiam eos, qui insontes erant movisse; reos etiam incitasse videtur, ut facinus interficiendi Regis occuparent. Intereâ Reiginus large illis pocula, fortissimâ potione repleta, impigrè promit, donec victi mero, altoque somno sopiti, humi sternerentur. Primus deinde in proximam Sylvam, concitato eqvo, evectus, agnitusque ab adolescentibus, dum ad eos propius accederet, familiariter salutatur, qui aspero vultu, iratoque simillimus, ne verbo quidem eos dignatus, iterum ad aulam digressus est: id quod, illi mirabantur, mox eqvo reflexo ad eos tendebat, invasuroque simili,

lis, iterum ad aulam cursum direxit; neque enim verbum ullum excidebat. Hroar quidnam esset quod nutricius hoc gestu innuerat, à fratre quæsit: juramenti Frodio præstiti religione teneri videtur, respondit Helgius; nobis tamen benè cupiens monet, ut eum ad aulam sequamur; id quod illi fecerunt. Constitit propè Regiam lucus quidam, eò cum eos advenisse animadvertit, ad eum conversus, hac verborum formulâ animi sensum aperit: Quod si, ait, mihi cum Frodio inimiciæ interciderent, te procul dubio excinderem, nec plura effatus ad aulam rediit. Hroar quid his verbis significasset, fratrem interrogat. Monet, inquit Helgius, ut exciso luco faces Regiæ continuò subdamus. Quî istud efficiamus, respondit, pueri debiles, duo tantum, auxiliis destituti? id tamen periclitabimur, respondit Helgius: Semel enim audendum erit, si inimicum ulciscamur. Itaque fasces, quantas uterque tergo portare poterat, ad aulam deferabant. Quo viso Comes Sævar cum omni comitatu amicorumque numero aulâ egressus, quin,

qvin , inquit, ignem augemus , aulaeque parietibus admovemus, adolescentibusque succurrimus ? nullo enim nexu Frodio obstrictus sum. Omnes pene hac adhortatione animatos in auxilium fratrum traxit. Interea Frodius somno excitatus, somnium suis, licet haud felicia portenturum, expositurum tamen se affirmat. Audivisse enim vocem se suosque inclamitantem, dicentemque: Domum jam cum tuis delatus es; se autem respondisse; Quonam ? ad Helam, ad Helam (Proserpinæ locô in Septentrione culta est) responsum iterum reportasse ; tamque propinquum eum, qui clamavit, visum, ut excussum vestibus ejus ventulum persentire videretur; eodemque momento evigilasse. Hæc dum recenseret, Reiginus in exteriori aulæ parte hæc modulans auditur. Foris Reiginus filiiq; Halfdani versantur, dolosi sagittarii : nunciate Frodio Varem clavum cudisse, Varem caput ei affixisse, Varem firmum durabilemque clavum elaborasse. Hæc eadem nos rudi Minervâ, in metrum ita regessimus :

Dicite

*Dicite Frodinis, vestroqve hæc dicite Regi:
Ante fores Reiginus adest, sedet unus & al-
ter*

*Filius Halsdani: fortes, peritque Sagitta,
Fallaciq; doli: torquentque hostilia tela,
Var caput effecit clavi, Var cudit eundem:
Var bene durantem cautus scit fingere clavum.*

Duo erant fabri ferrarii in Regia, uterque Var nominabatur: var etiam vox est, quæ curiosum quid, cautum, attentumque & durabile significat. Aulici autem respondebant; nihil novi si Reiginus foris est, aut fabri Regis fabricant, sive clavos sive aliud quiddam. Frodius autem respondit; non de nihilo Reiginum hæc cecinisse; imminens certe periculum hoc logogripho indicatum, perniciem procul dubio omnibus allaturum, astuque velatum, atque his dictis ad fores accessit, omniaque hostibus obsessâ animadvertit. Quærit itaque quoniam ignem adadmovent? Responsum, Halsdani filios. Quin igitur, respondit, paciscimur, iuraque consanguinitatis, quâ par est, observantiâ columus; fas enim iuraque

sanguinis mutuis infidiis impiè violantur. Leges præscribite, pro arbitrio vestro, ego dictis audiens ero. Helgius contra; nullam eum fidem mereri; haud enim majore negotio se quam suum patrem, ipsiusque fratrem sublaturum. Hac spe frustratus, in occultum, in ancipitis fortunæ eventum excavatum, qui ab aulâ ad sylvam proximam ducebat, cuniculum confugit. Verum cum ad fores pervenisset, eas à Reigino cum armatâ manu obsessas, exitumque præclusum apprehendit, rebus igitur desperatis in palatium regressus, ibi cum magno suorum numero combustus est. Sigridis etiam Principum mater, Halfdani quondam uxor, cum exitum detrectaret, incensorum numerum auxit, fortè malè sibi indigni cujusdam facinoris conscia. Fratres in regna opesque omnes patruî successerunt. Sævar & Reiginus, reliqui etiam, pro suâ quisque conditione, amplis muneribus ornati sunt. Atque ita parricidium Frodiî, justo Dei judicio, ipsi & probrosum & exitiosum evasit. Hic est ille Frodius nobis pariter ac Saxoni in ordine

dine nominis quintus; qui Eigili Tunnicidæ Sveciæ Regi auxilium tulit; cujus auspicio Ottar etiam Vendilkraka in Justia occisus est. Frodius enim quartus centum annis prius in Daniâ, quam Eigill in Sveciâ regnare cæpit: secundum calculationem nostram, in Serie regum Dan: traditam: quæ tamen à Fridthiofiannâ, in Historiâ Norvegicâ aliter computatâ, parum dissentit.

Vides, Candide lector, in quibus hæc Saxonis relationi in Frothone Quinto, vel dissentiant vel consentiant. 1. Pro Halldano Frothonis fratre Haraldum ille substituit, eumque à fratre sublatum, nec diversis regnis præfuisse tradit; id quod nostra quoque illustrat. 2. Loco Hroaris & Helgii Haraldum & Halldanum supponit. 3. Signiam quæ soror eorum fuit, matrem fuisse tradit; non itaque nomen ejus oblitteratum est: 4. Pueros subcanum specie enutritos, latrantumque iis nomina indita memorat, quod admodum scitè cum Nominibus Hopp & Hö convenit. 5. Quæ de augurii peritâ fœminâ ad lafebræ locum commonstrandum

dum evocatâ, quæ muneribus corrupta pupillorum fugam inscrutabilem referebat, hîc pariter exponuntur. 6. *Qvi* nostris Reiginus, Saxoni Regno est. Utrobique pollicitus memoratur, si quid in patriâ novaretur, se Regi indicio delaturum. Utrobiq; pacti memoriâ concitatus noctu regiam petiisse, seqve promissæ rei indicem tacitè asseruisse monstratur. 7. Nec in pueris furoris simulationem, licet alio ordine traditam, Saxo præterit. 8. De exitu Frodii, incendio consumpti, inter utrumqve convenit. Cum itaqve Hrolfus Krakius Helgii filius fuerit, quàm inscitè ejus Historiâ libro Secundo à Saxone exponatur, cuivis inspicienti obvium esse potest.

CAP. III.

Hroar in Angliam transfretat. Augnem Nordrii Regis filiam uxorem ducit. Partem Regni sibi pro-

*propriam cum fratre per-
mutat. Sævar moritur.
Ejus filius Hroculus suāsu
matris regni trientem po-
scit, repulsam patitur.
Ad Hroarem se confert.
Armillam perdit. Pede
truncatur. Hroarem oc-
cidit. Regis nomen assu-
mit. Ejus pœna. Agnar
nascitur. Ejus elogium.
Succincta de his tempori-
bus dissertatio.*

Hroari & Helgio ut diversa erant in-
genia, ita & studia: ille mitis,
clemens & affabilis; hic militiæ
deditus, piraticam exercebat; ideoque
fratri prælatus. Interjectu temporis Hro-
ar in Angliam transfretans, ad Nordri-

um Northumbriæ Regem longo tempore divertit; tandemque filiam ejus Aug-
nem matrimonio sibi sociavit. Ascitus-
que in Regni societatem à socero, procul
à Daniâ egit. Interea Helgius sine uxore
& liberis solus universam Daniam, suo
fratrisque nomine, administrabat. Paul-
lò post Reiginus decessit; non sine publi-
co omnium luctu, quod esset vir regno
Regique apprimè utilis, vulgoque acce-
ptissimus. Postea Hroar in Daniam na-
vigans partem regni sibi propriam cum
fratre Helgio, inæstimabilis pretii armil-
lâ, opumque ingenti cumulo permutavit:
quod suis rebus, ut qui peregrè abesset,
magis conducere credebat; hisque onu-
stus domum repetivit. Excesserat jam
Comes Sævar, relictâ uxore viduâ, & fi-
lio, nomine Hroco, viro feroci & avaro.
Ei mater multa super armillâ illâ pretio-
sâ, quam communi possessione Reges,
Hroar & Helgius complecterentur, nar-
ravit, majoremque in modum commen-
davit; svasitque ut lati auxilii in asseren-
do illis regno, patruoque occidendo, præ-
mium, partem aliquam regni exigeret;
ne-

neque enim patri ejus tantam operam ab
 iis unquam repensam, sine tamen illius
 auxilio regno in æternum carituros. Fa-
 cile erat obsessum avaritiâ animum, in-
 quietumq; , ad ea quæ sponte secus fere-
 batur, impellere. Itaque ad Helgium
 profectus, aut trientem totius regni, aut
 etiam armillam illam incomparabilem,
 nescius Hroaris factam, petivit. Helgi-
 us ei benè excepto respondit: meruisse
 quidem parentes illius, ut illum & orna-
 ret & augeret; id quod se etiam ob inter-
 cedentem sanguinis nexum haut gravatè
 facturum; si modum votis ponere sciat;
 verum nullâ ratione trientem cum regni
 poscere, quod periculo vitæ suæ, nec so-
 lo parentum illius auxilio; sed etiam Rei-
 gini nutritii sui, pluriumque paternorum
 amicorum, regniqve magnatum, quibus
 invisa tyranni dominatio fuisset, quæsi-
 verit: armillam verò jam non esse in suâ
 potestate; quam frater Hroar solus pos-
 sideat, haut equidem impetrabilem. His
 auditis Hrokus perturbatus domum re-
 dit. Exiguâ morâ interjectâ in Nor-
 thum.

thumbriam ad Hroarem navigans, propenso animo exceptus est; ubi ad aliquod tempus benè habitus permanfit. Forte littora sinusque navigiis lustrando se oblectabant, cum Hroculus ut armillam sibi donaret postulabat. Hroar pluris constitisse ait, quam ut donari possit. Videndi igitur copiam petebat. Qui quâ factâ, cum eam manu teneret, subito invidiæ æstro percitus, jâctu quam longissimo in mare projecit; justum asserens ut neuter potiretur. Hroar ferociam juvenis miratus, nec inultam passus, truncatum altero pede domum remisit. Qui ut convaluit, collecto exercitu, classe in Northumbriam profectus, avunculum in villâ quâdam epulantem, de improvîso oppressit, occiditque; totamque ditionem sibi subjecit; & ne quid ad fortunæ cumulum deesset, Rëgium etiam Nomen assumpsit: quôque utrumque sibi in posterum confirmaret, Augnis avuncunculi uxoris nuptias petivit; cujus pater Nordrius; quanquam ad resistendum reprimendumque ferocis juvenis impetum impar sibi vide-

videretur, honestius tamen duxit mortem pugnando fortiter oppetere, quam cumulatam scelere scelus approbare. Verum filia paternæ conditionis miserta, deque salute ejus sollicita, quandoquidem viribus non posset, arte impetum juvenis infringendum rata, nuptias quidem non abnuitt. Cum verò gravida esset, pactis induciis, quoad partu levata honestè ei & ex dignitate jungi posset; statim ad levirum in Daniam legatos mittit; qui omnem gestorum seriem ordine panderent, angustiasque, quibus premere-tur, exponerent. Quo cognito, collaudatâ Reginae castitate, prudentiâ, & in maritum invicti amoris constantiâ, se quidem succursurum, eademq; fraternam vindicaturum promittit. Legatis hoc modo dimissis, copiis quam maximis collectis, in Angliam transfretat, collatisque signis cum Hroko dimicat; victorque vivum in potestatem redegit: Supplicium mortis scelus æquare negabat; amaram vitam & probrosam gravio-rem ratus, crura manusque ei perfringi jussit, atque ita affectum in patriam remisit.

Ante adventum Regis Augn filium enixa Agnarem appellavit : hic formâ, habitu corporis animique, virium etiam præstantiâ annos prævertit; ut duodecennis etiam præstantes viros superaret; bella plutima gessit, prosperâ usus fortunâ; tantamque nominis famam reliquit, ut prisca documenta passim ejus mentionem faciant. Fateor quidem sæpius Agnaris nomen Antiquitates à præclaris gestis commendare; quid tamen ex iis huic tribuendum sit, nusquam observavi: præter illud quod auctor hic tradit, quod accuratè inquisiverit finum locumque ubi armillam Hrokus projecerat; quam multi variis artibus expiscari, sed frustra, conati sint; is verò tertiâ vice urinando extraxerit; unde nominis illius gloria tantoperè aucta est, ut patre quoque major haberetur. Horum pars circa prima Anglo-Saxonum tempora, regni que Heingesti in Cantio occupati, contigisse videntur; antequam Northumbria in heptarchiæ partem redacta est: pars quoque quæ Agnarem attinet, ad posteriora tempora referenda. In primo Northumbriæ

Rege Bromton & Polydorus Virgilius dissentiunt; ab utroque quoque Series Regum Angliæ ad calcem editionis Lugdunensis Anno 1651 excusa, Bromton pag. 779, primum provinciæ istius Regem Occam Heingesti filium recenset, non indicato anno, quo regnare auspicatus est; Oscam Polydorus lib. III. p. 72. & Otham Heingesti filios facit, mortuos Anno 492, pag. 81. Si igitur Osca Northumbrorum Rex fuit, Hroari & Helgio Synchronus vixit: Sin verò dictam Seriem sequemur, quæ Bedæ Authoritate nititur, Northumbrorum Regnum ab Ida initium capit, ad annum 547. ex calculatione Polydori pag. 191. ad calculum reductâ 537. Hinc perspicuum, illud ante heptarchiæ tempora proprios Reges habuisse, Nordrum nimirum & Hroarem, forte & alios nobis ignotos. Cumque tam potens Rex atque erat Helgius Angliam classe peteret, credibile est, eum istorum temporum occasionem in suos usus vertisse, civibusque suis Jutis & Holsatis seu Nordalbingis, quorum regio, teste Beda, Athelwardo & Malmesburensi, uno nomine

An.

Anglia dicta, subvenisse, plures provinci-
as acquisivisse, iisque præfectos, vel Re-
gum, pro more seculi, vel etiam Comi-
tum titulo claros, eodem teste, sed fidu-
ciarios, imposuisse; id quod subsequuta
tempora docent: nam Halfdanus Diser-
tus, Ivar Vidfadmus, Haraldus Hilde-
tann, Sigurdus Hringus, Ragnar Lod-
broch & filii ejus, ad ditiones suas in An-
gliâ vindicandas, multas expeditiones su-
sciperunt, sive dum præfecti deficerent,
vel hostium viribus succumberent, vel
his ad resistendum imbelliores essent, id-
que à primis propè Anglo-Saxonum ini-
tiis, quæ, paucis annis exceptis, cum re-
gnorum Hroaris & Helgii initiis, secun-
dum nostrum calculum, concurrunt:
Heingestum enim laudata Series Cantii
Regem, Anno 455. Anno autem 488. bel-
lo cæsum memorat. Hroaris & Helgii
regni Danici exordia ad annum 460. in
Serie Regum Daniæ retulimus. Conti-
nuò autem cursu, formicarum ritu, è pa-
triâ Anglo-Saxones ad eos concessisse Po-
lydorus tradit. Ex provinciis itaque Da-
niæ regno Helgioque subjectis, agmina-
tim

rim in Britanniam confluxerunt: inde facile colligitur, auspicio Daniae Regum, certè auxiliis, eos pugnâsse, ipsisque provincias vindicâsse. Hanc nostram opinionem ipse Saxo, (modo hîc fidem merentur) non leviter confirmat, qvi Historiæ suæ Lib. II. pag. m. 28, tradit, hunc eundem Helgonem Jutiam Saxonibus eripuisse, & apud Saxoniam ingenui ac liberti necem pari summâ rependendam constituisse, perinde ac liquidò constare voluisset, qvòd cunctas Theutonum familias æqua servitus teneret, omniumque corrupta libertas parem conditionis ignominiam redoleret. Hic licet Saxo tempora personasque confuderit, uti id in Serie Regum Daniae Lib. III. cap. 6. & alibi, monstratum est; nihil tamen impedit, qvin vera de subjectâ Helgio Saxonîâ prodiderit.

CAP. IV:

*Helgius Olufam Superbam
teme-*

*temerè impetit; atque ab
eà indignè tractatur.*

Post hæc Helgius, auditâ Saxonîæ Reg-
inæ Olufæ superbiâ, quod formâ qui-
dem speciosissima, verum in Regum
morem transgressa viriles vestes armaque
gestans, multis expetita procis, omnium
Principum nuptias fastidiret; ejus poti-
undæ cupidus classem eò direxit; misit-
que ad eam legatos qui dicerent; velle se
cum comitibus hospitio ab eâ excipi.
Quæ cum tam improvise hospiti armis
depellendo imparem se animadverteret,
ad epulas eum quàm honorificentissimè
invitavit. Exinde epulæ conquisitissimæ
mensis appositæ. Regi in solio sedenti
Regina affidet, vultu ad blanditias mode-
stas hilaritatemque composito, jocis eum
& facetiis exhilarando, magnis crebris-
que poculis invitabat. Qui tandem te-
mulentior, esse sibi in animo ait, festivi-
tatem hanc in nuptialem convertere; satis
adesse convivarum, nec plures requiri.
Regina nullas indignationis notas verbis
vel

vel vultu præferens, saltem petiit, ne tam
 properè rem tantam aggredieretur; invi-
 tandos amicos suos & consanguineos.
 Adhæc ille : meruisse illam superbiâ &
 clarissimorum virorum contemptu, ne nu-
 ptia illius majore cum pompâ celebren-
 tur : hac igitur nocte se fastum illius re-
 pressurum, pertinaciâmqve virginitatis
 perpetuandæ domituum. Regina ubi
 Regem tam obstinato animo esse animad-
 vertit, blando sermone respondit : Non
 alium se maritum, si à virginitate rece-
 dendum esset, præ tanto heroe electu-
 ram; neque enim ab eo aliud quam quod
 jus fasque svaderent expectare. Verum
 nunquam in animum inducere potuisse,
 sine regali dignâ tantis fastigiis pompâ
 & solennitate, nuptiorum festivitatem
 celebraturum. quod si precibus se exo-
 rari non patiatur; ut in commodius tem-
 pus differat; se in potestate ejus futuram.
 His verbis exhilarato Rege, ingenti læti-
 tiâ totum palatium personabat. Dupli-
 cantur pocula, potaturque strenuè; Rege
 jam sponso exemplo suo convivas omnes
 invitante : qui tandem valdè ebrius ad
 tha-

thalamum Reginae sponsae, ibidem ad votum & imperium Regis recubantis, deductus, ut primum lecto exceptus est, arcto à nimia potione opprimitur somno, confestim Regina metu pudicitiae violandae liberata somno illum fortiore, notâ id temporis arte, (quod prisca Danicâ lingvâ dicebatur *ad stinga svefnþorn*, modernâ at faste *Sofneþryn þaa een*) sopivit. Comâ deinde abrasâ, caput pice ilinitum, pelliceo deinde culeo, vestibis subducto, involutum ad naves deferri iussit. Hinc satellites regis excitari, ejusque nomine mandari fecit, ut quam citissimè se ad naves reciperent: Regem namque praecessisse, secundis ventis flantibus ocyus inde discessurum. Illi haut secus ac imperatum erat, faciunt; itaque ad naves properant: ubi cum Rex, contra spem eorum, non compareret, de salute illius valdè solliciti esse cæperunt. Dum hæc animis volvunt, saccum ingentem propè jacentem conspiciunt: quo aperto, cum Regem sopitum illic agnoscerent, velut attoniti obstupuerunt: cumque eum somno oppressum huc illuc movent.

vent, decidit è capite soporifera acus; quâ capillis dormientis excussâ Rex evigilavit. Excitati hoc modo Regis ingens ira simul & vindictæ repentinae cupido animum exstimulabat. Verum quantò magis ultionem arsit, eò viam difficiliorē ad eam, illo tempore sumendamprehendit; nam tubarum lituorumque cantu omnia in circuitu personabant. Et enim Regina, sive ad primum legatorum adventum, convivium magis imperiosè postulantium, quàm amicè expetentium; sive postquam Rex temulentus ignominiosam nuptiarum mentionem fecerat, ex totâ viciniâ copias tantas tam subito collegit, ut omnes vias conatibus suis ad vindictam persequendam præclusas Rex animadverteret. In Regnum igitur ventis secundis, sed ignominia plenus, iraque frendens navigavit; dilaturus, in quam intentus erat, ultionem in occasionis oportunitatem. Regina de tanto facinore majorem in modum triumphans, in dies magis magisque intumuit; nec in tantum unquam fastus ejus & superbia antea creverat. Ne verò Regis, vindi-

C

ctam

Etam ardentis, armatæ libidini injuriis-
que obnoxia foret, valido militum præ-
sidio corpus suum vallavit. Fama verò
tanti ludibrii ocius per omnes circumja-
centes regiones pervolans, vix fidem in-
venit, tantâ potentia, tam ingenti spiritu,
belloque clarum Regem à fæminâ tam
turpiter deludi potuisse.

CAP. V.

*Helgius illatam sibi igno-
miniam vindicat; & Olu-
fæ Reginae stuprum in-
fert.*

Tempore haut ita longo interjecto,
oris Saxonæ Rex Helgius classe ad-
vectus, navibus in recessu quodam
abditis, solus in terram exspatiatur, so-
ciis nauticis triduum exspectare, ni inte-
rea rediret patriam petere, jussis. In sal-
tum quendam, non procul ab aulâ, argen-
to auroque plenas arcas duas deportari
curavit, ibique celari: humilem ipse ve-
stem

stem obsoletamque indutus ad regiam se confert; ubi in servum quendam, Reginae præter cæteros familiarem, incidit. Sermone deinde ultrò citroq; habito, ab eo rogatus quisnam esset? mendicum professus est, non tamen adeò egenum; sibi enim magnam & insperatam, invento in sylvâ thesauro, fortunam nuper affulsisse; quam ne in infortunium vertat, visum sibi ad Reginam deferre, quæ jure sibi vendicet flavissas absconditas, se tantum inde decerpiturum, quantum illa permittat; certo scire futurum, ne se fortunæ suæ aut detecti thesauri pæniteat: ad relationis suæ veritatem explorandam ut secum in sylvam digrederetur, deposcebat: ubi ostensis arcis, & quid iis contineretur, tantam fælicitatem admirante servo, interrogat, an etiam auri cupida esset Regina? ubi illam etiam ultra sexum inexplabilem accepit, rogat ut ad inspiciendas opes, nullo omnino labore partas, Deorum certissimum donum, solam illuc, ne res palam fiat, deducat, aureoque annulo & monili donatum, ut id in se recipiat, perpellit; pollicitus insuper se effecturum

ut si in ipsius offensam eapropter incurrat, nil periculi ei inde metuendum sit. Servus mercede corruptus lætus & alacris domum redit, aperitque Reginae, in silvâ quâdam auri argentique vim ingentem sibi inventam; si libeat invisere, paratum eò deducere. Ad hæc Regina respondit: veritatem hujus relationis magna mercede; falsitatem impendio capitis constare scito. Verum quod te expertæ fidei servum novi, verbis tuis fidem habeo. Ne verò cuiquam innotescat, differendum in noctem iter est, ad tantæ rei inspectionem. Sub noctem Regina, cupidine gazæ exstimulata, solo servo comitata saltum intrans, thesaurum quidem, sed simul Dominum ejus deprehendit. Qui opportunam ratus occasionem illatæ sibi injuriæ ignominiaque ulciscendæ, Reginam arripit, ibi illa fateri injuriam, Regemque ut se in matrimonium honestè reciperet, orare cæpit. Quo postulato nil motus Rex, eam ad naves deduxit, ac per complures dies secum detinuit; Tandemque expletâ libidine; ignominiâ, avaritiæ mercede, plenam in terram exponi cura-

curavit; ipsa irâ, angori permistâ, frendens, domum prægnaus rediit; quod tamen summo studio occultavit, nec nisi familiarissimis, quibus rem aperire necesse erat, quæ gesta fuere revelavit.

CAP. VI.

Yrsa nascitur, à matre indignè educatur, à Patre rapitur. Ei inscia nubit. Hrolfum parit, ab Helgio discedit. Adelsi Sveciæ Regi matrimonio jungitur.

Itaque Règina, postquam tempore ad fætus maturitatem necessario uterum clam gestâsset, virginem venustissimam peperit; in quam recens natam conceptum in patrem odium convertit, auspicata à nomine quod canibus proprium, & in eorum genere uni ex suis; ho-

minibus verò contemptum & inusitatum ipsi communicare placuit, Yrsam vocando; ut vel nomen solum audientibus ludibrio esset. Sed nec educatio minus probrosa fuit: nam vix cunis egressa, infimæ sortis hominum filia fingebatur; atque à politiorum hominum, scæminarum præsertim consortio, muliebribusque artibus addiscendis arcebatur; ne ingenii fortè in assequendo deexteritas, admirabili formæ conjuncta, suspicionem generis ullam, materiamque inquisitionis præberet. Duodecem annos nata, ad servile pascendi gregis ministerium adhibebatur. Et annum integrum isto munere functa erat, cum fortè notis littoribus prædatoriæ classis Helgius pater advertit, ac desiderio status conditionisque Reginae cognoscendæ, solus, obsoletâ veste senem mendicum simulans, in terram ascendit. Ibi deprehensam eximiæ formæ puellam, qualem antea nunquam conspexisse sibi visus est, gregis custodiæ præfectam, captus venustate formæ, quibus esset orta parentibus interrogat? Pauperibus in
vici-

viciniâ parentibus ortam se professæ, respondit: genus haut servile ex oculis ejus facile dignosci; intereâ convenire ut pauper pauperem ducat. Mox ad classẽ ne quicquam deprecantem deduxit, cæpitque intentius adamare; inque regnum redux nuptiali convivio celebrato, in uxorem ascivit; atque ex eâ filium, nomine Hrolfum, Krakium postea dictum, Daniæ Regem celeberrimum, suscepit. At Regina cognito filiam clam omnibus avectam, simulque quod Rex Daniæ Helgius Reginam admodum tenellæ ætatis, ejusdem nominis, duxerit, rata id quod erat, incestas inter illos nuptias esse contractas, ad eas dissolvendas animum intendit, maximè quod illos mutuo amore tenerrimè sese diligere comperit. Verum differendum rata, donec conjugalis amor magis magisque in dies provectus, vel prole auctus, ad summum pervenisset, quo major amantibus à divortio ægritudo succresceret. Post aliquod temporis intervallum, ubi sobole auctos novit, in Daniam profecta legatos ad Reginam Yrfam, qui de adventu suo certiore eam facerent,

rent, præmisit. Hæc statim Regali pompâ obviam ei procedit, atque ad aulam benignè invitavit. Respondit Olufa: nulla inter Helgium ipsius maritum & se amicitiae fœdera intercedere, quibus allecta ad eum salutandum tam longinquum iter suscepit; longè graviolem causam subesse, quam reticere piaculum duxerit: simulque interrogat, ut præsens matrimonium placeat? Optimè, respondit Yrsa; nec aliter esse potest, cum celeberrimi nominis, magnæ potentiae, ingentisque virtutis, opulentiae & gloriæ maritum habeam. Neutiquam, regessit Regina, de marito tibi tantoperè gratulareris, nisi eorum quæ in hac re gesta sunt, ignara esses. Etenim conjugium inter Helgium & te contractum, patrem in propriæ filiae amplexus commisit; cuius rei certius testimonium me ipsâ perhibere nullus potest. Ille namque postquam convivio exceptus vim mihi in propriâ aula intentatam inferre nequivit; domo deceptam rapuit, stuprumque intulit, unde tu prognata. Hæc sunt quæ te celere nefas duxi, ut quam ocissimè impiæ, Diis immortalibus invi-

invisæ, humano generi detestabili, tibi-
 que ipsi extremè probrosæ societati cum
 Helgio renunciare, atque à tam nefario
 congressu cum illo abstinere discas: ne-
 que enim fas est illi post tantæ consangui-
 nitatis notitiam commisceri, cujus in
 hunc usque diem facti culpam sola igno-
 rantia diminuerè potest. Regina Yrsa
 adhæc obstupescens, ubi ad se rediit, serò
 quidem, inquit, stemmatis mei originem,
 regibus fata, te tamen matre impiissimâ,
 crudelissimâ, iniquissimâ nata, agnosco;
 ut quæ propriam prolem ab aulâ ad haras
 & ovilia, inauditâ crudelitate relegaveris,
 probrosum nomen indideris, ac denique
 conjugii vitium tantisper sciens reticue-
 ris, donec conjugalis amor & affectus
 etiam procreatione sobolis auctus eò cre-
 verit, ut absque summo mærore divelli
 nequeamus, quo tristiores orbitatem fa-
 ceres. Omnia hæc, ait mater, ex odio
 Helgii profluxerunt, cujus te innocentem
 participem summâ cum injuriâ factam
 esse fateor. Nunc autem si relicto Helgio
 mecum abire velis, omnia maternæ pie-
 tatis

tatis officia experieris, præteritique temporis odium amore, contemptum honoribus cumulatius repensum deprehendes. His dictis Yrsa à matre digressa domum rediit, omnemque tragædiæ scriem Regi exposuit; addens generis notitiam obstare, quo minus in posterum cohabitare liceat. Ille immensam matris illius crudelitatem execratus, nuptias ne rescinderet, oravit. Illa incestum perosa conjugium, in proposito perstitit, abitumque paravit. Multis igitur lachrymis ultrò citròque fufis, filio Regni hærede patri enixè commendato ad matrem rediit, eamque in Regnum suum Saxoniam comitata, omnibus deinde maternæ pietatis officiis & honoribus afficitur. Nec illi morum svavitas, ingeniique bonitas defuit, quibus duræ matris animum molliuit, simulque populi studia in se convertit. Nec modo nominis illius fama universum Regnum implevit; verùm etiam ad transmarina latè pervagata multorum eò deduxit principum animos, ut illam sexûs sui & seculi palmam reportasse faterentur.

terentur, atque in conjugem petiissent, nisi metus adfuisset, ne potentior Rex Helgius iterum eam repeteret. Svecis hoc tempore imperavit Adels, Rex potentiâ clarus: Hic inter alios Yrsæ virtutum famâ perceptâ classem haut modicam instruens in Saxoniam transiit, conjugium ejus ambiturus. Regina mater, convivio amplissimo in ejus gratiam appurato, amantissimè eum & summo cum honore excepit. Cumque is itineris causam proderet, illa filiae conditionem vicissim enarravit: Quod si Adels prioris mariti offensam nil metuat, se facile petitis illius assensuram. Adels hisce nil motus in proposito perstitit. Negocium itaque ad Yrsam deferitur, ejusque de hac re sententia exquiritur. Illa prioris mariti virtutibus strictim commemoratis, mutationem omnem periculosam esse respondet; nec sibi animo excidisse prius matrimonium, quod licet initio jucundissimum fuerit, tam tristem exitum habuerit, quam temerè & imprudenter cæptum sit. Interea hîc, veluti alias, matris arbitrio multum tribuere, quam filiae for-

fortunæ quàm optimè consultum velle non dubitet ; nec ignorare se , eâ illam esse prudentiâ , ut quid sibi maximè conducatur , optimè prospicere queat , consensum itaque suum ab illius mente dependere. Cumque inter eos matrimonialis contractus conclusus esset , patris tamen consensus requisitus non est. Exaucto ibidem aliquantulo temporis spatio , dimissione redditus maturandi impetratâ , Rex assumptâ sponsâ aucto quoque comitatu in Regnum rediens , publicâ lætitiâ , & festâ omnium ordinum acclamatione excipitur. Inde nuptiale convivium , invitatis ad festivitatem amicis , consanguineis & proceribus Regni , plebeque ad solennitatem tantam undique confluente , communi applausu & votis pro fælicitate Regis Reginaeque conceptis , celebratur. Ex collatione hujus Historiæ cum Chronico Norvegico institutâ , colligitur , Reginam Olufam , postquam Yrslam peperisset , nupsisse Regi Geirthiofo ; namque ex Chronici relatione patet , illius conjugem fuisse , cum Adels virginis nuptias impetravit. Verum Saxo historiæ quam

hic

hic describimus , magis adstipulatur ;
nam quamvis matrem eam patri igno-
ranti prostituisse cum his non conveniat,
convenit tamen cum Helgio prius quam
Adelsæ Yrsam consuevisse. Sed ad rem
redeamus.

CAP. VII.

*Helgius mærore ob amis-
sam conjugem vexatus ,
solus agit. De monstroso
Skuldæ ortu narratio.
Profectio Helgii in Sve-
ciam. Ejus cædes. Ber-
serki , eorumque mores
describuntur.*

Vix Yrsa thalamum Adelsis conscen-
derat , cum hujus rei fama ad aures
Helgii in Daniam pervolavit. In-
dè mæror & tristitia animum exstimulans,
adeo illum perculit , ut subducens se ho-
minum

minum commercio segregem domum, omnis famulitii impatiens, solus incolet. Accidit autem, ut nocte concubiâ lamentabilis cujusdam ante fores ejulantis sonus auribus ejus obreperet. Expergefactus igitur, recluso ostio, informe quoddam mulieris simulachrum, habitu corporis fædum, veste squalore obsitâ, pallore, macie, frigorisque tyrannide propemodum peremptumprehendit; quod, precibus obsecratus, ut qui jam miserorum æumnas ex propriâ calamitate pensare didicisset, in domum intromisit; ipse lectum petit. At mulier, ne hac quidem benignitate contenta, thori consortium obnixè flagitabat, addens id tanti referre, ut nisi impetraret, omninò sibi moriendum esset. Quod eâ lege, ne ipsum attingeret, concessum est. Ideò nec complexu eam dignatus Rex; avertit sese. Cum autem primâ luce forte oculos ultrò citròque converteret, eximiae formæ virginem lecto receptam animadvertit; quæ statim ipsi placere cæpit: Causam igitur tam! repentinae mutationis curiosius indagant-

dāganti respndit virgo, se unam è subter-
 raneorum hominum genere diris nover-
 calibus devotam, tam tetrâ & execrabi-
 li specie, qvali primò comparuit, damna-
 tam, qvoad thori cujusdam principis so-
 cia fieret, multos Reges hac de re sollici-
 tasse. Jamqve actis pro præstito benefi-
 cio gratiis, discessum maturans, à Rege
 formæ ejus illecebris capto comprimitur.
 Deinde petit, si prolem ex hoc congres-
 su progigni contigerit, seqvente hyeme,
 eodem anni tempore, ante fores positam
 in ædes reciperet, seqve ejus patrem pro-
 fiteri non gravaretur, secus non leve in-
 fortunium insecuturum prædixit: à quo
 præcepto cum Rex postea |exorbitâsset,
 nec præ foribus jacentem infantem pro
 suo agnoscere voluisset, ad eum iterum, sed
 corrugatâ fronte, accessit, obq; violatam
 fidem acrius objurgatum, ab imminente
 periculo, præstiti olim beneficii gratiâ,
 exempturam pollicebatur, ita tamen, ut
 tota ultionis rabies in filium ejus effusa
 graves aliquando levitatis illius pænas
 exiget. Ex hac tam dissimilium natu-
 rarum commixtione, Skulda versuti &
 ver-

versatilis animi mulier nata fuisse memoratur ; quæ utramque naturam participans , prodigiosorum operum effectrix perhibetur. Postquam verò ad meliorem mentem luctu paululum levatus Helgius rediit, tristitiam animique dolorem negotio propulsaturus , ad piraticam , à teneris familiarem , iterum exercendam se convertit. Tum verò amore Yrsæ impotens, Sveciam classe petivit, experturus si forte eam secum vi vel arte abducendi, maritoque invito eripiendi occasio affulgeret. Consilii forte ignarus Adels, ut littoribus Sveciæ eum appulisse comperit, quærit à Reginâ, an ad convivium eum invitari velit? id verò in arbitrio ejus potestateque situm respondit : eum tamen esse quem sibi præ omnibus aliis colendum & honorandum agnosceret. Visum est Regi à rebus suis non alienum eum quam honorificentissimè invitare, non item omninò indemnem dimittere. Mittuntur ergò ad naves, qui salutem Regis Regi deferrent, adque hospitium invitarent. Is oblato honore lætus, relictâ ad classẽ maximâ copiarum parte, centum tantum

tantum in comitatum delectis, sine morâ accessit, & quam honorificentissimè excipitur. Duodecim Berserki militiam Adelsis seqvebantur: mores his & ingenia, ut cæteris ejusdem furfuris, furor & rabies plusquam canina; cutis ferro impervia, clypeos admordere, porcorum more grunnire, vel leonum potius rugire, cum efferbuerit ira in bellum nudo capite ruere, ad singulare certamen provocare, qui uxores, nlias, aut cognatas libidini eorum permittere recusarent, vique stuprare, si prælium derectaretur, cæteroquin promiscuè mätroas & virgines violare, mensem unum aut alterum detinere, domum deinde cum ignominiâ ad parentes & propinqvos remittere, ubique latrocinari, inter præliandum, furore percitorum instar, duplo robore augeri. Hi tales illius seculi principibus in deliciis fuerunt; quibus ad præsidium corporis & Regni usi, ad eorum scelera connivere necesse habuerunt, munera quippe ingentia ex latrocinio quotannis, tempore festi Jolenfis, iis deferre solebant, socios scelerum & participes rapina-

D

rum

rum & latrocinii eos secum reddentes. Hos subornavit Adels cum mandato, ut saltu, qvi inter urbem & Regis Helgii classem intercederet, propè viam publicam, qva processurus esset, absconditi, in eum facto impetu irrumperent, subornaturam se copias, qvæ illum à tergo premerent, pollicitus, iterum atqve iterum monens, ut sedulò caverent, ne omninò elaberetur. Hæc fraudis doliqve machinatio summâ curâ occultata est, ne quicquam illius Reginae, ne Berserkorum quidem reditus, suboleret: (nam interea dum Helgius illic moratur, ex quadam expeditione redierant; quos ne palam progredierentur, Rex decursu suo in itinere non procul ab urbe præoccupavit.) Iterum convivium ingressus, hospiti se facetum & benignum exhibuit. Verùm Helgius aspectu Reginae adeo exilaratus, & tanquam totus extra se, in amorem ejus raptus, illius solius colloquio toto convivii tempore intentus erat; quò Zelotypo Regi suspicionem occultarum molitionum auxit. Sub finem convivii hortatur Regina maritum, ne absque

que Regiis donis socerum dimittat, quod ille alacriter pollicitus, sub abitum Helgii liberaliter & magnificè executus est; nam pretiosissimis muneribus, auro, gemmis & diversi generis cimeliis donatum, summâ cum honoris exhibitione, unâ cum Reginâ per plateas longam viam, specie sinceræ charitatis, comitatus, ultimum vale dicentem dimisit; susceptâ interim satellitum cohorte, qui honoris causâ ulterius in viam deducerent; qui ad destinatum locum cum pervenissent, consalutato Rege discesserunt. Nec longo temporis interjectu irruentes in se Berserkos, quantumvis imparatus fortiter Helgius excepit, repulissetque, ni ex insidiis exortus armatorum globus illum à tergo invasisset. Cumque ab omni premere-tur parte, in mediâ hostium aciem equum permisit; magnâque strage editâ, ne inultus moreretur, oppressus succubuit. Munera inde tutæque largitiones Regiæ unâ cum spoliis devictorum ad Adelsê delata sunt. Ingenti ex tantâ victoriâ lætitiâ perfusus Adels, & tantum non triumphans, quod tanto Rege, qui solus

gloriæ suæ obstruxisset, summoto, jam æmulorum nemo superesset (non enim filium adolescentiam nondum ingressum metuebat.) Regina patrem è vivis sublatum nunciari iussit: quæ longè secus tam tristi nuncio afficiebatur; quam jam gravi luctu oppressam Rex consolaturus accessit, querimoniis missis luctum ut deponeret, hortatus; se ei & mariti & patris loco fore; multamque, si sciret, ob patris cædem, aurum, argentum, resque alias pretiosas accipere monuit: cui Regina respondit, quod fortissimum heroem, invictissimum Regem, omnium mortalium sibi devinctissimum, sui ipsius focerum & id temporis hospitem, rupto divini humanique juris vinculo, fraude & dolo vitâ privasset, non esse quod gloriaretur. Se quod attineret, cum natura se ad ultionem sumendam non armasset, sumpturam quam possit: fidem namque ei subtracturam, si quando res foret cum aliquo, qui amicitiae & sanguinis nexu patrem attingeret; nec Berserkis parsuram, cum occasio offerretur. Rex minas illius tam sibi quam illis intentatas,

insu-

insuper se habere testatus, ut mulctam, quam ipse sibi irrogaret, non respueret; iterum svasit, persvasitque: quâ acceptâ numquam tamen à morte Helgii hilaris aut animo tranquillo apparebat, rixæque & tumultus in aulâ plures quam antea exorti sunt, totisque viribus annitebatur, ut Berserkos contumeliis afficere posset: optabatque tacite divortium cum Rege; sed potentia voto obstitit. Jamque Adels sibi primum, deinde aliis, Septentrionalium Principum potentissimus videbatur; nec esse, qui sibi Berserkorum præsidio munito dubiam palmam faceret. Crevitque adeo potentiae ejus opinio, ut multorum fortium virorum confluxus ad eum fieret, magno honori ducentium, aulam ejus militamque sequi; quamvis id temporis pace tranquillâ & otio, sopitis bellis, potissimum frueretur. Cum autem Reginae inopina de Berserkis ultio, operâ insignis athletæ Svipdagi ejusque fratrum tandem obtigerit, genus eorum gestaue, totiusque vindictæ ordo hic jam exponendus est; præsertim cum illi deinceps in aulam Hrolfi Krakii recepti,

pti, ulterius quoque ad hanc historiam
pertineant.

CAP. VIII.

*Svipdagus, ejusq; fratres.
Ipse ad aulam Adelsis
accedit, cum Berserkis
conflictatur. Eos superat.*

Fuit Vir inter Sveciæ incolas, aviam
& longe à cæterorum civium habita-
tionibus distantem solitudineque di-
remptam villam incolens, nomine Svi-
pus, provectæ ætatis, verum juvenili æ-
tate animi vigore, corporisqve robore,
artiumqve tam militarium, quam quæ agi-
litate conciliant, scientiâ probè instru-
ctus; nec talis, ut ex habitu exteriori de
indole & animi dotibus conjectura capi
possit. Tres illi filii, juvenilis paterni
vigoris prorsus æmuli: Nomina his Svip-
dagus, Beigadus, & Hvitferkus liberorum
natu maximus. Commendabat hos præ-
ter

ter cæteras animi corporisque dotes speciosa forma, qualis in viris laudari solet. Vix decimum octavum ætatis annum impleverat Svipdagus, cum patri solitudinis tædium qvestus, discedendi veniam petivit, dictitans; deserta, abditasque convalles, quas natura à cultioribus & amænioribus terræ partibus secrevisset, nihil esse aliud, quam exilii locum, ad quem qui colant, tanquam humani generis portenta civibus invisâ, relegati damnatique, omni humanitatis commercio prohiberentur: habere se potentissimum Regem invictissimo Berserkorum cæterorumque athletarum & pugilum satellitio stipatum Adelsëm; illum se accessurum, & ut in militum ejus collegium adscisci possit, enixurum. Ad hæc Svipus pater regessit; nequaquam sibi illud institutum probari; nam quanquam sit Rex celeberrimus, opum tamen & potentiae vim, non proprias virtutes, claritudinem illam conciliasse; esse enim animo versutum, alloquio blandum, & pariter insidiosum, qui plura promitteret, quam præstaret, moribus ad ostentationem compositis,

tis, naturâ revera malum; Satellites vero invidios. & audaces, corporis stupendo robore pollere. Svipdagus periculis subeundis virtutem illustrari respondit; persvasum esse, tædiosæ ad illud usque tempus traductæ vitæ genus aulico splendido & jucundo permutare, paternâque domo excedere. Quod ut obstinatè proposuisse pater animadvertit, assensum etiam præbuit, optimiqve generis eqvo, armaturâque nobilissimâ instructum inter cætera securi, acuminis & magnitudinis miræ & inusitatæ donavit, dimissurusque fassit, ne ullum injuriâ laceggeret, illatam fortiter reprimeret, neve fortitudinem jactaret; sed impetitus eandem ostenderet, nempe dissimulatam ex provocatione admirabiliorem, & ex improvise erumpentem illustriorem fore. His monitis, pluribusque aliis prudentiæ regulis instructus Svipdagus, parentibus consalutatis, iter ad aulam Regis direxit; quod eodem vespere, eqvo acriter in cursum laxatis habenis concitato, emensus, ad circum ante aulam, ligneo sepimento munitum, januis clausis, pervenit. Mos erat

erat ingredi volentibus veniam efflagitare ; quod ille negligens effractis claustris citato cursu penetrans , ad Regem aureâ sellâ insidentem , Berserkis ab utroque latere stipatum , se contulit , decenterque salutavit. Mox cujas esset , & unde veniret , quærenti , patrem domiciliumque exposuit , agnitusque inter præcipuos pugiles locum mereri visus est. Sed offenderat Regem Berserkosque superba adeqvatio , quod cancellos Regios temerè perrupisset , nam eodem fortè die ludi celebrabantur , ad quorum spectaculum frequens populus cõierat : cumque vidisset Rex advenam adeò superbè portis adeqvitantem , hunc virum magnos spiritus gerere pronuntiavit ; nec aliàs sibi visum , qui tam inflato animo januas sepimenta-que clâthrorum pernicis equi cursu momento prosternere ausus esset ; illius igitur fortitudinem viresque explorandas. Interea ludorum solennitate haut quaquam cessante , scamno se advena inter spectandum inclinans à Berserkis minaci vultu eum intuentibus cædi quam pri-

mum destinatur. Igitur finito ludo ad
 Regem eunt, veniam facinori patrando
 expetentes: quibus ille respondit; non se
 eâdem atque ipsos æstimatione advenam
 metiri; haut injuriæ oportunum sibi vide-
 ri, velle tamen ut experimentum suma-
 tur, robur hic an fastus prævaleat. Gre-
 ge populi & famulis aulicis ad sua reme-
 antibus, Svipdagum accedunt, quæren-
 tes, an athletam se profiteatur? quibus il-
 le, haut ullo eorum inferiorem cum re-
 spondisset, prius furore percitos acrius
 inflammabat, adeò ut Rege spectaculum
 istius experimenti in crastinum differen-
 te, vix jam frendentes irâ & ultionis ardo-
 re incalescentes continerentur, qui eum
 actutum provocantes, arma sibi, non ses-
 quipedalia verba tumidamque inflati tugu-
 rii opinionem, opponi poscerent. Ille
 verò paratum se ait cum illis per vices
 congregari; nec, si pluribus uno eodemque
 congressu excipiendis non impar sibi vi-
 deatur, illud quoque certamen detracta-
 turum. Tantâ repentini advenæ fiduciâ
 Regina adeò lætata est, ut gaudium intra
 præ-

præcordia animi abscondere minimè posset, appositè talem hospitem accessisse dictitans, qvi Regem Berferkis nimium, nec sine Majestatis sugillatione, fidentem doceat, quantum præsidii in illis situm esset, cujus verbis magis ac magis excalescentes, palam testati sunt, ejus in se animum dudum sibi perspectum esse, utpotè quæ votis, omnium simul mortem, quo patris manibus ritè litetur, expetat. Vix illuxerat dies crastina; cum ardore pugnandi incitati, inque harenam singuli digressi, uti convenerant, Svipdagum adorti sunt. Magnis animis concurritur, Berferkis partam famam, Regium favorem omniumque opinionem asserturis, peregrinique tam contumaciam quam contumelias vindicaturis: illo contra, verbis hesternis fidem facturo, inveterataeq; opinioni de fortitudine eorum falsò conceptæ detracturo, famamque nominis, imperantium gratiam & adstantium plausum promerituro. Nec longa mora, primo atutum strato occisoque, alter vindictam sitiens in eum irruit, statimq; ad orcum missus ictu gladii corrui. Con-

simili

simili fato adhuc duo consumpti sunt; cum indignatus valde Rex, intulisse sibi tantam cladem Berferkorum cæde inopinatum advenam ignotumque questus, omnes, qui aderant, ut simul in eum irruerent, conficerentque, mandavit. Verum Regina, verita ne forte subitaneâ irruptione subverteretur, satellites suos ad vim arcendam opposuit; dictitans, longe majorem illum cunctis Berferkis esse; quos solus virtute superabat: Rege autem indignum in unum hominem satellitum omne armare: tantâ virum ejus propè invictarum confessione evinci, quanto omnes præstet, ad quem opprimendum integro propè exercitu opus sit; levem autem cladem Berferkorum cæde illatam videri, quos unus juvenis, nullius ope adjutus, sustulerit. Motus dictis Reginae Rex Svipdagum loco honorificentissimo sibi è regione collocavit. Elapso vespere Svipdagus, cum per noctem præcedentis diei periculum animo volutaret, non satis Berferkos lacessivisse, nec gratiam Reginae satis rependisse sibi visus est. Lecto igitur exsurgens armis assumptis,

solus

solus cubiculo egressus est, ratus sibi insidias tendi, si se solum viderent; illam occasionem manibus elabi hautquaquam passuros: nec fefellit opinio; nam'ut nullo comitatu, nullis auxiliis suffultum vident, omnes confertim simul in eum impetum faciunt, quorum ictus partim umbone exceptos declinavit, partim gladio grandioribus ictibus retorfit, duravitque aliquantisper iniquum certamen, donec Rex tumultu excitatus, interveniendo diremit. Quintus è Berferkis eo conflictu morte mulctatus est. Viso autem quod octo robustissimi inter omnes Sveones habiti, delectique in limitum regni custodiam, uni viro impares essent, Rex vehementer excanduit: maximè quòd successu frustratus esset. Namque clanculum ultionem sociorum hospitisque cædem, cum Svipdagus cubiculo egressus esset, ipse subornaverat, maturandum ratus, dum Regina horum inscia opem ferre nequiret, graviter ergò increpatos extra imperii limites proscripsit. Dictitans, diu sibi constitisse ferociore quam fortiores

res esse. His accensî Berferki bellum minitabantur. Rex verò respondit, in suâ quidem potestate esse, bellum illud morte eorum prævenire; quo tamen magis contemptos se quam timendos agnoscant, exilium iis permitti. Atque ita turpiter exauctorati, ultra imperii pomæria egressi sunt. Rex verò Svipdagum in eorum locum suffecit: hortatus, quandoquidem Reginâ annuente copiis militaribus custodiæque Regni præfectus sit, locumque Berferkorum omnium solus successor teneat, provideret; ne minus utilem se sibi regnoque exhibeat, quam erant duodecim antecessores, excursusque piratarum, populationes vastationesque propulset, terrestres hostium irruptiones arceat, seditiones reprimat, his feliciter expediendis arma exercitumque in omnem eventum paratum in promptu habeat.

CAP. IX.

Berferki contra Adelfem exercitum movent. Hos

Svip-

*Svipdagus acri prælio
fundit. Illi bellum repa-
rant. Svipdagus cum iis
concreditur. Fratres suc-
currunt. Eventus pugnae.*

At Berferki dum exularent, minarum
Regis, odiiqve Reginae plusquam
Vatiniani, cladis deinde & contu-
meliae à Svipdago illatae haut immemo-
res, ultionem meditantur. Suae igitur
farraginis hominum colluvie ad se unde-
quaque confluyente, in tantum excreve-
runt, ut speciem justî exercitus præbe-
rent. Infestis igitur armis Sveciam pe-
tentes, obvia quæque ferro flammisque
devastârunt; armenta, pecudes & quic-
quid precium sui commendabat, in præ-
dam cessit; homines aut cæsi sunt aut ca-
pti. Tanti incendii rumor ubi ad aures
Regis pervenit, Svipdagum cum exerci-
tu raptim collecto occurrere jubet. Ve-
rum ille Imperatoris munus, absente Re-
ge,

ge, exercitumque abnuebat; forte ad invidiam Regis declinandam, iniquo animo laturi victoriam illius potius quam suo ductu obtentam videri. Ad ultimum duodecim virorum vitas (quandocunque posceret) sibi donari pactus, imperio paruit. Rege itaque domi remanente, cum exercitu magnis itineribus Berserkis obviam profectus in loco pugnae destinato tribulos muricesque projiciebat, qui defossi, perniciem ingredientibus ad se suosque oppugnandos properaturis afferrent; in quos cum incidissent, haut leviter vulnerati sunt. Mox cum exercitu superveniens, uno eorum occiso, reliquos una cum manu superstite in fugam actos, palantes ad naves persequitur. Deinde victoriâ ovans ad Regem reversus, magnâ gratulatione, Reginae insuper laudibus cumulatus, excipitur; quæ tot jam experimentis compertum Regi suggessit, quam nihil præsidii in bestiis illis esset. Dimidiâ ex parte accisus erat Berserkorum numerus, nec tamen sex residui quiverant. Qui cum in Sveciam iterum infestum exercitum traduxissent, direptionibus,

nibus, cædibus & incendiis pro more defædantes; ne latius & in penetralia Regni serperet incendium, Svipdagum contra eos modicis copiis armatum Rex præmiserat, seipsum cum majoribus secuturum pollicitus. Profectus igitur Svipdagus, auxilioq; Regis succursuri confusus, Berserkis occurrit, copiis duplo superioribus. Concurritur ingentibus animis, infestisque ab utrâque parte gladiis, ingensque periculum fuit, ne Svipdagianos multitudo circumfunderet. Eodem forte tempore excitus somno Svipus pater, valdè ingemiscebat, advocatisque filiis fratris non procul indè impari manu pugnantis periculum, oculis suis per quietem observatum, exposuit; modicas copias multitudinis impetum sustinere non posse, permultos cæsos esse, & qui supersint, partim langvore, partim metu ardorem pugnae remisisse, fratrem ante signa accerimè pugnantem, tribus vulneribus acceptis, alteroque orbatum oculo prælium sustinere; ni maturè subveniatur, de eo procul dubio actum esse; Regem in subsidiis latere, spectatoremque

pugnæ, non hostium propulsatorem agere, conflictum dilaturum donec dux Svipdagus cæsus, aciesque hostium debilitata sibi, cum recente milite adversus fessos concurrenti, facilem victoriam esset concessura; quò tanquam vultur alienæ prædæ solus gloriam, de confecto propè bello, & privatam lætitiā de Svipdagi, invisi sibi ducis, nece capere possit; armarent se modò filii, fratrique periclitanti succurrere festinarent. Nec mora, armaturâ equisque assumptis exiliunt domo, adque locum pugnæ, quem pater somnio edoctus monstravit, veloci cursu perveniunt, deprehenduntque omnia dictis patris respondere. Namque Svipdagus multis vulneribus adverso corpore saucius, alteroque oculo privatus, tribus Berserkis occisis, multisque suorum cæsis, adhuc fortissimè dimicabat: Qui ut fratres in auxilium concurrentes agnovit, de eventu pugnæ haut amplius dubius, suos ut pugnam redintegrarent hortatus est; adesse subsidium sternendis hostibus satis validum, se modo viros præstarent. His dictis, facto globo, una cum fratribus,

sequen-

sequente milite jam novo auxilio confidentiore facto, animosque recolligente, confertim in hostes inVectus, primo impetu confudit & turbavit; deinde totam aciem dissipavit. Langventes igitur animo, & diuturno labore ex prælio fessi, terga vertentes ad naves effusissimè fugiunt; quos Svipdagus quam potuit acerrimè insecutus, oppressit, inde collectis spoliis victoriâ ovans ad Regem se contulit. Quatuor erant vulnera cæteris graviora, valdeque periculosa Svipdagi corpori statu certaminis inflicta: duo manibus, tertium capite, excepta; quartum oculus erutus ostendit. Quibus medendis ipsa Regina operam contulit, quamvis ægrè, nec nisi longo tempore, curarentur: per omnem denique vitam jacturam oculi, atrocis pugnae vestigium, passus, parti honoris & victoriæ monumentum ostendit.

CAP. X.

*Svipdagus cum fratribus,
au!â Adelsis relictâ, ad*

*Patrem se recipit. Hrolfi
Krakii Daniæ Regis elo-
gium. Ad eum fratres,
suggestu patris, se conse-
runt. Ejus satellitio in-
seruntur.*

Ut primum ex vulneribus Svipdagus
convaluerat, Regem adiit, resigna-
toque officio, se aliò concessurum
prædicabat. Rex autem honoribus in
illum congestis, cum beneficiis aliis, quibus eum affecerat, commemoratis, plu-
ra insuper tum illum tum fratres ejus ex-
spectare jussit. Ut verò eos propositi
tenaces animadvertit, quærit quorsum
tenderent? id sibi nondum constare re-
sponderunt. Illud certè proposuisse, Prin-
cipem talem invisere, qui non inter late-
bras abditus milites suos præsentissimo
vitæ periculo objiceret, subsidiaque sub-
traheret, eò tantum fine, ut gloriâ si-
bi vindicata amicis fatum acceleret: fatis
tem-

temporis in Sveciâ tritum; mores, instituta, potentiam, gloriam Majestatemque plurium Regum cognituros. His dictis, consalutato Rege ad Reginam concesserunt, actisque impensè gratiis discesserunt; eqvisque in cursum concitatis, ad patrios penates perrexerunt; paternoque affectu excepti, gestorum serie ordine expositâ, gerendorum consilium efflagitarunt. Quibus pater respondit: Hrolsum Helgii dolo vitrici Adelsis sublati filium, seculi sui decus, eum esse in cuius satellitum adscisci honorificum ipsis foret: esse namque sapientissimum, utpotè qui omnibus vicinis Regibus subactis, securitatem sibi, subditis etiam foelicitatem, opes, & rerum omnium abundantiam, talium operâ & ministerio conciliaffet: Præterea accessu facilem, alloquio blandum, vultu affabilem, formâ elegantem, justitiâ clementiâ temperantem, in eligendis amicis providum, retinendis constantem, ornandis donandisque profusum, in promissis fidum; liberalitate & magnificentiâ incomparabilem, manu promptum, legum severum vindicem,

cem, prævaricatoribus difficilem, injustè afflictorum perfugium & præsidium, hostibus formidabilem, nulli magis quam vitiis inimicum: His virtutibus nomini sibi immortalitatem, & æternam ad posteritatem memoriam comparasse. Svipdagus reposuit: proposuisse patrem magis virtutum quoddam exemplar, quam Regem, qui talis esset, indicasse. Ex his tamen omnibus aliquid participare, tanto viro referente credendum; non igitur differendum, sed quam primum periculum faciendum, an etiam se in numerum suorum satellitum velit adscribere. Pater in eorum potestate situm refert, ubi terrarum vivere velint, malle se tamen domi ut manerent. Illi nequaquam se commissuros respondent, ut posthabito tanto Rege rus patrium colerent. Itaque salutatis parentibus in Daniam profecti, Hrolfo Regi se sistunt. Primus Svipdagus, sequentibus fratribus, aulam intrat, Regemque submisse & officiosè salutat. Quo quoniam essent? rogante, singulorum nomina exponit, longumque iter susceptum

ptum memorat, eô fine, ut in satellitum Regiorum numerum recipiantur. Non equidem proposuisse se, ait Rex, ministros & satellites Regis Adelsis in suum satellitium admittere, eorumque curæ & custodiæ salutem suam committere: verum prævertisse jam dudum adventum eorum, præclaram gestorum fidelisque Adelsi operæ navatæ, nec repensæ, famam: tantum abesse, ut tantorum virorum consortium aspernetur; ut insuper etiam gratias agat, quôd præclarâ sui opinionione ducti, se Adelsi prætulerint. Svipdagus, actis gratiis, sedem sibi assignari petit. Ad latus cujusdâ Bialkii, infra vacuas duodecim virorum, sedes indicantur; fratres autem loca, ut præceptum erat, occupârunt. Svipdagus à confessorre Bialkio cognovit, duodecim Berserkis in expeditione nauticâ occupatis, sedes illas competere. Duæ erant Regi filiæ; alterius nomen Drifa, quod nivi commissa pluvia; altera Skúr, quod procella pluvialis aqvea, vertitur: Hæc semper domi in aulâ manebat, formæ elegantissimæ, fratresque suo favore dignata patri com-

mendabat. Cum autem rediissent Berserki, omnes pro more aulicos accedebant, quærentes à singulis, sibine comparari, aut pares haberi vellent? quibus summâ cum dexteritate ad evitandas rixas, pacemque intra aulae parietes & concordiam tutandam, ab unoquoque eo temperamento responderi consuevit, ut haut oblique appareret, ipsis se neminem componere. Et jam ad Svipdagum perventum erat, quem cum primipilus hac quæstione lacefferet, confestim de sede exsiliit, strictoque gladio respondit: se hautquaquam ulli eorum, vel virium robore, vel aliis dotibus inferiorem velle videri. Ergo, inquit Berserkus, hoc caput, hanc galeam ense intrepidè feri. quod cum tentaret Svipdagus, vidit caput adversarii ferro lædi non posse. Jamque ad manus perventum esset, ni Rex interventu suo illos reconciliasset, pares judicando; cujus auctoritate contenti, domi militiaeque semper concordēs vixerunt; animi ferociam obsequio Regio submittentes.

CAP.

CAP. XI.

Hrolfus legationem in Sveciam parat, Regiam amplificat. Sororium Hiorvardum astu subjugat.

His peractis Rex legatos ad matrem in Sveciam misit, petitem, ut suo nomine cimeliorum, omnisque æris, quod patri mortuo Adels abstulisset, restitutionem posceret. Regina respondit, nîl hac legatione iniquum postulari; verum Adelssem tantâ iniquitate & avaritiâ esse, ut surdas aures æqvissimis postulatis adhibeat; laterem lavaturam, si legationem exponeret, nec Regem filium quicquam profecturum, ni ipse se præsentem exhiberet; tum verò consilia pro re natâ suggesturam. Hoc responso dimissi legati ad Hrolfum redierunt: qui quamvis matris consilia sequi in animo haberet; intervenerunt tamen assidue occupationes; quæ propositum dis-

E 5

tule-

tulerunt ; bellorum nimirum continua series , victoriæque trophæa victis regibus identidem parta. Terebatur adhæc tempus urbibus & ædificiis exstruendis. Plurimum eminebat Regia Hleidargardus dicta , quam Skiöldus Odini filius primus fundavit , verum à Hrolfo tanto ornatu , luxu , & magnificentia refecta & instaurata est , ut nullam parem totus Septentrio haberet , magnificentia Regis , sui seculi eminentissimi , respondentem. Fuit Rex opibus & ditione potens , juvenis magni acuminis , Hiörvardus nomine (Hiartvarum Saxo , & qui eum secuti sunt scriptores ; Hiartmannum Johannes Gotus , Hiortvardum Hvitfeldius , vocant : Nomenclatura Hiorvardum indicat.) Gvalterus , quem hic sequimur , ditionem cui præfuerit , omittit ; Johannes Gotus unum ex Svæciæ proceribus nominat. Huic Hrolfus sororem Skuldam in matrimonium collocavit ; accedente Regis Adelsis & Yrsæ Regina consensu. Eum ad convivium opiparum opiparum quodam tempore invitavit Hrolfus , quod in longius

us tempus productum magnâ cum hilaritate, commissatoribus sibi invicem gratulantibus, celebrabatur: forte evenit, ut Reges in campum exspatiati inter se colloquerentur, cum Hrolfus ad secreta naturæ secessurus Hiorvardo gladium interrea reservandum traderet, quem etiam redeunti reddidit. Hrolfus istud officii genus obsequium & submissionem interpretatus; Nosti amice, inquit, quod antiquissimis moribus, qui ministerium retinendi gladii ad exonerandum alvum secedenti præstiterat, subjectionem simul præstitisse, dominiumque illius hoc actu cognovisse judicatus sit: Meus igitur de hinc cliens eris, regnumque quod tenes beneficio meo acceptum feres, & in testimonium confessionis annua tributa pendes, clientum jure munitus patrocinium fidelemque tutelam, si quis te impugnaverit, experiere. His auditis propè consternatus Hiorvardus, cum vim opponere nequiret, nec à proposito gloriæ proferendæ ditionis cupidissimum Regem abstrahi posse cognosceret, offensione dissimulatâ, in tributum clientelam-

que

que necessitate compulsus, concessit ; licet conditionis mutationem, quantumvis titulo illibato, ægerrimè ferret. Finito igitur convivio domum profectus, per complures annos tributa solvendo, Regis amicitiam hostili animo coluit : Majestatemque veneratus, speciem in præsentī statu acquiescentis præbuit, fidemque perseverantiæ constanti longi temporis obsequio in posterum confirmavit.

CAP. XII.

*Bodvaris Biarkii genus repetitur. Avi ejus Secundæ nuptiæ. Regina Hvi-
ta privignum Biörnum
ad incestum sollicitat, &
diris devovet.*

Antequam iter in Sveciam susceptum, tam historiis quam fabulis antiquorum celeberrimum prosequar, tempestivum erit, qvāli satellitio instructus fuerit, in primis pugilum principis Bodvaris

re-

rerum gestarum partem aliquam præmit-
tere. Avus ejus patern⁹ fuit Hringus, par-
tis Uplandarum in Norvegiâ Regulus; qui
ex uxore primâ, jam ad senium vergens,
adultum filium, nomine Biörnnum, reliquit,
indolis bonæ, pietatis eximiæ juvenem,
imperatoriiis ac militaribus artibus juxta
inclytum; quarum peritiam continuâ pi-
raticæ terrestriumque expeditionum con-
suetudine, patris militiam ab incunabulis
propè secutus, comparavit. Fortè eve-
nit ut Regina Biörni mater fato fungere-
tur, non sine publico privatoque subdi-
torum luctu, cujus decéssu contristati Re-
gii consiliarii svaserunt, ut animum ad
secundas nuptias applicaret, legatosque
ad virginem nobilitate generis morum-
que conspicuam expetendam ablegaret.
Quorum monitis placidè auditis, in au-
strales Norvegiæ oras fide prudentiâ &
sapientiâ regni potissimos, sibi que devin-
ctissimos misit, ad inquirendam virgi-
nem, aptam sibi conjugem, & subditis
Reginam; cujus eligendæ potestatem le-
gatis, electionis verò prosperitatem soler-
tiæ

tiæ eorum commisit. Quos, ut imperatum erat, australes Norvegiæ oras legentes oborta ab austro tempestas, sine intermissione dies noctesque flando, cursum ad arbitrium suum vertere coegit; nec prius desuit, quam in Borealis plagæ oram Finnmarchiam perventum esset, ubi portu satis commodò recepti, hyemem transegerunt. Interea dum quodam tempore longius in terram exspatiarentur, deprehenderunt in casâ quâdam duas conspiciuæ formæ fæminas ad focum sedentes; quarum grandior ætate se Regis Finnorum concubinam, nomine Ingibiörgem, reliquam filiam suam eo parente natam Hvitam vocari, interrogata respondit. Ulterius quærentibus, quo fato in eam solitudinem procul ab hominum commercio redactæ essent, vim & minas potentioris Regis, conjugium filiæ expectantis, sed repulsam, virgine aspernante, passi, veritas, illuc usque ad reditum patris in expeditione piraticâ occupati, unâ tantum, quæ præstò esset, pedissequa comitatas concessisse fatetur. Placet vir-

go legatis, conditionemque offerunt nubendi Regi : Mater verò responsum filiae anticipans : non esse recentis responsi, materiam, quæ deliberatione, imò & dilatione, in patris adventum, necessarium consensum aut dissensum declaraturi, omninò indigeret ; nisi ipsa deliberationis mora majus & forsitan præsens & inevitabile periculum allatura videretur : Sibi quidem ignotum Regem, cui filiam uxorem peterent ; præsumere tamen, benè & ex re suâ locatam iri, utpote talium virorum atque ipsi essent, Regi. Bonis ergo avibus filiam Regiam Regalibus nuptiis jungendam, secum ut ducerent, hortatur. Respondit virgo ; absentiam patris, dubiamque sortem, etiam patriam potestatem matri ex omni parte detulisse, cujus voluntati repugnare piaculum duceret, se itaque consensum ejus approbaturam. Appetente vere, navigationi se accingunt, secundis ubique ventis usi : sponsâ autem ad Regem delatâ, quæerunt, in uxorem ne asciscere velit, an domum remittere ? Ille actutum formæ illius illecebris captus, dotis nullam se habere ratic-

tionem dictitans ; nuptiis celebratis Reginam eam constituit, cui tanto honoris fastigio auctæ res omnes ad animi sententiam fluxerunt: id unum inquietabat, quod Rex annis, quam salacitas ejus poscebat, provectior videretur, nec diu dolor iste intra animi præcordia pressus ita delituit, quin illius indicia, etiam mediocri perspicaciâ præditis, se proderent.

Fuit villicus, non procul Regiâ domo habitans, cujus nomen non traditur, qui dives opum, piraticâ juvenilibus annis partarum, inter præcipuos pugiles quondam; nunc mutato vitæ genere colendo agro contentus, tranquillum otium sectabatur. Filiam habuit, eandemque solam omnium bonorum hæredem, nomine Beram, formâ præclarâ ; quæ cum filio Regis Biorno puerilium ludorum, nec ipsa pueritiam egressa, exercitiis, adultior etiam juvenilium, assuevit ; crevitque inter illos ab incunabulis insitus, cum ætate & consuetudine haut dissolubilis amor: donec adeò excrevit, ut intra colloquia contineri nequiret. Coulsueverat Rex quotannis piraticam obire, Reginæ regni curâ

râ domesticâque administratione in reditum suum commissa; cujus molem aliquando excusans, Biornum filium administrationis focum ut domi relinqueret, petivit. Assensit Rex, & ut inter se partirentur, jussit. Biornus vero obnitebatur, piraticæ dirigendæ, non domestico regimini sese assvetum causatus. Verum Rex precibus & obsecrationibus Reginae, speciosum necessitatis titulum prætendentis, victus, non amplius persuasionibus usus, pro imperio filio ditionis curam imposuit; qui nequicquam summo conamine obnitens, nec patri satis conciliatus, domum tacitus, irâ tumens & indignatione, rubore sanguineo genas faciemque persusus, repetens, lecto se morbidus statim applicuit; quo defixum, morboque, seu ab iracundiâ, seu animi mala præfagientis metu, correptum, blandis verbis non verca demulsura accedit: verum implacabilem, iræque adeò tenacem experta est, ut verbis gestibusque sibi adblandientem discedere juberet. Egressa igitur aliquot dierum interjectu revertitur, jamque immodicâ libidine æstuans, quam

malè ad eum usque diem texerat, velut in apertum furorem rapta concubitum privigni postulavit, iniquè comparatum dictitans, seni se juvenculam junctam, cum rectius ipsi, utpotè Juveni, nupisset. Pluribus incestum pervasuram alapâ interrupt, stratumque solo foras repulit. Ea verò indignata, insuetam se injuriis à lapisque referens, indignum suo amore & benevolentia pronunciavit, qui villicam sibi præferret, quam & conjugio suo haut imperitè condignam existimet, spinas enim se invicem complecti. Ne verò se impunè percussisse gloriaretur, chirotheca lupinâ percussit, adjectis diris, quibus effecit, ut in ursum discedens repente converteretur, nec deinde aliud quam gregem patris in pabulum verteret, saltusque & sylvas oberraret, tantâque rabie in armenta & pecora patris grassaretur, ut feras omnes feritate superare videretur, nec illud fatum unquam eluctaretur, adque totum vitæ tempus patriis penatibus exul, feris immixtus avia tesque sal-tusve pererraret, siue armenta lanian-do crudas carnes sanguinemque devora-ret,

ret, five venantium tela persecutionesq;
pavidus fugeret, five his transfixus mori
turus animam exhalaret, illatæ sibi in-
juriae pœnas sentiret.

CAP. XIII.

*Biörnus in ursum transfor-
matur. In gregem patris
sævit. Cum Berâ consue-
scit. Eam futura edocet.
A venatoribus impetitur.
capitur. Occiditur.*

Biörno novercæ diris hoc modò de-
voto, humano habitui protinus ursi
forma substituta visa est. Igitur ho-
minum commercio exemptus, ferarum
lastra & latibula quæsit, in Regia deni-
que pecora debacchatus, magnum da-
mnum intulit. Interim domestica fami-
liâ, subditorumque grex, comperto ejus
subitaneo discessu, ad eum inqvirendum
confluxerunt, lustratisque ditionis & vi-

cinarum finibus, cum nusquam compareret, re infectâ redierunt. Ipsius discessum ingentis magnitudinis ursus, colore cineraceus, eodem tempore repente exortus cum supplevisset, magis Biørni desiderium auxit, ut qui solus noxiæ belluæ aut abigendæ aut capiendæ suffecisset. Contigit autem, ut villici filia Bera, ursum illum terribilem, cujus fama latè per viciniam perecrebuit, celeri cursu se petentem deprehenderet, quæ cum cursu evadere inopinatò appropinquantem non posset, metu prope exsternata, in planitie consedit. Verum belluâ tanquam cicure & mansuetâ illi, quæsi notæ, adblandiente, metum in fiduciâ vertit. Adu-lantem ergo contrectare ausa, oculos amici in ursi capite agnoscere visa, digredientem sequitur: qui lento præcedens gradu longam emensus viam, antrum quoddam intravit: quod pariter ingressa, Biørnum, ut prius humano habitu indoleqve præditum, se salutantem agnovit. Ingens diversorum motus affectuum ultro citroque concurrit, gaudium quod convenissent, quos mutuum desiderium conjun-

xis-

xisset, veneficiū separâisset; ingens verò tristitia, ex tam asperi & insuperabilis fati inclementiâ. Omnem igitur actionis hujus seriem amicæ enarravit; quæ se illum hautquaqvam derelicturam, verum in antro illi cohabitaturam, quoad ejus copia daretur, professâ est. Ille minimè convenire respondit, ut virgo fœmina cum ipso cohabitaret, utpote qui interdiu hominis, noctu verò ursi formam, viridarum plusquam nefandarum, assumeret. Pernoctavere itaqve in antro simul, usque dum Rex ab expeditione rediret. Is ut rerum domesticarum mutationem cognovit, excessum inopinatum filii, nullo consciô, & ursi saccessionem, utrumq; magno animo tulit, orbitatis dolorem premendo, jacturam gregis ut rem levem & reparatu facilē, neq; ea de causa ad ursi cædem properandum censuit. Tandem pecoris magistris, hortatu Reginae, immanitatem feræ, diuturnumqve gregis dispendium exaggerantibus; ad eam persequendam se accinxit. Nocte venationem præcedente, Beram

Biornus his verbis alloquitur: Hanc equidem noctem nobis inter vivos communem, & mearum ultimam fore præfagit animus; nec me asperæ vitæ, veneficiis infectæ, tædere potest, orbatum quippe omni voluptate & lætitiâ: tuam doleo vicem, cujus pietate & gratâ hoc statu præfentiâ, sublevatus sum. finis instat: luce enim crassina venatum profectus cum satellitibus Rex me gregatim circumstent, præclusaque omni elabendi via, capient, captumque interficient. Annulum ergo, quem sub sinistrâ ala conditum gero, dono accipies, petesque à Rege, cum me occisum animadverteris, ut tibi donare velit, si quid sub sinistro feræ armamento reperire possis: illud cum nullius precii æstimet, facile tibi concedet. Regina verò monstrum, Trollorum generis una, & Sagarum præcipua cum sit, intentè quid agas observabit. Cumque obsonium ex meis carnibus apponitur, magna jam festivitate & publicâ lætitiâ personante, nec illius exsortem te dimittere decreverit, cave, quantumvis te ad edendum

dum five invitet five minis adigat, ne inde quicquam, ne bucceam quidem; degustes; nam, quod ipsa nosti; gravida cum sis, emanabit in prolem edulii è paternis carnibus cocti comestique occulta vis, formabunturque membra ad partis illius naturam, unde id quod comedisti desumptum est. Tres enitere pueros: primus Frodius, secundus Thorer, tertius Bodvar nuncupabuntur; eritque unus ex his tibi præ cæteris carus; omnes tamen tanti evasuri sunt viri, ut memoria eorum æternitati dicata, quoad Septentrio incoletur, sit duratura: quos cum in lucem edideris, patri tuo educandos tradas: quod si, cum adolever, intintractabiles forte adeoque obstinati evaserint, ut ne domi detinere possis; singulos & solos in antrum hoc deducas, inveniesque arcam tribus oculis distinctam, cum characteribus runicis operculis insculptis; quolibet singulorum patrimonium continetur; monstrabisque cuique suam; quam destinavi, runis distinctam partem, quam cum decerpserint, ostendes armorum tria genera, rupi interioris antri impressa; fra-

frameam nimirum primo nato, securum secundo, gladium tertio, munera paterna singulis singula testamentorelicta. Multa deinde ipsi futura prædixit, donec exuviis urfinis sponte incidentibus indueretur. Tum egressum antro Bera lacrymans comitata, defilientem reliquit, viditque magnum venatorum gregem, numerofo ferocissimorum Molossorum agmine saltus sylvasque circumdantem, indagigineque cingentem, in ursum confestim irruere, telisque eminus, & canum omni vi cominus petere. Verum fera alacriter utrosque excipiendo tantisper impetum sustinuit, donec omnibus canibus enecatis, multis etiam viris vulnera inflixisset: Tum demum Rex cum venatoribus ursum undique circumfistentes iterum adorti sunt; qui cum circumventum se animadverteret, intra circum frustra cursitando, cum elabendi nullam inveniret viam, retrò cursu ad Regem directo, proximè adstantem dilaniavit; longâ autem persecutione fessus, ad pedes Regis se prostravit, ubi à comitibus interfectus est: nec tamen mortuum ursinus

nus habitus deseruit, argumento, ursum à Dæmone substitutum fuisse, postquam hominem præstigiosâ illâ formâ adumbratum peremissent.

CAP. XIV.

Bera ad ursinum epulum à Reginâ adigitur. Tres filios parit. Eorum Nomina, forma & fortitudo. Elgfredius domesticæ vitæ impatiens, acceptâ patrimonii portione, latrocinium exercet.

Ex tempore Bera, ut præceptum erat, ad Regem se contulit, petiitque, si quid sinistro ursi armo comprehenderetur, illud suæ potestati permitteret; qui subridens subjunxit, thesauros ferarum facile poscenti donari; quæsitque

quænam esset ? quod illa magis ex utilitate quam rei veritate exposuit; cumque ursum accessisset, prope excoriatum offendit, intra tamen sinistrum armum nemine animadvertente, annulum invenit, extraxitque. Cum vero inde domum esset reversura, detinuit illam Regina, nomen & conditionem rogans; sed Bera eadem quæ Regi prius, confessa est. Verum Reginam haut latuit de quo sciscitabatur. Intentius observatam non prius dimisit, quam ad ursinum epulum invitasset, quod cum illa omnibus modis averfaretur, eò magis institit; nec salvâ Reginae reverentiâ recusari poterat; publica quippe læticia instabat, dapumque ursina præstantissima habebatur: Sed & Regina famularum ministeria obiens, frustra ipsa dissecuit. At cum præfractiùs obniteretur, iram Reginae commovit, minisque adacta, duas buccas edit; quarum posterioris maximam partem cum expuisset, nec minus severe ad ulteriorem esum cogeretur, mortis potius minas eam suâ nece exsequi iussit. Quam ut
ob-

obstinatè præfractam ad ulteriora adigi non posse Regina vidit; vade, inquit, quod edisti suffecerit, atque ita dimissa, corpore animoque valdè ægra ad patrios lares se recepit, omnemque gestorum ordinem patri exposuit. Exinde tres filios peperit: primus à plantis ad umbilicum usque alcis effigiem repræsentabat, nomenque inde Elgfrodii reportabat. Alter conspicuæ formæ, nisi quod pedum digiti in caninos desiverint; Thoreris nomen, agnomen Canipedis (hundsfõtr) sortitus est. Tertius admodum venustus, nec ulli corporis vitio obnoxius, Bodvar dictus est, quem mater præ cæteris dilexit. Omnes simul ab avo materno educati, cultioribus artibus imbuebantur; ætate statim puerili æquales, omnes, staturâ, robore corporis, audaciâ, animique fiduciâ, superabant, brevî etiam longo intervallo post se relinquebant, adeo ut eosdem diuturnos collusores non admitterent. Duodecennes robustissimos quosque totâ ditione præstabant, ita ut cum nemine colludere possent. Verberibus

& plagis eos sæpius afficiebant, Regionum etiam quosdam occidebant; impune id quidem, cum nemo esset, qui tantam virtute polleret, ut ab iis pœnas exigere sufficeret. Primus Elgfrodus apud matrem questus est, tædere se inter satellites Regios, ætate juvenes, viribus filicernia, morari; quorum nemo esset, cujus fortitudinem æmulari possit, aut cujus congressu vires corporis exercitatione crescerent, vel animi vigor intenderetur: neque enim solum saltare, nec palæstricis exercitiis operam dare, nec currendo, nando, sagittando, aut equestres ludos exercendo certare secum ipsum posse. Mater adhæc respondit, prævidere se haut è re ipsius futurum, aulicorum ulterius commerciis, fastus illius & contumaciæ hautquaquam patientium, uti: itaque subsidia vitæ à patre relicta se monstraturam pollicita, in antrum eum deducit, arcæque admovit, promptuarium, sortem illi à patre destinatam continens, ostendit: quâ direptâ, quæ aliis continebantur simul abrepturus, cum fixa & immobilia deprehenderet, iniquum hæreditatis diviso-

visorem patrem pronunciavit. Inde ad
arma progressus gladii capulum arripuit,
quem petraë infixum cum dimovere ne-
quiret, securim auferre tentavit; sed ir-
rito prorsus conatu; Frameam igitur ap-
prehensam sine impedimento abstulit;
æqvè hîc atqve in cæteris divisionis ini-
qvitatem apparere dictitans: minimam
enim ei portionem, forte ut monstroso
præviso, pater reliquerat. Tum vero in-
dignatus frameam confracturus magno
nisu saxo durissimo impegit; quam capu-
lo tenus impressam cum eduxisset incor-
ruptam, saxumqve robur penetrâsse
comperisset, acutam judicavit. Dein-
de ne matrem quidem salutatione digna-
tus discedens, aquilonem versus ad mon-
tem Kiölinum concessit; ubi exstructâ
domo, prædo factus, viatores spoliavit
& occidit, lucri tantum faci-
endi causâ.

CAP.

CAP. XV.

Thorer Canipes ad fratrem pergit. Quomodo ab eo acceptus. In Gothiam proficiscitur, ibi Rex creatur.

Interjecto temporis haut longo intervallo, Thorer Canipes patri discedendi propositum aperit: monstrat ergo illi paterna dona, arcamque paternorum thesaurorum custodem, simulque securim ipsi relictam. Is gladium arripere nequicquam tentans, securim & relictâ bona grato animo abstulit, & gratiis actis valere iussit. Inde ad fratrem Elgfrodium perrexit, qui prædis & latrociniis pro more intentus, publicas vias obsidens domo affuit. Thorer domum ingrediens pileo demisso faciem velavit, sedemque præcipuam occupavit; nec ingressum fratrem salute aut ullâ gratulatione

one dignatus, quasi Hermes in trivio im-
motus quem occupavit locum detinuit :
quem Elgfrodius minacibus oculis intui-
tus, cum hospitem interritum aspiceret,
frameam distrinxit, distichon modulans,
in hunc sensum :

*Et manus & ferrum cadem cum san-
guine poscunt :*

*Hoc fremit impatiens, prurit & illa
mihi.*

Scamnum deinde valdè irritatus cum fra-
meâ percussisset, Thorer quoque alio me-
tro respondit :

*At mea, cum libeat, simili clangore
securis*

*Intonat. haut framea cesserit illa
tua.*

Statimque ex voce agnitus quam aman-
tissimè excipitur, incolumis haut aliter e-
vasurus. Invitatus deinde ad cohabita-
tionis consortium, in communionem bo-
norum lucro partorum ex semisse, mode-
stè recusavit ; mansit tamen aliquanti-
per : deinde discessit. Eum frater bo-
nis

nis ominibus profectus, futurorum multorum certiorum factum; ut in Gothiam (credo Occidentalem) se protinus conferret, monuit, istius namque regionis Regem recens mortuum regnum orbem reliquisse; moris autem esse, ut ad præstitutam diem omnes, tam cives & incolæ, quam advenæ, convocati; ad electionem novi Regis vel spectandam, vel ornandam, vel promovendam, adhiberentur: collocari in aprico solium Regium duorum ingentium sessorum capax, quod qui solus mole corporis impleret. eum lege Regia defuncti Regis successorem constitui; videri sibi fratris staturam huic typo apprimere responsuram, ominari itaque regnum eum & Regium fastigium solum ibi obtenturum. Comitatus deinde optimis eum consiliis, prolixique amoris indicibus affectum fraternum ostendens, ægrè dimisit. Qui cum in Gothiam pervenisset ad definitum Regiæ electionis tempus, ad Comitem illius loci divertit. qui statim ut Thorerem viderat, Regem eum, tum ipse, tum quotquot aderant, futurum ominati sunt. Cum verò

verò comitia haberentur, arbitrio certo rei illius inspectio commissa est. Multi se folio applicuerunt, verum loco isto indigni à iudice pronunciati, repulsam passi sunt. Ultimus Thorer spatium lege definitum totum occupavit, moleque suâ ita adæqvavit, ut ad mensuram ipsius factum esse videretur. Illum ergo solum sedem illam tam Augustam mereri censor pronunciavit. Deinde secundum legum patriarum normam regnum illi adjudicatum est, Regisque nomen ab universo populo inditum. Eventus electionis consilii rationem superabat : optimis siquidem, pro seculi illius consuetudine, institutis legibusque regnum deinceps formavit ; bellaque multa, plerumque fælici eventu, gessit ; & subditorum amorem & obsequium, post mortem etiam desiderium sui conciliavit ; memoriamque historicis relationibus scriptisque monumentis contentam, celeberrimam posteris reliquit, licet nihil eorum ad nostra tempora pervenerit.

CAP. XVI.

Bodvar omiffam à fratribus ultionem paternæ cædis queritur. Avum de re geftâ certiozem facit. De Reginâ veneficâ vindictam sumit.

Bodvar maternâ apud avum éducatione contentus, cæteris moderatior, indulgentiam parentum obfeqvii amorisqve invitamentum, non arrogantiae irritamentum, interpretatus, vitam moresqve ad eorum præfcriptum virtutumqve regulam formavit, ut venuftatem formæ, quâ omnes antecelluit, corporisqve vires, animi dotibus vel æqvaret, vel superaret. Interim matrem patris fui nomen, genus, indolem, ftatum fortunamqve prodere postulat: ut autem comperit monftrofum fratrum habitum ab offis à matre vi adactâ devoratis pro-
ma-

manâsse, ultionem nimis diu dilatam questus; mirari se ait, Elgfrodium, ad quem vindicta maximè pertineret, injuriæ paternæ ultionisque justissimæ tam negligentem fuisse, naturæque adeò perversæ, ut teterrimum vitæ genus, innocentium hominum cædes latrocinia & rapinas isti prætulerit : nec è dignitate suâ fecisse Thorerem, quod abiens veneficam inultam dimiserit; suæ igitur sorti cessisse sumendæ ultionis pænæque exigendæ provinciam. Mater maturandum hortata est, ne veneficiis præveniretur. Eâ igitur insequente ad Regem pergit, omnem rei gestæ ordinem à principio pandit, causamque quod filius ejus Biornus tam ægrè ad administrationem Regni, absente patre, adigi se passus esset; prævisam namque mulieris petulantiam, libidinem immodicam, denique in abnuentem diras, veneficiorumque vim inevitabilem: non enim fæminam, qualem externus præferat habitus, sed Trollorum generis unam, philtro facinatum obcæcatumque Regem in sui amorem pellexisse, quæ unâ cum matre adversam legatis Regis tempesta-

tis vim excivisset, iisque in ultimæ Finn-
marchiæ oras compulsis, præstigiisque
circumventis, formam, sed fucatam, ven-
ditâset. Quod si discessum filii cum sur-
rogato urso computet, constare, utrum-
que simul contigisse, & quidem urfi ad-
ventum notitiam subitanei illius abitus
prævertisse: quò tamen omnis omnino
dubitatio Regi tolleretur, adesse testem,
exanimem illum quidem, sed omni exce-
ptione majorem, nec minis nec muneribus
aut verborum lenociniis corrumpi
aptum, annulum nempe, paternum in
filium munus, quem permissu Regis do-
natum deinde sibi, excoriati urfi alæ fini-
stræ mater extraxisset. Quem monstra-
tum ubi Rex ingemiscens agnovit, infor-
tunium & calamitatem suam multis suspi-
riis lacrymisque questus, annulum qui-
dem sibi optimè cognitum respondit, sub-
ire etiam memoriam fæminæ ignotæ,
ridiculum donum expetentis: & quamvis
indicia haut contemnenda suspicionem
suggerissent, quod Regina fati tam ino-
pinati, si non causâ, certè tamen conscia
fuerit; amorem nihilominus, quo im-
mo-

modico ipsam complexus fuerit, ne ab eâ dimoveri possit, se ab severiore inquisitione continuisse. Quod si orbitati filii etiam uxoris adjiciatur, non tantum lucrâ in vindictâ, quam calamitatis in novâ viduitate positum esse: Consulendum itaque ætati suæ adeò ærumnosæ, & justæ nepotis iræ dolorique, hoc temperamento, ut mulctâ quam impensissimâ conjugis pœnam maritus redimat; offerre itaque se nepoti pecuniam quantam exposceret, insuper Comitum titulum districtumque, & post fata sua successionem in regnum. Ad hæc Bodvar respondit, & se sortis illius misereri, & medellam protinus allaturum; videre, quanto teterrimi propudii fascino irretitus teneatur, Regii fastigii oblitus, cui necem innocentis civis inultam pati, turpe esset; eundem ad filii parricidium connivere, & sceleratissimi facinoris pœnam auro redimere gestire, uxorem mæcham in sui civiumque opprobrium novo sædere sibi sociare, venificæque societatem mercari; scilicet ut se, tanquam omnium scelerum conscium, & participem vel incentorem

necis filii, suspectum execrandumque, non civibus modò, sed omnibus populis seræque posteritati reddat. Cumque in morâ maximum periculum Bodvar, jam duo de viginti annos natus, reputaret, cor estum ad Reginam inque cubile illius properavit; securæ & inopinanti saccum pelliceum induit, extractamque per plateas verberibusque cæsam saxis illisit, quo supplicii genere male mulctata perit, immenso civium gaudio, pœnam tamen sceleribus longe minorem exactam indignantium. Solus Rex tanquam lectissimam conjugem luxit, illius tamen patrociniûm suscipere, pœnæve eam subducere non audebat; veritus tumultum populi, atrocitatem sceleris, cæteroquin in vindictam filii propensi, execrantis: nec longo post tempore mærore confectus obiit. Hæres Regni Bodvar avo successit, verum ditionem, animi amplitudinè longè angustiorè, fastidians, Valsleito, qui Comes erat, clientelari jure commisit; cujus etiam fidem, matre in conjugem datâ, arctissimo affinitatis vinculo sibi devinxit; nuptiisque insuper celebra-

bra-

bratis confirmavit, ipse in remotas regiones concessurus.

CAP. XVII.

*Bodvaris gladius describitur. Ipse fratrem Elgfrodium convenit. Cum eo acriter colluctatur. Hau-
sto ex surâ pedis ejus san-
guine corroboratur. In
Gothiam vadit. Ibi loco
fratris accipitur. Iter ad
Regiam Hrolfi medita-
tur.*

His ex animi sententiâ peractis, itineri se accingit, ac primò antrum monstrante matre petens, munera à patre relicta recipit, ensēqve nomine Lövium, quem stupendæ fratrum vires avellere nequibant, statim ut attigit, non

jam ut antea fixum, nullo negotio tollit: qui singulari nobilitate, insignique arte fabricatus, his cautionibus observandus erat: scilicet, ne unquam nisi momento in humanam cædem, neve manubrio deorsum verso, evaginaretur, ter gestantis ætate fixus, nisi provocatus stringi nequiret. Omnibus fratribus illius possidendi cupido incessit. Vaginam postea frater Elgfrodus, quâ condi posset, acernam fabricavit. Viaticum exiguo auri aut argenti pondere constabat; vestis, equus & arma conspiciebantur, quorum singularis nobilitas eminebat: & equus quidem pernecitate, glomerandisque gressibus, inter præcipuos insignis, quo vectus, parvo temporis spatio longum iter emensus, ad fratrem Elgfrodium pervenit. Absentis & in obsidendis viis occupati fratris tecta ingressus equo stabulo applicato, locum occupat honoratissimum, adventum fratris, velata tegmine capitis facie, expectaturus. Qui ut hospitem temeritatis raræ, penatibus suis nec invitatum, nec veniam præfactum, ingressum animadvertit, equumque

in

in stabulum deduxisse, summumque cepisse locum, nec advenienti sibi assurgentem, truci vultu intuitus est: quod Bodvar tamdiu dissimulando sustinuit, donec equorum de stabulo acriter certantium hinnitus & prælium audirentur. Tum Frodius: hunc hominem, qui absque veniâ in meas ædes se intrusit, admodum audacem & temerarium esse oportet. Bodvar pileo velatus, ne voce proderetur, nihil repondens, ulteriora expectavit. Bis ergo Frodius frameam districtam vaginâ iterum condidit, ad quæ terriculamenta ut advenam immotum comperit, metûs expertem interpretatus, vibrato ictu, tanquam medium dissecurus, adortus est. Igitur Bodvar indubiam mortem minimè expectandam ratus, è sede disiliens, in eum magno fertur impetu. Fit longa acrisque lucta, altero acerrimè impugnante, altero fortissimè propugnante, donec pileus Bodvaris excideret. Ut verò fratrem ex facie agnovit, magnâ lætitiâ perfusus, fraterno amore complectitur; testatus, nimis diu inter se certamen productum, luctuosum utrique finem

eem longius extractum allaturum. Bodvari dubiam victoriam futuram regerenti, respondit: admodum viribus impares certare, cum multa illi defint, ut in illâ parte se æquare possit, petivit denique ut secum permaneret; dimidium partarum opum pollicitus; quod Bodvar abnuens, abhorrere se ait à nefandis innocentium cædibus & rapinis, opibusque scelere partitis. At se multis egenis & alimentis debilibus usuram vitæ concessisse Frodius respondit. Melius facturum si eam nulli eriperet, Bodvar regessit. Ad hæc Elgfrodius: haud equidem, inquit, diffiteor, indolem meam à teneris, veluti furis, nescio quibus, actam, à mitiore vitâ & humanioribus studiis abhorruisse. Quod autem durior hæc natura consequi nequit, ad id velim te, mi frater, cui benigniores Dii staturam, non modo humanam, sed etiam inter homines elegantiae miræ, naturam etiam à feritate alienam, optimorum morum capacem, commerciorum non hominum modo, sed inter homines humanissimorum studiosissimam, indulserunt, omni opetâ niti.

In-

Ingenii autem corporisque vires cum illustribus hominibus conversando maximè excolas : itaque svadebo , ut ad Hrolsum Regem Helgii filium , qvi fulgore Majestatis suæ omnium sui seculi Regum principumque fastigium obscurat , te conferas : ibi namque principum & præcipuorum pugilum collegium confedissemur sumam cum admiratione perhibent , quotquot veram aulæ & imperii illius speciem ceperunt : verum quantumvis spiritus altos geras , tamen vereor , ut corporis robore heroibus illis æqualis , congressum eorum sustinere valeas. Cujus rei experimentum capturus , resistentem fratrem circumegit , infirmiores prædicans , quam ut examini eorum submitti possit. Itaque sectâ sibi in surâ pedis venâ , ebullientem liquorem exhaurire jussit , quo epoto , iterum eum adortus , cum ne loco quidem movere posset , profuisse ei potionem , nec jam dubium quin singulos Regis pugiles robore præstaret , id enim se præoptasse , ait. Deinde altero pede ad talos usque rupi impresso , vestigium

gium ingens reliquit & huc, inquit, quolibet matutino tempore vestigium scrutaturus concedam, inde mortis tuæ indicium capturus: repletum terrâ, morbo te in fata concessisse; aqvâ, undis absorptum; sanguine, sanguinariam mortem oppetisse nunciabit, monebitque officii ultionis exequendæ, cum te præ omnibus quam impensissimè diligam. His peractis, mutuò se invicem salutantes separantur; Bodvare iter propositum ingrediente. Fabulosa quidem hæc, sed aliis pariter fabulosis se tuentur. De portionibus Hadingo & Hialto vires conciliantibus, & expressâ in rupe dormientis Starcatheri effigie Saxo prodit. Historia quoq; Olafi Triggvini de vestigiis ejus militumque in insulæ Mosturis cautibus conspicuis, fidem exsuperantia memorat. Nec ego horum fidem aliis commendo, sed nudas relationes expono. Bodvar iter inceptum maturans non prius requievit, quam in Vestro-Gothiam, in regnum fratris Thoræ Hundsföti seu Canipedis pervenit. Adeò natura gemitu
norum

norum illorum vultus, corporisque effi-
 giem, modum, lingvamque sibi invi-
 cem similia formaverat, ut hunc pro suo
 Rege, qui tunc absens in consuetis expe-
 ditionibus occupabatur, omnes cives, &
 ipsa quoque Regina, agnitum colerent,
 Regiisque honoribus prosequentes in so-
 lio Regio collocarent, lectoque Reginae
 sociarent, Thororem Regem rediisse ra-
 ti. Qui cum lectum cum Regina com-
 munem haberet, straguli tamen commu-
 nionem recusavit: quod admirata Regi-
 na ut fratrem mariti agnovit, deceptos
 specie ministros Regium ei honorem ex-
 hibere permisit, ne errorem iis eximen-
 do quicquam de ultro oblato honore &
 obsequio detraxisse videretur. Miran-
 dum tamen quomodo Regem absque sa-
 tellitio redeuntem, ne famulo quidem
 stipatum, veste etiam forte differentem,
 hoc tenore, nisi forte bello victus salu-
 tem fugâ redemisset, rediisse persuasi sint.
 Bodvar Reginae lecti socius tempus ad ad-
 ventum usque fratris protraxit: quem
 redeuntem uti agnoverant, fratremque
 multâ caritate complexum viderant, ipsi
 erro-

errorem suum mirati sunt. Rex optimè illi imaginis similitudinem cessisse gavi-
sus, soli illi locum lectumque cum Regi-
na communem se concediturum respon-
dit. Maturanti deinde abitum Bodvari
partem mobiliū omnium dimidiam ob-
tulit, si apud se permanere vellet, quod
ille magnā cum verecundiā recusavit,
nec minus frater postulare institit, ut ob-
latum Regium munus acciperet, arbiter-
que habitationis suæ iple foret, maneret-
que ubicunque locorum colliberet, satel-
litio præterea se instructurum pollicitus.
Verum nihil horum accepit. Actis ergo
quam impensissimè gratis, nullius se in-
digere præfatus, licuisse si placuisset aviti
Regni sceptrā, opesque, quas penè omnes
reliquerit, apprehendere. Cæterum mal-
le se opes propriā industriā, editis majo-
ribus suis dignis facinoribus, gloriamque
nominis immortalem comparare, quam
avitas fraternasque fortunas consumere,
summam voluptatem reputare, fratrem
opibus abundantem, regnoque amplis-
simo auctum ornatumque videre, non ut
inde illo vivo quicquam decerperet.

Cum-

Cumque in recusandis muneribus adeo obstinatum fratrem Thorer animadverteret, tandem eum in viam honoris gratiâ comitatus dimisit : nec legitur quicquam notatu dignum in itinere accidisse, priusquam in Daniam, non procul ab urbe arceque Hleidrensi, ventum esset.

CAP. XVIII.

Bodvar in itinere ab Hotti parentibus hospitio excipitur. Hrolfi Regis aulam ingreditur. Hottum liberat. Aulicorum unum ossis jactu interimit. Satellitio adscribitur

Ingentes forte imbres per id tempus continuis diebus noctibusque decedentes, vias liqore emollitas prope inexplicabiles reddiderunt. Has peragrando equus tandem defatigatus, appetente nocte,

nocte, intendentibus se tenebris, lapsurus forte nutabat. urgebat peregrinum viarumque ignarum larga insuper pluvia: descendens igitur eqvo tugurium quoddam offendit; unde pulsatis foribus egressus senex, hospitem ad se ut diverstat, sole jam occiduo, benignè invitat, hospite igitur introducto eqvoque pabulis ministratis, focoque accenso, cœnam pro facultate lautam paravit; Bodvarem namque inter summi ordinis viros ex præstanti corporis formâ judicabat. Multa super Rege famulitioque & aulæ splendore, ejusque à tugurio distantiam cum Bodvar rogitàsset, non procul inde sitam, sed conspectum ejus tenebris interceptum cognovit. Interrogans deinde rusticus, num & illuc tenderet? affirmanti subjecit: corporis quidem istius compagem, membrorum moli congruentem magnitudinem, lacertorum nervorumque congeriem, ingentem roboris messëm polliceri, invitamentum præcipuum ad aulici satellitii receptum. His auditis uxor obortis lachrymis acriter lamentari cœpit,

pit, Bodvarique causam tanti ploratus
 reqvirenti respondit : filium viro sibi
 communem prolem, nomine Hottum,
 animi causam aulam Regiam accessisse,
 ruri educatum & admodum adolescen-
 tem, moribus ejus jocisque insuetum,
 ludibrio expositum fuisse : quod cum nec
 dissimulando sustinere, nec facetiis re-
 torqvendo eludere scivisset, iratum agre-
 stiusque se gerentem magis aulicos in se
 provocasse. Conjectum itaque in struem
 ossium, medio triclinii pavimento jacen-
 tem ; ossibus obrui solere, nec satis sibi
 constare, an superstes adhuc sit, nec ne :
 aliud hospitii præmium non expeti, quam
 si fortè minaci in dies morti subtractus,
 in adventum ejus vitalem auram trahat,
 saltem ne majoribus ossibus eum feriat,
 quod si minora fortè jaciat, ictum tamen
 temperando parcat imbecilli ; tales enim
 lacertos ejus sibi videri, ut quos missile
 inde jactum collineet, iis iteratum ictum
 superfluum futurum. Bodvar compo-
 tem illam voti futuram pronunciavit ; mi-
 rari tamen, aulam exteris nationibus ce-
 lebratam, tantam morum bonorum labe-

defectuque laborare; nec fortium viro-
rum ingenio convenire, debiles, & quæ
humilia sint, opprimere. Transactâ de-
inde nocte, cum jentâisset, discessit, & ad
aulam Regiam, undique conspicuam, se
contulit; eqvoque, nullius veniam præ-
fatus, inter Regionum optimos stabulato-
triclinium ingressus, locum à januâ pro-
ximum occupat; paucis è famulitio præ-
sentibus, nec advenam vel excipientibus,
vel ab eo quicquam sciscitantibus. Ibi
cum horulam moratus esset, vidit intra
ossium congeriem vivum quiddam, quod,
commota strue, paulo post manum situ
sordibusque squalentem exeruit. Mox
hospitis filium Hottum conjectans, cujus
rationem in libramine ossium habendam
mater suggessisset, manu ejus apprehen-
sâ, quid intus lateret interrogavit: qui
magno metu correptus; optime Bocki,
inquit, Hottus ego sum: parce quæso, nam
castellum molior: Et quidem miseria-
rum, subsumsit; extraxitque invitum &
ejulantem, quærantemque jacturam mu-
nitionis, multo tandem labore eò perdu-
ctæ, ut ab ictibus se protegendo magnam
par-

partem sufficeret: parum ad operis perfectionem defuisse, quò in posterum omni ab omnibus imminente metu liberatus, securus à jaculis, jaculorum vallo septus, intra ipsa jacula tutus habitare posset. Tu verò, mi Bocki, inquit, cur me misellum turbas? liceat iterum munimentum subire. An occidere properas? Bodvar talia castella in posterum nunquam ædificaturum interfatus, lamentantemque increpitans, extra portas ad aquam, in recessu abditam magis quàm ut omnium oculis conspici posset, exportabat: ibi vestibus nudatum à capite ad calcem limpidâ lavit, iterumque in aulam deducit, laterique suo applicat; ipse in locum quem primò occupaverat, regreditur. Hottus autem, quamvis pavore propè exsternatus, intellexit tamen, auxilium sibi hunc virum, quem dictante metu Bockium (id est Virum magnum) appellavit, non perniciem machinari. Aderat cænæ tempus. Ingressi triclinium satellites, inter accumbendum animadvertunt, Hottum è carcere ereptum, quem ipse muniverat, assidere raræ molis advenæ.

In utrumque ergò indignabundi oculos contorquent, amentis temeritatis virum ducentes, qvi tantum facinus in tanti nominis aulâ ausus esset. Tum verò formidine prope exanimatus Hottus reditum in castrum meditatur. Agnovit qvippe omnes, qvi se missilibus ossibus carne nudatis obruere consueverant; qvorum iram qvovis modo subterfugere præoptabat. Verùm haut minor metus incesserat pænæ, si à latere liberatoris aufugeret; nec fugæ via facilis erat adeò trepidanti, ut ne famem quidem sitimve levare auderet: lateri insuper suo Bodvar eum velut affixum tenuit. Interim ab aulicis more solito leviora ossa per transversum pavimentum in utrumque projecta Bodvar se animadvertere dissimulavit. Id moderationis argumentum terroris notam cum interpretarentur, quidam graviorum ossium jactu, an metus subesset, ulterius exploraturus, coxendicem nudam, pedi connexam, magno jactu in eos torfit; quam expavescens Hottus magnâ voce exclamans, confessorem monuit volare coxendicem, certum exitum collineato
alla-

allaturam. Bodvar, Hotto conticere iusto, eandem volâ exceptam in jaculatorem tantâ vi retorfit, ut protinus mortuus concideret: quo casu confternati convictores, ad Regem & primores illicò deferunt, advenam execrabilem, nemini cognitum, Regium triclinium mensasque satellitis Regii sanguine cædeque conspersisse; orantque, ut tantum & tam inauditum scelus, intra mœnia castrî tricliniumque Regium, gravi exemplo & sine dilatione vindicet. Rex, an innocens cæsus esset, quæsit: Sodales, maximam partem, responderunt; unde ansâ ulteriori inquisitioni data. Ut verò rem, sicut gesta erat, causamque cædis percepit, negavit crimen capitis hospitem commississe. Etenim vos, inquit, perversum morem, sæpiusque vetitum, in aulam meam introduxistis, innocentes homines ossibus obruendo; unde Majestatis contemptus domi, foris etiam infamia sequitur, habemurque tales, qui legibus & pænis talem petulantiam coëcere, aut latarum legum, nostræque adeò Majestatis, decus vindicare

care supersedeamus, otiosi speculatores approbatoresque injuriarum, magis quam justī & severi vindices. Sed videmini mihi hospitem, virum profectò vestrâ opinione majorem, irritasse; eum igitur ut videam huc arcessite. Accitus ergo Bodvar actutum comparuit, Regemque venerabundus salutavit. Quem Rex ut primum vidit, animi excelsitatem ex indiciis pensitans, corporisque vires staturâ moleque & membrorum magnitudine metiens, illico ejus desiderio captus, dimittendum minimè censuit. Nomen igitur quærenti respondit; Bodvarem se proprio nomine dici, Hotti servatorem aulicos ejus vocare. Rex iterum, quâ satisfactione homicidium redempturus esset, quæsit. Ille innocentem non occidisse, sed quod meruerit reposuisse ait. Rex, num sibi militando numerum suorum satellitum augere, occisique vicem subire liberet, quæsit. Bodvar satellitum nequaquam abnuere, modò Hottus unâ admittatur; nam haut facile à se separari posse, sed communem utriusque sortem futuram; nec

nec tamen loco æqvè humili contentos fore atq; is erat, qvi ossis jactum neqve sustinere neq; declinare poterat. Adhæc Rex respondit, Hottum quidem sibi honori hant futurum videri; victum tamen illi hautquaquam negaturum. His dictis Bodvar ad sedem occupandam, ubi visum erat, processit; tribusque loco detractis, & quidem ex superiore quàm præceptum erat, classe, ipse Hottusque successit. Hæc omnia in Bodvarem aulicorum invidiam odiumque concitârunt.

CAP. XIX.

Bodvar lamiam in feram transfiguratam occidit. Cujus sanguine hausto Hottus repentè viribus auctus insignis Athleta evadit. Virtutis specimen præsentè Rege edit. Gladium Gullinbialtium præ-

*mii loco accepit. Hialtii
nomen assumit.*

Imminente festo Jolensi, commilito-
num animos, tanquam expectatione
subiti alicujus mali, solito magis su-
spensos langvescentesque Bodvar animad-
vertit. Causâ tantæ consternationis re-
quisitâ, cognovit, Hotto referente, quod
duobus proximè præcedentibus annorum
superiorum festis, ingens & horrenda fe-
ra monstrosæ formæ, alis duabus & qua-
tuor pedibus conspicua (quâ descriptione
velocitatem poëtas adumbrâsse credibi-
le est) armentis & pecori Regio admodum
infesta, conspecta fuerit; quæ ictus omnes,
etiam acutissimorum ensium, refutaret.
Hujus reditum jam aulicos omnes metu-
ere; nec id temporis præsentem esse po-
tissimam satellitum & pugilum manum,
præliis necessariis alibi distentam. Valdè
se deceptum famâ hujus satellitii, quod to-
to Septentrione gloriosissimum prædica-
tum sit, Bodvar questus est, cum ad uni-
us feræ, licet omnium ferocissimæ, ex-
specta-

ſpectationem animos deſpondeant : ne-
quaquam tamen feram eſſe Hottus ait,
ſed lamiam in monſtroſam ſpeciem ſe
transfigurantem. Primo appetentis feſti
veſpere edixit militibus Rex, ne quis inſe-
quente nocte domo egrederetur, ne fortè
exitiali belluæ præda fieret ; ſæviret mo-
dò in pecora, iisque inexplebilem rabiem
gulamque ad naſeam uſque ſatiaret.
Omnes imperio ſe audientes fore polliciti
ſunt. Verum Bodvar ingenti gloriæ cu-
pidine flagrans, concubiâ nocte manda-
tum transgreſſus eſt. Inde extra arcem
progreſſus, Hottum aſſumſit, quantum-
vis recuſantem, metuque prope exani-
matum, nec incedere ſufficientem, ſed
magno planctu qveritantem, in præſen-
tem mortem non eum ſolum ruere ſed
etiam ſe comitem, comunisque necis ſo-
cium, ducere, quem ulnis ſuis portans,
bono animo eſſe, eventumque ex animi
ſententiâ expectare juſſum, ad perſeqven-
dam belluam properabat, nec longè di-
ſtantem offendit. Tum verò ingenti metu
exterritus Hottus lamentabili voce peri-
culum

culum deplorabat. Eo igitur dimisso, gladium districturus in belluam fertur. Tum primum, imminente ferâ, gladius stringenti parere recusavit, donec ex provocatione, forsitan etiam adhibito exorcismo, solveretur: quo vibrato, impetum insipientis bestiae, mucrone intra armum penetralibus cordis adacto, stitit; quæ tanto vulnere saucia, illic mortua concidit. Tantâ victoriâ partâ ad Hottum regreditur; quem in ulvâ palustri delitescentem, nec ad aulam remeare, nec exsurgere ausum, extremeque trepidum manibus sublatum, adque recenti cruore madentem belluam transportatum, ad egestum sanguinem calidum hauriendum adegit, renuentemque duos haustus epotare, offasque ferini cordis aliquot exedere compulit: quo peracto diu cum eo coluctatus; In tantum, inquit, derepente vires tibi auctæ sunt, ut neminem aulicorum dehinc tibi formidandum existimem. Hottus neque illorum ullum, sed nec eum quidem ipsum amplius se metuere regessit. Gavisi uterque tam salubris potionis

nis refectū, feram collapsam in viventis speciem erigunt, domumque & lectum, tanquam nusquam digressi, petunt. Hanc bestiam Ursū fuisse Saxo Lib. II. tradit; locum verò, ubi transfixa sit, omittit. Verū in Sialandiā, utpote insulā spatio-
sæ latitudinis, oceano undique cinctā, illud animalium genus minimè prostat. Matutino tempore quæsit Rex, an feram, festi illius jam per biennium immodicum nimis hospitem, rediisse quisquam cognoverit? Responsum est; neminem vidisse; pecora etiam præter morem intra septa illæsa permanere. Missi igitur qui ulterius inquirerent, oppidò redeuntes, citato gradu aulam petere nunciant: excitis ergò satellitibus, ut pro virili quisque in molestā monstrosāque bellua tollenda niteretur, imperabat. Illi alacres arma capiunt; verū sive metus, sive nimius ardor edendi in conspectu Regis suæ cuique fortitudinis speciminis, feræ currentis speciem oculis eorum præsentaverit; constat tamen soli Regi immotam visam. Ait itaque: præmium quemlibet cæsā ferā promeriturum video,

deo, mihi tamen speciem non cursum intendentis, sed eadem vestigia prementis præbere videtur. Cui Bodvar respondit: eqvidem magnæ molis rem arbitror cum ferocissimâ belluâ congredi, quod nisi veriti essent qui jam in procinctu sunt, dudum & absque longiore morâ, in occursum illius progressi essent. Tuum igitur erit, ô socie, (Hottum alloquitur) calumnias inimicorum refutare, qui te tanquam imbecillem, timidumque & nau-ci hominem hucusque contemserunt: nec amplius sustinere, tanta probra & de te dici potuisse, & non potuisse refelli. Accelera igitur cæteris cunctantibus, manusque cum hac bestiâ solus conferre minimè dubita; objectamque ignominiam tanti nominis facinore dilue, virtutemque sub sordido palliolo dissimulatam latuisse demonstra. Hottum se paratum affirmantem iutuitus Rex, nescire se ait, unde tanta magnanimitas, mutatioque subita: quod si quandam conjecturam afferat tacita hominis figura, aut illum eundem Hottum non esse quem Bodvar liberaverat, aut jam Hottum illum exuisse, aliudque

que ingenium induisse. Tum Hottus ;
dato mihi, inquit, ô Rex, gladium Gullin-
hialtium , isto enim feram cunctis for-
midandam periculi securus conficiam.
Rex , nemini gladium illum idoneum es-
se, nisi solis Principibus & excellentis for-
titudinis heroibus. Talem igitur me con-
cipe, ait Hottus. En gladius, ait Rex,
& simul Hotto porrigens, quod benè ver-
tat, inquit; etenim breve constabit, quid
hæc tam repentina portendat mutatio;
nam non meis solius oculis, sed conspici-
entium omnium, hac ipsâ nocte tibi dis-
similis factus videris : 1 faustis avibus,
& quod suscepisti feliciter perfice. Hottus,
actis pro dono gratiis, intrepidus bestiam
adortus, primo ictu stravit, inque terram
præcipitem dedit. Tum Bodvar: vides,
inquit, ô Rex, quanto & quam illustri do-
cumento virtutis suæ primum specimen
dederit. Rex adhæc respondit: fateor il-
lum heroico spiritu recens afflatum, fe-
ram tamen tuo, non illius, gladio occi-
disse animadverto. Bodvar non equidem
eum conjecturam fallere respondit. Quam
pri-

primum, ait Rex, sub conspectum venisti meum, tantum virum te quidem animadverti, quem pauci vel animi vel corporis viribus æquent; illud ita se habere evicisti: hoc verò excedit, quod ingenium desperatum in fortissimum virum, nauci hominem in heroem momento converteris: proinde mutatus homo nomen etiam mutabit, Hialtiusque in posterum nomen à gladio Gullinhialtio contractum usurpabit. Circa hæc tempora Saxo innuit, Agnarem quendam Regis filiam uxorem duxisse, eundemque à Bodvare sublatum; quod quâ causâ factum sit ipse exponit: Ipse quoque Bodvar in epilogo vitæ suæ, quem novissimè pugnaturus recitavit, inter cætera etiam occisi Agnaris laudem sibi tribuit. Supplet itaque Saxo hanc historiæ nostræ lacunam: differt tamen eo, quod Sororem Regis Rutam in matrimonium duxisse tradat. Noster filiam Regis nomine Drifam memorat, ut postea dicetur.

CAP. XX.

*Berferkorum insolentia re-
primitur. Ordo præcipu-
orum Athletarum. Rex
Hialtio Generosi cogno-
men indit. Bodvar ad
expeditionem Svedicam
Regem hortatur.*

Festo Jolensi appropinquante, cum
reditus Berferkorum speraretur, mo-
res illorum præcogniturus Bodvar à
Hialtio didicit; aulam ingressos à Rege
quæstionem ordiri, orsamque ad singulos
per circuitum pertexere solitos; an tan-
tam suæ virtutis fiduciam habeat, ut
sibi comparari velit? Regem verò in-
signis utilitatis ab operis eorum redun-
dantis ratione habitâ, cæteris aulicis, ne
rixæ oriantur, moderationis, non igno-
miniosæ confessionis, exemplo respon-
dere consuetum: considerati hominis es-
se,

se, vires facultatesque suas probè dispicere, anteqvam tantorum virorum, gestis terrâ marique clarissimorum, gloriæ communionem sibi asserere gestiat. Moderationem Regis omnes satellitii cohortes, illis palmam deferendo, imitari. Iterum, inquit Bodvar, hujus satellitii famam gloriamque meritis majorem animadverto, si nullus contra Berferkorum insolentiam hiscere audebit, eamvè compescere. Secundi festivi Jolensis diei vespere, omnibus palatii Regii Januis subito impetu adapertis, inferebant se duodecim yri cataphracti, loricis atque galeis, cæterâque armaturâ, comminutæ glaciæ colorem referentibus, conspicui: longo deinde ordine permeantes observant novis athletic satellitium auctum, unumque cæteris compactiorem. Hic quantumvis pomposè superbeque incedenti primipilo terrorem tamen, licet dissimulatum, primo statim conspectu incussit; quem malè tectum facies repentè mutata prodidit: Verùm nihilominus sequentibus cæteris ad Regem pergit; quo pro more salutato, consuetam proponit quæstionem, responsumque

sumque pro arbitrio Regis, ad interrogantis ingenium temperatum reportabat. Postquam eadem quaestio per singula capita universum triclinium pervagata modestis responsis excepta esset, ad Bodvarem & Hialtium, utpotè novissimè in collegium ascitos, pervenit. Prius Bodvar Hialtium tacitè interrogavit, an proxime succedentem invadere ausit? ille autem respondit, non illum solum, sed & universos; nam ereptam sibi jamdudum, etiam adversus majorem vim, omnem metuendi rationem. Berferko itaque Bodvar respondit: mirum, illum quaerere, an sibi, utpote porco ignobiliori, scilicet equâ matre nato, par haberi velit: dedignari namque se in comparisonem cum illo venire, placeat modò experiri; Marte se vel morte confessionem ei victoriæ expressurum, exsiliensque loco, magnoque ardore invehens, protinus eum stravit; parumque abfuit, quin pes vel ossium unum frangeretur. Consimili modo in proximè sequentem Hialtius exortus est. Inde strepitus ingensque murmur totam aulam pervasit. Rex metuens,

ne intestinum intra parietes prælum multorum satellitum necem secum traheret, folio defiliens pacem imperavit. Bodvar occisurum se minatur, ni inferior haberi velit, victumque se confiteatur. Rex autem rem esse exploratissimam contestatus, Berferkum solaturus, non esse ait ignominiosum majori cedere, nec iniquo ferendum animô licet quis se potio-rem alium videat. Amicos proinde esse jubet; Bodvari primatum adjudicat, dissidiumq; & injurias mutuas satellitibus suis capite luendas pronunciat: in hostes iras, impetus, cædes, cladem, rabiemque vertere; inter se amicitia mutuâque benevolentia certare jubet. His auditis omnes quotquot aderant, venerabundi Regem circumfistentes succlamârunt, ejusque justiciam simul & clementiam & moderationem in cælum laudibus efferentes, certatum gratias egerunt; Berferkique cum Bodvare & Hialrio concordia inviolabilisq; amicitia æterna fœdera, quæ tamen postea rupta sunt, fanciebant. Sedes in aulâ Regiâ (haut eqvidem ex seculi istius more) distinctæ perhibentur hoc
teno.

tenore; Proximus Regi Bodvar dexterum clausit latus; ei à latere Hialtius sedebat; cui Rex Generosi cognomen jure meritoque suo indidit, quod tanta esset magnanimitate præditus, ut illatas pridem injurias, cum posset absque ullo pænæ metu vindicare, plane neglexerit, cumque iis quotidie conversaretur, à quibus erat injustè laceffit; sæpiusque Rex id ipsum admiratus fertur, quod ne unum quidem occidisset, aut aliquo modo se ultus esset. Proximè ad sinistram Regi assidebat trigà fratrum; Svipdagus, Beigadus, & Hvitserkus, eò dignitatis incredibili fidelitatis & fortitudinis cæterarumque virtutum merito provecti. Eos excipiebat ordine Berserkorum dodecas, reliquorumque heroum, quorum nomina hîc non referuntur: cohortes ab utroque latere deinceps universum castrum replebant. Diversis, usque ingeniosis, ludorum generibus sese quotidie exercebant, omnes tamen Bodvar præstitisse perhibetur, tantamque sui admirationem reddidisse, ut ei Rex filiam suam Drifam matrimonio jungeret. Tantorum ergò virorum ministeriis sti-

patus Rex, domi reliquâ hyemis parte transactâ, invictus habebatur. Festivus interea incidit dies, quem Rex, adhibito ad convivium universo Athletarum collegio, magnâ pompâ celebrat; procedentibusque epulis, inter pocula, crescente hospitum ebrietate, gavisus sibi, quod è tantis heroibus præsidium corporis sui constaret; elatiorque visus quæsit à Bodvare, an alium Regem tam insignium pugilum heroumque satellitio instructum cognosceret? qui respondit: Utut omnium Regum magnificentiam, potentiam, gloriam, fortitudinem, aulicorum splendore, militum robore, gestorum famâ, periculorum contemptu, quod facis, excedas; restat tamen non minimum ad felicitatis Regiæ perfectæque gloriæ complementum. Rex, quidnam desideraret, quæsit. Ut gloriam Majestatemque tuam vindices, ait: nam quousque permittis vicinum vitricumque tuum, Adelfem Sveciæ Regem, patrimonium tuum, thesauros nimirum patri tuo fraude nefandoque scelere ereptos, impunè usurpare, suspicionem præbes imbecillitatis, metus-

tusque non exigui, tacitæque confessio-
nis, quod invalidus sis rebus tuis à tantî
nominis Rege repetendis. Arduum sane
opus, inquit Rex, suggeris: non quod
supra vires foret, ductu auspicioque meo,
industriâque vestrâ, omne quod nostri
juris injustè retinet vel invito extorquere,
si virtute tantum ab utrâque parte cer-
tandum esset: nunc verò cum incantato-
rum omnium magistro, fraudumque in-
signi architecto, uno verbo, pessimo ho-
mine, non dicam Rege, res est. Bodvar
id demum veram laudem & immortalem
gloriam mereri affirmat, quod summè
difficile; omnibusque aliis desperatum
videatur. Id quod Rex sibi quoque pro-
bari testatus est. Omnes consilium Regis
collaudabant, inque expeditionis societa-
tem ascisci pro se quisque certabat.

CAP. XXI.

*Regis in Sveciam iter. Hra-
nius eum & comitatû ejus
hospitio bis excipit. Prodi-*

gioso frigore primùm, inde urente siti, mox æstu immodico eos exercet. Ejus suasu Rex universos comites, athletis exceptis, domum remittit.

Non longo post tempore periculosum iter, glorioso magis quam numero-
so comitatu suscepturus, centum militum, athletarum duodecim, totidem-
que Berserkorum agmine, veste armisque magnificè instructo, Sveciam petivit. Nec quicquam in progressu notatu dignum contigisse memoratur, priusquam ad vil-
lam quandam perventum esset. Astitit ante fores rusticus, ruris dominus, nomi-
ne Hranus, alacritatem vultu, civilita-
tem gestu, comitatem verbis præferens,
qui Regem decenter, blandoque & affabi-
li sermone ad hospitium invitavit. Rex,
num comitum etiam numerum eqvo-
rumque rectè perpenderit, quærit; ete-
nim

nim rusticorum plurimorum sparsa rura
(ut villam ipsius animadvertat) incolen-
tium facultates reiſque familiaris conditi-
onem excedere tanti comitatûs receptum.
Subridens colonus, vidiffè qvidem ait,
nec illud ſemel, collectam multitudinem,
ad villam ſuam medio itinere divertiffè,
nec recedentem neceſſariorum defectum
vel penuriam accuſaſſè, nec magis illis vel
cibum vel potum, aliaque quibus indige-
ant, defutura, unius velperis noctisſque
ſpatio. Rex fide majora pollicentem ex-
ploraturum ſe affirmat; quippe ſegregem
hanc domum familiamſque, ruſticæ per
Sveciam conditionis documentum præ-
bituram. Lætus honoris acceſſione ru-
ſticus, eqvis ephippiis fræniſque detra-
ctis, eum cum omni comitatu in villam
introducſtum, epularum tanto apparatu
excepit, ut ſplendidiffimis conviviiſ,
conquſiſitiffimis ferculiſ, potioniſque di-
verſiſ, longoſque tempore anxie compa-
ratiſ, generibiſ abundatiſſimiſ, vel dubi-
am palmam ipſe imparatus relinqueret,
vel penitus eriperet. Nec impenſiore
benevolentiaſ affectu aliaſ exceptuſ ſibi

Rex videbatur ; nec , ubi magi placeret , divertisse ; nam tam reconditæ sapientiæ convivor apparuit , ut ad omnia interrogata aptissimè responderet , nec esset quæstio proposita , quam non extempore , magnâ verborum suavitate , summo cum Regis ministrorumque oblectamento , dilueret. Inde communi hospitum calculo sapiens vir judicatus perhibetur. Ab epulis in multam noctem protractis Rex cum satellitum agmine cubitum deductus , vix somno animum relaxaverat , cum intensum subitumque frigus , quo omnium corpora membraque rigeabant , concussis dentibus , dormientibus somnum abrumperet ; tantaque vis fuit , ut omnes lectis exsistentes , plures vestes nocturnas in subsidium colligerent , præter Regem & duodecim athletas , qui veneficam algoris vim incredibili fortitudine & heroicâ patientiâ eludentes ; oblatas arcendo frigori vestes repulerunt. Luce matutinâ hospes quæsit , satisne commodè noctem transgissent ? cumque Bodvar ex animi sententiâ transactam affirmasset , an vestium satis suppetisset ad repellendum

dum frigus , quod villam sæpius infestare consuevisset , rogavit. Rex abundè sibi consultum ait ; fuisse tamen qui gelu se plus nimium aduri questu essent. Imbel-
le pecus, indignumque tanti Regis comi-
tatu , respondit colonus, oneri & dedecori futurum, cum virtutis experimenta in aulâ Regis Adelsis edenda forent, ubi vel
millies acrioris frigoris patientia reqvire-
retur: rectè igitur, se svasore, facturum,
si diimidiam turbam; tanquam inutilem
tantoque satellitio probrosam, domum
remitteret. Assensit Rex coloni, sibi
quam proprio Regi amicioris, consilio;
exauكتورatisque quinqve decuriis, do-
mumque remissis, cæptum iter persequi-
tur. Exiguum spatium emensi, ad aliam
villam pervenientes, eundem Rusticum
præ foribus stantem, benignis verbis se
compellantem, causamque iterati reditus
qværentem, agnoscunt. Rex miratus,
qvî fieri possit, ut eò, unde recesserant,
iterum redirent, suspectam sibi callidita-
tem astumque illius, meritoque dolorum
architectum videri, pronunciabat. Ille

omnibus denuò ad hospitium invitatis, impetravit, ut iterum ad se divertèrent. Lautissimè excepti exquisitis eduliis, variisque scitamentis propositis, epulabantur. Per noctem vero excitati, ardentibus siti faucibus propè enecati, plures lectis exsurgentes, offenso vase vino repleto, vinum avidè hauriebant, sitimque restinguebant. Summo mane surgentem Regem aggressus hospes monuit, minuendum insuper comitum numerum, displicere sibi milites, pellendæ sitis gratiâ nocturnis etiam temporibus potum requirentes, ignominiosos in aulâ Adelsis Regis futuros, gloriosam cæteroquin expeditionem ingloriam reddituros; longè graviores labores in aula Adelsiana exantlandos; scenæ illius præludiis exercitationes hæc non posse comparari. His dictis exorta repentè tempestas, præreptâ ulterioris itineris facultate, diem ibi tertiam divertere compulit. Nihil ad exhilarandos animos pertinens defuit; nihil ex cæptâ convivii magnificentiâ remissum est. Equis pabula abundanter suffe-

Sta

cta sunt, eqvitibus epulæ, pari ut antea curâ, præbitæ. Ad vesperam sedibus circa focum collocatis, singulos cum applicuisset, accenso foco, pabuloque in nutrimentum flammæ largiter præbito, tota domus, tanquam incendio proxima, adeò incaluit, ut corpora affidentium propè tabescerent: omnes igitur exceptis solo Rege pugilumque dodecade, sedibus exsurgentes egressi sunt. Tum Hranius: cum solis illis, qui æstûs patientes remanent, tutò ad Regem Adelfem accedes, recedesque; reliquos omnes, etiam Berserkos, domum mittito, quippe impares tanto examini. Rex, collaudato rustico, tot tantaque eum sapientiæ suæ documenta hospitibus dedisse ait, ut ab ejus consiliis recedere temerarium ducat. Remissis igitur omnibus aliis in patriam, solos Athletas retinuit. Interea Adels de itinere privigni certior factus, gratum sibi ipsius adventum præfatus est, immortali memoriâ nobilitandum.

CAP. XXII.

*Regis Adelsis aulæ Hrolfus
magnâ cum pompâ ade-
quitat. Fossas ipse & Atble-
tæ superant. Ignem tran-
siliunt. Vöggus Hrolfo
Krakii cognomen indit.
Armillam ab eo accipit.
Adels hospites incendio op-
primere statuit, frustra-
tur. Canis Hrölfis cum
apro pugnât. Eum supe-
rat. Accipiter item ejus,
Adelsianos vitâ privat.*

Pugilibus itaque solis stipatus Rex, ru-
stico amicissimè valere jussu, rure
profectus ad aulam Adelsis, lento
primum gradu, pro recepto illius seculi
pro-

proceribus more (etiarnnum in Islandiâ antiqvissimæ, honestæ tamen, sed indifferētis, consvetudinis, tenacissimâ, observato) mox subditis eqvis calcaribus, citato cursu, obviis viâ cedere compulsis, superbè adeqvitat. Ornatum vestium, armorum pompam, corporum habitum, eqvorum pernicitatem, robur, staturam, phaleras, ephippia, cæteraqve ornamenta, accipitrumqve decus (qvorum singuli singulorum humeris insidebant: inter qvos Regius, Håbrok dictus, poëtarum carminibus celebratissimus, suiqve generis pretiosissimus, eminebat) spectatum effusa universa civitas, omnes fenestras prospectui idoneas, tabulata, turresqve & mænia compleverat. Obviam, qvi exciperent, missi, magno procedentes comitatu, debitâ Regem reverentiâ ad aulam deducunt. Aderant famuli, Sveci qvidem illi, qvibus eqvorum excipendorum cura mandata; qvos Bodvar monuit, ut diligenter custoditos, jubis caudisque qvo situ acciperent, redderent, nec luto sordibusqve aspergi ullo modo sinerent. Qvod ubi Adels percepit, ingentis

gentis fastûs indicium interpretatus, caudis jubisq; præfectis, frontaliqve pelle nudatos, omniqve ludibrii genere fædatos, qvoad discederent custodiri jussit, abeuntibusqve ad ludibrium fisti. Ad portas aulæ perventum est, nec tamen accedenti Hrolfo Adels obviam honoris causâ procedere, nec eos qvi ad se deducerent ablegare dignatus, intra parietes domesticos delituit: qviqve ad invitandum pridem missi, eò usqve illos deduxerant, omnes jam dilapsi solos hospites reliquerunt. Svipdagus sibi pridem hujus palatii situm cognitum ait; convenire itaqve, ut præcedentem reliqui omnes sequerentur: verùm Regem aliis in ordine permistum incedere, ne internosceretur, oportere. Ingressus igitur Svipdagus, longè aliò ordine qvàm cum discederet, conclavia, triclinia, cubilia, adeoque omnem pristinum situm, deprehendit; jamqve area latisissimis fossis interstinctâ accessum ad solium Regium impeditissimum reddebat: qvi nihilo secius saltu singulas cum superâssent, haut exiguum virium suarum documentum dederunt.

Haut

Haut digna sunt relatione, quæ fabulis super hac expeditione magis interspersa, sibi-que repugnantia, quam incorruptis rerum monumentis tradita sunt. Etenim Adelfem ad duodecim advenas tollendos insidiis opus habuisse, nec aperto Marte, nec insidiis occidere potuisse, multos quoque suorum ab iis impunè occidi passum esse, quis credat? experimenta fortitudinis eorum, famâ tunc temporis decantatissimæ, capere voluisse, plausibilis est. Inmissis, quos aulæa absconderant, sicariis, primum examen institutum memoratur; quorum tamen vim, non modò reprefferant, sed damnum cogitatumque facinus in ipsos auctores retorserunt. Adels autem omnem à se suspicionem amoliturus, suis gaviter increpat, Regem cum satellitibus ad convivium invitavit. Circa focum fellis omnes infidebant Hrolfi milites, sine tamen consveto ordine, id temporis è composito confuso, occultandi Regis causâ, ne ab Adelse internosceretur. Svipdagus cum fratribus principem occupârat locum, iis pro-

ximus

ximus Hialtius Gënerosus , reliquique ordine assidebant , Bodvar Regis latus, ubi visum erat, clausit. E regione Adels cum suis confidebat ; qvi cum magno desiderio privigni internoscendi teneretur, artibus opus esse ratus est, qvibus tam anxie occultatus in apricum duceretur : ingentem igitur flammam æstusque foco excitandos curavit, qvorum pugiles Rege ipso patientiores futuros conjectabat, indicium à communi Regem ab æstu defendendi studio capturus, simulque fortitudinem singulorum, quam invictam priusprehendit, hoc insuper Vulcanio experimento exploraturus, verbis etiam ad exitialem patientiæ perseverantiam accendere conatus : famam, inquit, vos, Hrolfiani pugiles, vestram toto Arctoi orbis circulo sparsisse fateor, nihil vero minus de vobis eam finxisse, quam reverâ est ; nec diffiteor, vobis vestra præconia nota esse ; tanto enim fastu inflati videmini, ut præ vobis omnes, etiam fortissimum & robustissimum quemque , alto supercilio contemnatis.

addite

addite igni larga nutrimenta ; nam relat-
tum est, voto se Regem, vosq; ejus exem-
plo, obstrinxisse, nec incendium, nec
ferrum unquam fugituros. Imperavit-
que ministris, ut in focum prodigaliter
ligna conjicerent. Athletæ quorsum ten-
deret, conspicientes, objectu clypeorum
Regem, quantum poterant, dissimulan-
ter tamen, ne proderetur, texerunt. Ut
verò ministerio famulantium, pabula ag-
gerentium, flammæ non pro foci modu-
lo, sed ad rogi magnitudinem, excrevis-
se, ardorisque vehementiam Adelssem
Regem cum confessoribus, sellis remo-
tis, fugasse comperiebant. Tum Rex :
aut voti religio nobis impiè & turpiter
deferenda, aut nosmet incendio combu-
rendos ad necem usque præbere oportet :
verum suppetit ratio, quâ utrumque sum-
mo cum decore declinemus. Ne autem
viderentur æquè atque Adels imbecilles,
æstum eòusque perpeffi sunt, dum vestes
semiustulatæ usum tegendorum corpo-
rum ulterius præstare non possent, tor-
resque scintillantes passim decidentes eos
obruerent. Tum verò Bodvar ; quin

foco alia, inquit, insuper pabula prospici-
mus, domumque Adelfis nobilitamus?
arreptumque ministrantium unum in ig-
nem conjecit: imitati factum Svipdagus
& Beigadus, & Hialtius Generosus, plu-
resque primatum, singulos quisque fo-
cum instruentium in ignem præcipitados,
exurendos reliquerunt, Rex conjecto in
flammam clypeo, dum transiliret incen-
dium sopivit; exclamansque ait: haut e-
quidem ignem fugit, qui transit: quem
singuli secuti eodem commento funestum
incendium ruptique voti infamiam eva-
serunt, Obstupuit ut flammæ elusisse
viderat Adels, cavatæque columnæ ligneæ
se immisit; inde veneficis artibus tectus
ad Reginam accedens, amicis eam verbis
affatus est: quæ irarum æstum minimè
temperans, injurias in se suosque acerbis
verbis impropere, minitans, se quâvis
data occasione Hrolfo adversus Adelfem
opem laturam, donec ille prædam peti-
tam, hic æternum dedecus, reportaret:
filiumque accedens, maximo caritatis
studio complexa, in diversorium splendidis-
simum cum satellitibus deduxit, submi-
nistra-

nistratisque famulis, dapes & opipara
 fercula, potionisque varia genera appo-
 suit, Inter famulantes quidam, nomine
 Voggus, staturæ proceritatem, habitum-
 que Regis, faciei decus, vultusque gra-
 tiam intuitus primum, denique miratus:
 Ecquis, quæso, inquit, Krakius (trun-
 cum vertit Saxo, pusionem Magnus Ola-
 fius in Versione Eddæ, cornicem Stephā-
 nius) solium occupat? Rex: cognomen,
 inquit, mihi indidisti, quod quoad vi-
 vam gesturus sum: donum verò comi-
 tari solitum quid affers? illud verò sibi,
 utpote homini pauperi, non suppeterē
 cum regessisset; par est igitur, inquit Rex
 ut qui abundat, donet; simulque armil-
 lam brachio detractam muneri dedit. Læ-
 tus admodum Voggus temerariæ compel-
 lationis tam felici successu; omnium, in-
 quit, Regum felicissimus dederis, nam
 cimelium longē pretiosissimum donasti.
 Rex donum tantā alacritate plausuque
 exceptum ut vidit; Parvo Voggus gau-
 det, inquebat, quod dictum in proverbi-
 um postea abiit. Voggus Regiam muni-
 ficentiam, donumque ipsum debitis extu-

lisse laudibus haut contentus, altero pede
trabe calcata: Equidem, inquit, religio-
sissime voveo, quod si fata me tibi super-
stitem servaverint, humanoque consilio
vel operâ, siue vi, siue dolo occubueris,
necis tuæ & strenuum & fidelem ultorem
me futurum. Rex intrepidè quidem
vovisse affirmat; alios tamen propinqui-
ores, quos illa causâ tangat, extare.
Hunc hominem, licet non magna in re,
fidei tamen plenum, ipsorumque salutis
conservandæ studiosum cum observaret,
tuto & ex animi sentiâ inter se colloqui
sunt, atque inter cætera Voggus refert:
Adelfem præter modum exemplumque
Pythicis artibus deditum esse; aprum e-
nim colere, cui nec mole nec ferociâ ul-
lus par esset. Inde somno se quisque de-
derunt, nec prius excitantur, quam im-
mani fragore concussam domum, velut
jamjam lapsuram, sentiunt. Hîc Vog-
gus, Appropinquat, inquit, aper, illa-
tæ Regi ignominia ultor; cui resistere
supra humanas vires esse compertum est.
Erat Hrolfo canis, nomine Gramus, ro-
bore pollens, ferociâ insignis; hunc Bod-
var

var adversus aprum concitat: nec mora,
velut jurati hostes hi duo in certamen
proripiunt. Sed nec otiosus spectator Bod-
var, cani, quâ posset ratione, suppetias
laturus, in medium apri tergum ensen
vibravit, sed frustra: major enim vis ve-
nificæ artis feram armaverat, quam ut
ferro lædi posset, Jamque in tantum ge-
nerosi canis rabies excrevit, ut aures unâ
cum genis hosti morsu abrumperet; quî
evestigio terrâ absorptus nusquam inde
comparuit. His peractis Adels iteratâ
jam vice incendium advenis parans, ma-
gno suorum numero comitatus advenit.
domus undiquaque flammam concipit;
nec omnimodis ignium fomentis parci-
tur. Bodvar intra hostilia tectâ incendio
vitam claudere, mortem esse minime
honorificam ait, nec dignam formidato
toto jam diu Arctoo orbe Rege: quod si
optio daretur, malle se aperto campo pu-
gnantem in mediis hostium copiis forti-
rer occumbere, quam nullo edito sub di-
fcessum insigni virtutis specimine, incen-
dariis hisce in prædam cedere. Invenit
nobilis viri virtus consilium viamque ig-

nomini osam mortem effugiendi : namqve
eo svasore suo quisque loco parietibus
magno conamine, magno nisu, effractis,
in coopertas armato milite plateas impi-
grè proruperunt. Fit strages, domesticis
undiq; occumbentibus, Hrolfo quoque &
athletis validius longè quam uila de tam
exiguo numero spes polliceretur, impu-
gnantibus. Hæc dum geruntur, Häbrök
Regius accipiter (cujus antea mentionem
fecimus) ovanti similis advolat, tandem-
que quasi partâ victoriâ lætus humero
Domini confedit. Miratus custos, ad
locum ubi accipitres servabantur, illicô
se recepit. Cumque Adelfianos omnes
morti dados, Hrolfianos verò nusquam
conspiceret; novo pavore percussus mayo-
rem ia modum obstupuit. Interea pluri-
mis urbanorum peremtis, qui reliqui erant,
vitam pacemque Hrolfum supplices po-
stulabant, atque ab eò impetrabant. Hic
finis pugnæ, hic exitus insidiosus impiique
conaminis erat. His ita feliciter ge-
stis, victor Hrolfus cum suis aulam au-
dacter ingreditur, interrogatusque à Bod-
vare, quam sedem ipse eligere vellet?

Solium, inquit, Regium occupabimus, vi-
resq; quiete & potionib⁹ generosis reſecti,
colligemus. Non adfuit Adels, ſed curarum
ſtimulis vexatus, irarumqve rapidiſſimo
æſtu fluctuans, damnum ſibi illatum æ-
gerrimè ferens anxie reputavit, ultionem
tanti dedecoris in poſterum meditatus.
Nec longo poſt tempore Hialtius forte
monuit, mittendos qvi viderent, num-
quid eqvis ipſorum pabuli aut curæ ne-
ceſſariæ deeſſet : Dictum factum : vident
eqvos peſſimè tractatos, miſereq; mutila-
tos. Qvod cum Regi nunciaretur, parum
commotus tantum reſpondit : Adelsẽ
hospites hoſpitemqve jumenta pari ratio-
ne accipere; itaqve omnia illius facta ad
unum termè eundemqve ſcopum colli-
neare.

CAP. XXIII.

*Hrolfo Regina Mater pre-
tioſa munera, & armil-
lam, Sviagris dictam, do-
nat.*

nat. Discrimen in campis Fyrensis. Hrolfi strategema. ipse in Daniam revertitur. Oblatam à sene armaturam abnuit, ejus offensam incurrit. Redux in regnum bellis abstinet.

Tandem Regina superveniens, salutato filio, de injuriis mariti qvesta, discessum svadet, submonetqve, totâ jam Svecia exercitus evocari, favisse jam fortunam, nec esse quod novum vitæ discrimen expectando, præsentissimo periculo sese exponant. Deinde cornu auro gemmisqve ingentis, nec facile æstimabilis, pretii repletum, præter cæteram thesaurorum immodicam vim, filio obtulit. Duodecim deinde equi, rubro colore, inter quos unus albus eminebat, illâ jubente exhibebantur; albus ille

ille Regi vehendo delectus: Singuli verò inter omnes Adelfis longè optimi, loriceisque ab ictu telorum immunibus tecti, vestes etiam pretiosæ, quales aulicus splendor ad magnificentiam luxumque poscebat; nam quas antea gerebant, ignis penè consumpsit. Rex autem à matre quæsiuit, an tantas opes reddidisset, quantas jure exposceret? paterque moriens reliquerit? illa longè majoris pretii redditas referebat: inter quas una tantum armilla Regia, Sviagris dicta (quasi Svecorum porcus, pluris illis omnibus æstimaretur.) Filium materno deinde amore complexa, lachrymisque profecta, monuit, infidias structas quam accuratissimè caveret; restare adhuc experimentum, dubii quidem eventus, immortalis autem gloriæ, vel luctuosi exitus, monumentum. Rex bono eam esse animo jubet, Voggoque magno auri pondere donato, in equum insilivit, omnibusque Athletis comitantibus recessit. Ad campos Fyrenses deventum est, cum mediâ viâ dispersam armillam auream scintillantem deprehendit: Et

hæc, inquit, solitaria mæret; quin sociam, solamen orbitatis, adjicimus; aliamque in viam projiciens: fama, inquit, minimè nos deferet, aurum in viâ projectum collegisse; neque ullus arripere tentet; nobis enim retardandis& in insidias inducendis objectum est. Nec mora, illicò tubarum clangor undique auditus manipulos in insidiis collocatos excivit. Secutæ à tergo cohortes militum, Hrolfo cum Athletis cæptum iter, absque ullo trepidationis aut fugæ signo, maturantibus, instabant. Bodvar, ut eqvos laxatis habenis effuso cursu properare conspexit, esse qui colloqvium expeterent, affirmavit. Hrolfus correpto cornu, quod mater, cum supremum vale diceret, dederat, copiam auri egestam mediâ sparsit viâ; quod ut miles inseqvens cognovit, avaritiam Adelfis, sibi hanc prædam, si intermitteretur, soli reservaturi, tum etiam occasionis actutum dilapsuræ oportunitatem, considerans, à periculosâ fortissimorum virorum insectatione, ad prædam securus colligendam conversus est. Præstitit

ea mora magnam elabendi facultatem; nam & inter illos, cum sibi quisque rapere contenderet, ortæ rixæ in prælium defiverunt; quos inter præliandum cum superveniens Adels deprehenderet, valde increpatos ad insectandos hostes avertit; ipse ne quis auri cupidine detinere se permetteret, omnes præcessit, cumque pernici equo veheretur, Hrolfo suorum primus valde appropinquavit, qui statim armillam Sviagris è thesauro tanquam offam projicit, quam ut solo jacentem cognovit Adels, veritus ne ab aliis sublata in suam possessionem nunquam rediret; Tibi, inquit, ô Hrolfe, quam mihi fidelior erat, quæ hoc tibi cimelium tradidit; ne verò mihi abstulisse gaudeat, non amplius de possessione illius periclitabor: incurvansque corpus, hastâ dum decrevit attollere; superveniens Hrolfus, ut inclinatum viderat, En inquit, instar porci incurvavi illum, qui inter Svecos opulentissimus est; alludens ad nomen armillæ à porcis desumptum: nec mora, stricto gladio Scofnungo, omnium quos
Septen-

Septentrio unquam vidit, acutissimo; clunes ei præcidit: &, Vale, inquit, meæque expeditionis hoc perpetuum monumentum serva; quem huc usque anxie interrogare voluisti Hrolfum Krakium conspicis, atque ita sublatâ prius armillâ citato cursu ad suos se recepit. Adelfem egestus e vulnere sanguis à persequendis hostibus cum impediret, suum domum deduxere. Multi eo conflictu ex iis qui Hrolfum & pugiles propius accedere ausi sunt, ceciderunt. Omni seculo expeditio hæc celebratissima fuit; inde materiam poëtæ arripuerunt aurum Krakii seminium vocitandi, quod is campos Fyrenses auro severit. Nec horum Saxo ignarus, ubi Adelfem tollendæ pecuniæ gratiâ pronum demissumque Rolvo conspicatus esset, propriis prostratum muneribus risisse, perindè ac cupidè repetentem quod callidè tribuisset, refert. Id quod Snorrius Sturlæus, adductâ in testimonium Skiöldungorum historiâ, confirmat, ubi Hrolfum campos Fyrenses auro consecuisse perhibet. Tradit tamen Saxo, li-
ces

cet alio tenore, æs auro oblitum ad illum usum reservatum, sparsum esse; quod licet magis credibile sit, poetis tamen eam materiam ad aurum applicandam non præbuisset, neque æra tam variæ formæ adeo citò cudi potuisse videntur, nisi forte Regina, hæc omnia longo tempore præmeditata, ad securitatem filii annulos, monilia, & torques inauratos effingi curaverat: quod autem filium comitata furtim e Svecia profugerit, licet Saxo majori verisimilitudine tradat, Chronica tamen Norvegica, eam in Svecia ad finem usque vitæ reginam fuisse perhibent. Postquam insultus Svecorum repressit Hrolfus, securus usque ad vesperam, nemine interpellante, profectus est; donec ad villam eandem, ubi prius hospitio excepti fuerant, sene præ foribus stante, pervenit: qui reducibus gratulatus, sibi etiam gaudebat, quod omnia dictis suis respondisse cognovisset. Quò vero propensum in Regem studium magis testaretur, armaturam artificii peximii, loricâ, gladio, & scuto constantem, munus offert. Rex, laudato munere,

nere, recipere tamen noluit. Displicuit senī muneris repulsa, contemptumque sui interpretatus, nec eos perinde prudentes esse ac ipsi opinarentur, dictitabat; nec amplius detinere sustinens, dimisit. Parum processerant, cum Bodvar converso eqvo Regem exspectabat, serōque nimis sapuisse testatus; valde enim erratum, sene, munus offerente, repulso: Odinum namque fuisse, victorias cum armaturā offerentem, quarum felicitatem jam abnuissent. Rex idem sibi in animum venisse confessus est, eò quod fuerit unoculus, talem enim Odinum fuisse, tam historiæ quam fabulæ, poëtarumque carmina perhibent. Tum Svipdagus, ut redirent, hortatus est. Verum postquam diu retrogressi essent, neque alicubi villam, neque senem, nec horum vestigium cernere dabatur. Rex incassum se eum inquisiturum pronunciavit, cum esset malus spiritus. Inde profecti non prius constitunt, quam in Daniam pervenissent: nec aliquid porò in itinere memoratu dignum notatum constat. Auxit hoc Svedicum iter Hrolfi famam, antea quidem inclytam,
in

iu tantum, ut nullis postea seculis obliterari potuerit, vanisque hominibus frivolis his, quæ retulimus, effingendis materiæ præbuerit. Verum redux in regnum non ut prius bellis gerendis animum applicuit, svasore Bodvare, quod fortunam Regis post Odinum offensum suspectam haberet, tutiusque rato sub partæ ingentis famæ præsidio latere, cum nemo impetere ausit, quam adversis Diis pugnando dispendium pati, unde hostibus vel malè pacatis Regibus audacia ad bellum etiam ultrò inferendum cresceret; longam præterea vitam se magis Regi ab illo tempore optare testatus est, quam polliceri. Rex terminum vitæ à fortunâ, non verò à maligno illo spiritu pendere, regessit. Expeditionis Svedicæ causam Eddæ Mythologia LXIV. pretium auxilii Adelsi à privigno suo Hrolfo lati, adversus Alium Uplandarum Regem ex pacto non persolutum, adducit,
lectu dignissima.

CAP. XXIV.

Skulda maritum Hiorvardum adversus Hrolfum concitat. Tributorum per triennium immunitatem impetrat. Magorum veneficarumq; magnam vim congregat. Bellum astutè præparat.

Postquam è Svèciâ rediit Hrolfus, intra Regni terminos cum Athletis se continuit; neminem laceffivit, sed partâ gloriâ, iis opibus, iis Imperii finibus, quos antea constituit, contentus vixit. Nec erant qui potentissimi Regis quietem turbare auderent: Reges in obsequio manebant, & tributa, ut solebant, pendebant, unde omnium rerum affluentia, pacis comes, secuta est. Complures anni hoc tenore fluxerunt. Skulda verò sagacis animi fæmina, ut vidit Hrolfum, fortissima-
rum

rum gentium robore & opibus suffultum, stipatumque incomparabilium militum satellitio, militiæ nihilominus studia, contra quàm à teneris consueverat, securo permutasse otio; tantæ mutationis causam cæpit aliùs perpendere; quàm non ab ingenio immensæ gloriæ & imperii proferendi cupidò provenire ratio- cinabatur; fortunam illi suspectam esse, quàm amplius experiri vel irritare vere- retur. Maritum igitur aggressa exponit, quàm iniquo animò tributum à fratre nullo jure indicti conditionem ferat, servitutis naturam, pensionis onus, non libertatem, redolere; hanc tamen sibi à patre parem cum fratre relictam; quàm cum illibatam tueri frater, invitante naturâ, teneretur, eripere tamen, nullâ offensâ irritante, sustinuerit: nec subjectionem illam bello, sed violatione fæderum, consanguinitatis, affinitatis, amicitiae, jurisque hospitalis, quæsitam: hortatur itaque, ut se in libertatem, cum primum occasio da- retur, vindicaret: ignavos homines eti- am tutissima quæque formidare; neque si reliqua Regulorum cohors potentiam

Hrolfi invictam æstimet, ideò inexpugnabilem esse; Unum reliquis ducem se præbere oportere; an de nihilo esse credat, quod familiaria militiæ studia jamdiu intermiserit? an insatiabilem gloriæ, opum, finiumque dilatandorum cupidinem moderationis legibus se submisisse arbitretur? longè aliam subesse causam discat; nimirum fortunam, quam reverentè habere nesciverit, ab eo recessisse; cumque hoc illum non fugiat, prudenter moderationis & publicæ securitatis titulum prætendi. Igitur, quo facilius optatæ libertatis compos fieri possit, nihil præcipitandum; petendam à Rege in triennium tributorum dilationem, quam haut gravatè concessurum sciat; interea copias undiq; colligendas, Regulos sollicitandos, & specie pensionum carpenta & currus, milite & armis onustos invehendos, qui improvisos & nihil hostile metuentes adorianur, præmium audaciæ, non modo immunitatem, sed & omnium regnorum fratris sui accessionem, non tantum jure belli, sed etiam hæreditatis, futurum. Talibus dictis maritum ad proditio-

tionem moliendam incitavit; nec distulerunt legatos ad Regem mittere, pro vestigalium induciis impetrandis; quorum petitis Rex libenter annuit. Fuit Skulda omnium sui temporis veneficarum facile princeps; à genere materno illud, quod humani ingenii captum fugit, præclare edocta; si iis quæ de origine ipsius antiquitas credidit, fides tribuenda est. In termedio tempore, quotquot execrandarum, sed id temporis licitarum, artium peritissimos vel ipsa cognovit, vel famâ percepit, undique collegit: quorum operâ conjuratio tanto temporis spatio occultè per incrementa serpsit, ne unquam ad Regis vel consiliariorum aures perveniret: Instrumenta interim ad destinata perficienda necessaria, sagæ, milites, armatura, commeatus, currus atque adeò omnia magno apparatu conquiruntur, Hleidargardumque (Lethram) transferuntur.

CAP. XXV.

*Hiorvardus & Skulda à
Hrolfo splendido convi-*

*vio excipiuntur. Eorum
insidiæ deteguntur. Ath-
letarum nomina. Cum
Hiorvardianis congressus.
Biarkii artes. ⁱⁱⁱ Skuldæ
veneficia. Hrolfus &
Hiorvardus earumq; co-
piæ mutuâ intenrecione
sternuntur. De Skeggio
Midfiordensi relatio. De
gladio Skofnungo, &
Hrolfi Krakii posthumâ
famâ.*

Festum Jolense Regio luxu celebra-
dum imminebat; undiqve magnates
invitati confluerunt; & in his Hior-
vardus Regis affinis cum Skuldâ præsto
erat. Saxo intra mænia receptos, con-
vivioqve adhibitos, refert: id quod nec
no

nostrorum traditioni adversatur, licet illud omiserint; nam tantum excitos tentoriis milites oppidum coronâ cinxisse memorant. Utrumque consistere potest. Nihil enim impedit, quo minus Hiorvardum & Skuldam Rex convivalis impensæ deliciis, ut Saxo loquitur, profecutus fuerit, magnâ parte comitatûs eorum intra mœnia, imò inter palatia, receptâ: qui autem in tentoriis delituerunt, non prius prodire poterant, quam signum esset datum, ne intemptivâ eruptione insidias proderent. Igitur qui Hiorvardo ministrârunt, eumque in convivium secuti sunt, noctu cubilibus dilapsi regiam forsan petiverunt, reliquis militibus per apertas portas intromissis: quocunque modo insidiæ in apertum tandem certamen eruperint, pro certo constat omnes Athletas in aciem prodiisse, editâque ingenti strage ad ultimum unâ cum Rege suo occubuisse. Verum cum in quibusdam noster scriptor à Saxone dissentiat, placet ea adscribere, non eâ intentione ut hoc vel illud magis probem, cujus mihi nulla certa

notitia. Primus Hialtius Regiâ excē-
dens intra tentoria Skuldæ conditum mi-
litem observâsse memoratur: ne tamen
rem non satis compertam referret, vel
pavoris indicia proderet, dissimulato pe-
riculo ad pellicis (sua enim singulis Ath-
letis pellex erat) thalamum processit;
qvàm à complexu discedens sciscitabatur,
utrum duos, singulos duos & viginti an-
nos natos, an unum octogenarium mal-
let? duos juvenes uni filicernio præfe-
rentem admorsò naso mutilavit; provi-
surum confessus, ne formæ decus rixis
jurgio & cædibus in posterum ansam præ-
beret. Illa truculentiam qvesta nihil ali-
ud responsi accepit, qvàm fatum instans
etiam ad ea adigere, qvæ aliàs nunqvam
decreta essent. Inde ingressus ad Regem,
ubi campos omnes milite coöpertos vi-
derat, monet adesse sororem, tributa tam
diu dilata novissimè pensaturam: totam
Regiam à milite circumsessam: planiti-
em armatis refertam: hortatur deinde
milites, ut intrepidè pro Rege latera sua
hostium gladiis objiciant, memores be-
neficiorum, qvæ hac occasione qvam re-
ctissi-

etiffimè rependi possint : prodigia quidem multa , sed neglecta , præcessisse , hanc ultimam ipsis noctem futuram portendentia : providendum ne inulti moriantur; nec incruentam victoriam, rebellibus proditoribus, non justis hostibus, relinquant. Neque Hrolfus neque satellites idolorum cultui unquam dediti fuisse traduntur; vires corporis, & insita animi fortitudo, singulis numen erat. Nomina verò duodecim Athletarum hæc referuntur : Hromundus Durus. Hrolfus Sagittarius. Svipdagus. Beigadus. Hvitferkus. Haklangus Acer. Hardrefill. Hakius Vegetus. Vottus Magnus. Storolfus. Hialtios Generosus, & Bodvar Biarkius: (Biarcho Saxoni.) illud cognomen ei inditum est postquam aulam Hrolfi ingressus est, eò quod omnes illius Berserkos expulerit, quosdam etiam vitâ privârit, cum ipsi admodum impares, fastu tamen elatiores essent. Rex, ut præsens periculum instare animadvertit, loco mirâ alacritate exsiliit; non tanquam ad vitæ discrimen aut certissimam mortem,

sed splendidum convivium iturus : En, inquit, nunciate Hiorvardo, nos prius genio indulturos, postea certa ipsis virtutis nostræ indicia relicturos. Atque his dictis ad epulas & convivium revocatos satellites magnâ festivitate excepit. Inde in prælium itum : ingens ubique edita strages. Rex ipse in medias turmas in-
 vectus dignam fastigio suo pugnam edidit. duodecim eum virorum robore præditum, ipsi Athletæ testabantur. Et jam Hiorvardiani paulum retrocedere cæperunt ; nam visus est Regem quoquò se verteret immanis ursus præcedere, qui obvios omnes pedibus contrivit, adeò ut cominus accedere singuli vererentur. Athletæ interea in medios hostium manipulos factò globo irruunt. Sternuntur ab utroque latere Hiorvardianæ copiæ, quoad universa acies inclinaret. Tum Hialtius Bodvarem Biarkium prælio exesse deprehendens, valdè indignatus, apud Regem de tanti herois ignaviâ queritur, qui præter morem jam se ex acie subdu-
 xerit, summo discrimine instante. Rex
 nequa-

nequaquam culpandum asserit; se enim ipsius virtutis tot documenta habere, ut certus sit, ubicunque se contineat, majore id fieri suâ suorumque utilitate, quam si præsens in acie staret. Negat itaque interpellandum. Non acquievit Hialtius monitis Regis, sed digressus è bello ad inqvirendum Biarkiurn in Regiam tendit: ubi cum otiosum offendisset, cum merita in eum Regis, tum propriæ virtutis, eo tenus invictæ, fiduciam novâ inertiam mutatam, & commilitonum spem exprobravit. Ingemiscens igitur Bodvar, illico surrexit: expositaque facinorum suorum Iliade, constare ait, nullâ se formidine teneri, neque enim ignem vel arma unquam fugisse, nec invictum Agnaris Berferki, (apographum habet Angantyris, fortè incuriâ librarii) ejusdemque Regis, robur manus suas effugisse: prodesse jam ipsi (Hialtio) arctum societatis nexum; alias neminem, præter solum Regem, impunè se excuturum fuisse: verum nequaquam tam utilem quam fidelem eum Regi suo operam hac provocatione præstitisse; nam eò rem reda-

Etiam, ut de eventu pugnae dubitandum foret, ni intempestivâ interpellatione se turbâisset: jam verò hostium cadavera fortitudinis suae testes habiturum; quamquam longè minus eos catervatim ster-
 nendo, quàm intra Regiæ parietes pro tempore delitescendo, se profecturum sciat. Hialtius errorem confessus, obcæ-
 cari homines, quos fata urgent, respon-
 dit. His dictis in aciem se uterque con-
 fert. Id egerat Bodvar quod alias nun-
 quam; nam cum esset res cum iis hosti-
 bus, qui non virtute, sed præstigiis &
 incantamentis bellum gererent, occupa-
 vit prius harum artium certamen, virtu-
 tem sociorum soli numero hostium, non
 item malis Dæmonibus, oppositurus,
 tantumque profecit, ut non solum omnem
 veneficarum vim eluderet, sed etiam ur-
 si simulachrum ad defensionem Regis in-
 cantamentis exciret, quod plures hosti-
 um prosternere visum est, quam Rex
 cum omnibus pugilibus. Verum post-
 quam accitu Hialtii in pugnam progres-
 sus est, nullus amplius ursus Regem præ-
 cedere visus est. Tunc primum Skulda
 cum

cum incantatricum collegio in unum tentorium, colore nigrum, congregato, artes non absque fructu exercere cæpit. Editus locus, theatri instar, pro more erectus erat; ibi ritus & cerimoniae, quæ ad id requirerentur, celebratae sunt. Visus inde frendens aper exercitum Hiorvardi præcedere, nec minorem stragem edere quam ursus, qui Hrolfum prius tutatus est. Tantis præstigiis à parte Hiorvardi certatum est, ut qui gladiis Hrolfianorum occubuerant, redivivi pugnare viderentur. Id Hialtio questus Biarkius memorat Hiorvardum Regem in acie sibi obvium lethali se vulnere sauciâsse; se verò pedem manumque ei abscidisse, ictumque inflixisse, quo humerus latusque diffissa sint, exanimemque ad ultimum cecidisse visum; jam verò redivivum inter confertissimos pugnam restituere: se verò frustra tot millia cedere, cum loco unius, quem in Orcum mittat, tres iterum redivivi se impetant, feriantque. Atque hic sensus est Saxonis, dum hanc historiam è carminibus

pri-ⁱ

priscis , quæ Biarkamäl nuncupantur,
metricè vertit his verbis :

*Non meminì certamen agi, quo prom-
tius esset*

*Alternare enses , partiriqve ictibus
ictus.*

*Dans unum tres accipio : sic mutua
Gothi*

*Vulnera compensant : sic dextra po-
tentior hostis*

*Vindicat acceptam cumulado fanore
pœnam.*

Sensum carminis prisci minus affec-
tus videtur; qvi in hac historiâ, licet car-
men interierit, tamen accuratè exposi-
tus est. Johannes Gothus historiæ Sveo-
Gothicæ Lib. II. cap. XXII. hæc ad gen-
tis Danicæ fugillationem more suo trans-
tulit. Verum hæc, quæ exponimus, tra-
dunt, quod Biarkius vim Dæmoniacam
agnoscens, Odinum tantorum prodigio-
rum auctorem prædicaverit: quem idcir-
co inqvirens, si offerretur aut appareret,
non unô mortis genere se affecturum mi-
natus

natus sit; quod si virtute, non magicâ vi certatum animadvertisset, non utique Odino hostium fortitudinem imputâisset. Confirmat conjecturam Saxonis carmine comprehensa relatio, variis doctissimorum virorum commentariis illustrata, clarissimiq; Stephanii Notis in Saxonem, pag. 78, ad pag. 37. lin. 41 & seqq. inserta. Carminis initium ita sonat:

*Adde oculum propius, & nostras
prospice chelas,*

*Ante sacraturus victrici lumina signo,
Si vis præsentem tutò cognoscere Mar-
tem.*

Tum Biarcho:

*Si potero horrendum Friggæ spectare
maritum. &c.*

Cætera non persequar; cum constet etiam ex Saxone omnes editâ memorabili pugna ad unum occubuisse; atque adeò ad mortem obstinatos, ut nemo Regi superstes esse sustinuerit. In eo tamen memoriæ nostræ dissentiunt, quòd cum Saxo Hiorvardum Hrolfo superfu-
isse

iſſe tradat ; iſtæ acie occubiſſe memo-
 rent : Skuldāmqve exiguo tempore in
 imperium & opes fratris ſucceſſiſſe ; nec
 felicius adminiſtrāſſe. Nam poſt exi-
 guum tempus Elgfrodius & Thorer Cani-
 pes Veſtro-Gothiæ Rex cum ingentibus
 copiis in Daniā profeſti, ſe cum Voggo
 duce exercitūs, qvem Regina Yrſa è Sve-
 ciā ſub auſpiciis (ut videtur) filii ſui Ey-
 ſteini Sveciæ Regis, miſerat, conjunxe-
 runt: Skuldāmqve ex improviſo, ante-
 qvam ad notas artes confugiendi copia
 foret, adorti, captivam duxerunt, va-
 riisqve ſuppliciorum generibus affectam
 morte mulctārunt, occiſis quotqvot ab
 ejus partibus ſtare comperiebant, Reg-
 numqve filiabus Hrolfi reſtituerunt: qvi-
 bus verò poſtea nupſerint, nuſquam in-
 venio literis proditum. Diviſum fuiſſe
 regnum conſtat, nam in Scaniā regnabat
 Haraldus Grandævus Halſdani Strenui
 pater, Ivaris Vidſamii avus, & Gudriö-
 dus frater ejus, & quidā nomine Haki-
 us, alibi in Daniā Frodius Sextus Hrær-
 cki Slaungvanbaugii avus. Sialandiā
 tenuit Hreidar, & qvi eum occidit Hiör-
 lei-

leifus Mulierofus. Alibi regnârunt Ey-
 steinus & Sölvius de Niardeya. Jutiam te-
 nuit Heidrekus Ulfshamus. Consenta-
 neum tamen est, eas quibusdam ex his
 matrimonio junctas fuisse. Discretis tu-
 mulis Rex, singulique Athletæ conditi
 huic scriptori dicuntur, quod tamen cum
 Historiâ Thordi Hredæ & Landnamâ
 non consistit; sic enim narrant. Vir
 quidam Islandus, nomine Skeggius, de
 provinciâ Midfiordensis dictus, cum ab
 expeditione piraticâ e mari Balthico in
 Daniam rediisset, ad tumulum Hrolfi
 Krakii aperiendum se contulit, subiitque,
 & conspexit singulos sellis insidentes, gla-
 diis accinctos, omniqve armaturâ con-
 spicuos: nec ultra aggredi ausus, ad adu-
 landi artem se contulit, promittens Re-
 gi famam ejus se dispersurum, laudum-
 que præconia latè celebraturum. Cre-
 ditum est, mortuos non solum posse mu-
 tuas audire & reddere voces, sed etiam
 laudum & posthumæ famæ cupidine du-
 ci; id quod Hrolfus suo exemplo com-
 probasse visus est: nam gladium Skofnung
 Skeg-

Skeggio porrexit, quem ille mulneris loco summâ cum alacritate accepit. Inde ad Bodvarem conversus, ensẽm quoque ejus Lõfium appetivit; qui torvo illum aspectu deterruit, insurgere paratus. Verum Hrolfo defensore non solum tutus evasit, sed etiam Hialtji securi magnâque opum vi potitus exivit. Fidem facit relationi ipsius Skeggii in exponendo moderatio, cum tanti facinoris gloriam suis viribus non adscripsẽrit: secus ambitionis suspicionẽ non cariturus. Confirmat quoque diuturna gladii possessio, quo quamdiu vixit, usus est. Venenatus erat; capuloque, quemadmodum de Achillis perhibent, abditum antidotum, Laxdæla vivum lapidem appellat; quo vulnera ab illo inflicta, cæteroquin omnem curam respuentia, ægritudine repentẽ sopita, sanabantur. Cautiones in illo tractando observandæ erant; ne à solis radiis capulus unquam illustraretur; nec præsentibus fæminis educeretur; Evaginatus, sanguine propitiaretur: id quod Skeggius adeo anxie observavit, ut cum semel adversus in-

insignem athletam Thordum Hredam, ad hospitem quendam, nomine Thorhallum, diversantem, cum haut paucis armatis moveret, auxiliisque affluentibus, & interveniente compositione proposito frustraretur, gladium, quem in cassum eduxerat, præciso capite infidi Thorhalli, qui hospitem Thordum quantum in hostem proditurus erat, ipsius sanguine roraret. Eundem etiam filius ejus Eidus, à cognitione juris juridicus dictus, post mortem patris gessit, Thorkelique Ejulfi filio, Arii Polyhistoris proavo, eum ad occidendum Grimum quendam de Kroppio, ob cædem filii ejusdem Eidi exulem, donavit: qui exulem quidem uno vulnere sauciavit, sed viribus ejus succubuit, donatusque vitâ, adhibitâ latente sub capulo medicinâ, eum sanavit. Ad ultimum cum in sinu Breidafiordensi naufragio periret, gladius transtro alligatus cum scapha ad insulam quandam expulsus nomen ei de suo indidit, quo Sköfnungsey in posterum hodieque usurpatur. Post mortem Thorkelis ad filium ejus Gellerem gladii possessio pervenit. Is

primum in Norvegiam navigans Sanctum Olafum altera vice filium ejus Regem Magnum bonum adiit, & inter alia magnifica munera 12 uncias auri ab eo accepit: Cumque in Islandiâ ad senectutem usque remansisset, tandem in Norvegiam profectus, inde Romam ad Apostolorum limina, in reditu in Daniâ longo morbo affectus, post adhibita æternæ salutis media, Roschildæ conditus est. Illuc secum Sköfningum devexerat, nec ejus recuperandi copia postea hæredibus ejus unquam facta est. Atq; ita in Daniam, unde avectus erat, restitutus, apud gentem illam remansit. Hrolfi Krakii memoria ad omnem posteritatem celebris, in aulâ etiam Granmaris Sudurmanniæ in Sveciâ Regis, reculta legitur; cum ipsius filia Hildegunna in convivio splendidissimo, assumto cratere argenteo, meroque repleto Hiörvardum Regem accessit, propinavitque ei ejusque comitibus, hac verborum formulâ: Avete omnes Ylfingi: memoriæ Hrolfi Krakii dicatum esto. Refert etiam historia S. Olafi Norvegiæ Regis, eum, cum quæ-

rere-

reretur, quemnam ethnicorum Regum
potissimum imitari vellet? respondisse:
nec se Regum, nec hominum ullum
à vero Dei cultu alienum, sectaturum;
si tamen aliquem, salvâ Christianâ religi-
one, mores certè & magnificentiam
Hrołfi Krakii æmulari velle. Unde ap-
paret, quàm celebre Regis Hrołfi no-
men, quàmque prospera ejus fama &
posthuma memoria omni Se-
culo viguerit.



INDEX RERUM MEMORABILIUM.

A.

- A**ccipitrum certamen. pag. 150.
 Adels Sveciæ Rex 43. Yrfam sibi
 matrimonio jungit 43. Regem
 Helgium dolo interimit. 51. Adelfis
 elogium 35. Quomodo Hrolf-
 fum Krakium exceperit. 142. seq.
 fuit Pythicis artibus deditus 148.
 Hrolfi in campis Fyrensibus strage-
 mate superatur. 155.
 Agnar Hroaris filius 26.
 Agnares plures ibidem.
 Anglo-Saxonum cum Hroare & Helgio
 Synchronismus 26. seq.
 Angli Danorum auspiciis olim pugna-
 runt 29.
 In Angliâ suos fiduciariorum habuerunt Re-
 ges Daniæ 28.
 Appar, vid. Præfat:
 Armillâ unâ dimidium Daniæ permuta-
 tum 22.
 Ars Seidica seu incantatoria 11.

Augn Nordrii Regis Filia Hroari nu-
bit 22.

Athletarum Hrolfi Krakii numerus, no-
mina & ordo 167. Mors 173.

B.

Bera Bödvaris Biarkii mater 80. Biör-
no Regis Hringi filio in Juventâ fa-
miliaris ibid. cum eo diris devoto
convescit 83. ad epulum urfinum à
Reginâ Hvita adigitur 90. Tres fili-
os, & ex his duos monstrosos, parit 91.

Berferkorum descriptio 49.

Berferkorum Adelsis cum Svipdago pu-
gnæ variæ 58. seq.

Berferkorum Hrolfi Krakii insolentia à
Bodvare Biarkio repressa. 129.

Biörnus Biarkii pater 77. à noverca ad
incestum sollicitatur 82. Constantis-
simè renuit ibid. Diris devotus in
ursum transformatur 83. cum Bera
in antro convescit 83. Eam futura
edocet. 87. Capitur & occiditur 88.

Bödvaris Biarkii genus. 77. Nativi-
tas. 91. De Hvitâ venefica ultio-
nem sumit 102. Ejus cum fratre Elg-

frodio colloquium 106. Hansto ex
furâ pedis ejus liqvore corroboratur
107. V. Præf. In Gothiâ pro fratre ab-
fente excipitur 109. Satellitio regis
Hrolfi se adjungit 114. Hottum li-
berat 115. Lamiam transfigit 122.
Berferkos superat 129. Regem ad
iter in Sveciam hortatur 132. In-
cendio fortiter erumpit 150. Ejus
in ultimo prælio artes 169. Vitæ
ejus epilogus à Saxone metricè ver-
sus 171. seqq.

C.

Cænacula priscorum Regum qvalia 12.
Cibum denegare olim magnatibus inho-
nestum. 8.

D.

Daniam falsò fugillat Joh Gothus 172.
vid. & Præfat.
Daniæ Regum fiduciarii erant olim An-
gli 28.
Drifa Regis Hrolfi filia Bodvari Biarchio
in matrimonium data 131.

E.

Ellgfrodus nascitur 91. à matre discedit
91,

92. Latrocinium exercet 93. seqq.
Fratrem Thorerem ut exceperit 94.
Bodvarem Biarchium liqore ex su-
râ pedis sui corroborat 107. V. Præf.
Expeditionis Svecicæ Hrolfi Krakii causa
& celebritas 159.

F.

Frodus Quartus. 1.
Frodus Quintus 2. fratrem Halfdanum
scelerate opprimit ibid. Ejus liberos
ad necem quærit ibid & seqq. Vir-
filis artibus eluditur 5. 6. & seqq.
Veneficam ad eos prodendos condu-
cit 11. iterum frustratur 12. in con-
vivio, auspice Reigino debitas par-
ricidii pœnas luet 18.
In Fyrensibus campis Hrolfi Krakii cum
Adelse congressus & Strategema
152. seq.

G.

Generosi cognomen Hialtio à Krakio in-
ditum, & quare 131.
Gothortum ritus priscus in rege creando
96. Gladium alterius servare quan-
do subjectionis nota 75.

Gladius Bodvaris qvomodo tractandus.
v. Lofius.

Gullinhialtius ensis 126.

H.

Habrök regius accipiter 141.

Hela, antiqvorum Proserpina 16.

Halfdanus secundus à fratre Frødio qvinto sceleratè opprimitur 2.

Heidis celebris incantatrix à Frodio Qvinto conducta, 11. ejus ars Seidica ibid. seqq.

Helgius & Hroar ad necem qværuntur, 2 seq. artibus Virfilis absconduntur 4. seq. nomina mutant 8. Sævarem comitem accedunt ibid. genus dissimulant 9. Dementiam simulant ibid. de Frodio parricidii pænas sumunt 18.

Helgius solus Daniae imperat 22. Olufam Superbam uxorem polcit 30. ab illâ indignè tractatur 32. eam arte circumventam opprimit 46. Yrsam filiam uxorem. ducit 39. eam dimittit 42. Skuldam gignit 46. V. Præf. lu

In Sveciam proficiscitur 48. Dolo Adelfi interficitur 51.

Hroaris indoles 21. Is Augnem Nordrii Regis filiam uxorem ducit 23. Regnum cum fratre permutat ibid.

Hleidargardus seu Lethra 74.

Hringus Uplandarum Rex 77. Ejus secundæ nuptiæ 79. Ejus filius Biornus vid. Biornus.

Hrokus Sævaris filius 22. Ejus indoles ibid. Hroarem & Helgium de armillâ sollicitat 23. Repulsam patitur ibid. eam perdit 24. Pede truncatur ibid. capitur & supplicium luet 25.

Hottus à Bodvare liberatus 115. Hialtii nomen assumit 126.

Hranus Krakium hospitio excipit ac variis modis exercet 135. seq. Quisnam ille fuerit 158.

HROLFUS KRAKIUS nascitur 39. ejus mores ac elogium 69. legationem in Sveciam parat 73. Hleidargardum instaurat 74. Hiorvardum astu subjugat ibid. ejus moderatio 117. 127. 130. in Sveciam proficiscitur 134. à Hranio in viâ cum comitatu exci-

pitur & variis modis exercetur 135.
 seq. aulæ Adelfis pomposè adæqvitat
 141. pompæ descriptio ibid. Vulca-
 nium experimentum eludit ac ig-
 nem transiit 148. Ejus in campis
 Fyrensibus discrimen & strategema
 154. seq. posthuma fama celeberr-
 ma 177.

Hvita Regis Hringi Regina 79. ejus in
 privignum diræ 82. Condignum sup-
 plicium de ea sumtum 102.

I.

Ingiialldus Starkadi alumnus 1.
 Iver Widfadmus 28.
 Incendio perit Frødius Quintus 18.
 Incendium effugiunt Hrolfus & athletæ
 150.

K.

Krakius v. Hrolfus Krakius.
 Lethra. v. Hleidargardus.
 Lovius Bodvaris ansis describitur 104.
 Lamia à Bodvare transfixa 122. qvid &
 qualis illa fuerit. v. præf.

Nor-

N.

Nordrius Northumbriæ Rex 21. Ejus
filia Augn Hroari nubit 22.

O.

S. Olafi de Hrolfo Krakio testimonium
177.

Olufa Superba Saxonix Regina 30. ab
Helgio in matrimonium poscitur
ibid. illum indigne tractat 32. ab illo
deinde opprimitur 36. Yrsam pa-
rit 37. Indigne eam educat ibid. à
thalamo Helgii separat 41.

R.

Regum Angliæ quorundam cum Da-
niæ Synchronismus 26. seq. Reges
Daniæ olim Anglos habuere fiducia-
rios, 28.

Reiginus Helgii & Hroaris nutritius 2.
eos ad ultionem stimulat 15. ejus
auspiciis de Frodio Qvinto pæna
sumpta 22.

Reigini Logogryphus 17.

De

S.

De Saxicolis vid. præf.

Sævar Comes Hroaris, & Helgii tutor 3 seq.
moritur 22.

Saxonis cum hac historiâ harmonia 19.
seq. 156.

Seidica ars incantatoria 11.

Seþnepryn quid 32.

Skuldæ monstrosus ortus 45. seq. De eo
Judicium vid: in præfat. ea maritum
Hiorvardum adversus Hrolfum con-
citât 160. Bellum præparat astu ma-
ximô 163. ejus insidiæ deteguntur
166. Suppliciis malè multata perit
174.

Sköfnungi descriptio 156.

Svipus & ejus filii 54.

Svipdagus in aulam Adelfis admittitur
57. ejus cum Berserkis pugnae variæ
58. seq. earum exitus 66. cum fra-
tribus satellitio Hrolfi inscribitur 71.

T.

Thorer Canipes nascitur 91. à fratre Elg-
frodio quomodo exceptus 94. seq.
Rex Gothiæ staturæ beneficio crea-
tur 97.

V.

Waltherus hujus historiæ author, v. Præf.
Vir illi abstrusarum artium scientissimus

4. ejus in abscondendis pueris calli-
ditas 4. 5. & 6.

Voggu Hrolfo Krakii cognomen imponit
& præmium accipit 147. ejus vo-
tum 148.

Y.

Yrsa nascitur 37. à matre Olufa Superba
ignominiosè educatur 38. ab Helgio
patre abducitur, ei que nubit 39. ab
eo disjungitur 42. in Adelfis thala-
mum transit 44. filio varia donat 152.

VIRO NOBILISSIMO ET AMPLISSIMO

Dn. THORMODO TORFÆO,
S. R. M. Rerum Norvegicarum Historio-
grapho, Antiquitatum Septentrionalium Vindici felicissimo,

Inter complura Antiquitatum Monumenta HROL-
FI KRAKII Historiam Latine edenti,

ita applaudit

Thorleifus Hattorius Isl.

Sic decet exanimis vitâ donare triumphos,
Nominaq; infausto penè sepulta rogo,

Pri.

Prisca triumphales stimularunt pectora laudes
 Quæ famæ rabidâ deperiere fame,
 Persuasit cumulos variorum mille laborum
 Gloria, in extremos ambitiosa rogos,
 Qveis non Herculeis ausis, quo sanguine fusô
 Emisti nomen, Dania nostra, Tuum?
 Et quid sollicitus monumenta exempla; tentem?
 Totius numeri KRAKIUS instar erit,
 Ille tuos quondam procures caput extulit inter
 Dania, dum melius non tibi numen erat,
 Ille animos cælo famamq; æqvaverat orbi
 Et decus & splendor temporis ipse sui.
 Sed quæ multa dies per plurima plaustra laborum
 Condignis meritis nomen ad astra tulit.
 Multa dies iterum miserando funere meruit
 Et caries tanti roserat acta viri.
 At tuus invenit calamus, THORMODE, mede-
 lam
 Auspiciis cujus KRAKIA fama stabit;
 Te sine, quam variis deluserit artibus ipse
 Flamma vorax HROLFI nomine pasta foret,
 Te sine clausa arvis & cespite testâ Fyrensi
 Magnanimi Regis fortia gesta latent
 Quas tibi, si nosset, vellet depromere grates
 KRAKIUS, auspiciis qui viget usq; tuis?
 Crêde mihi laus est famæ: temereq; pusillus
 Nominis impositi præmia Voggus habet
 SKEGGIUS accepit promissæ munera famæ
 Hac, quod non tulerat vicibus, arte tulit.

Præmia sed fatis prohibetur reddere iniquis
 KRAKIUS; à grata posteritate feres.
 Regificum cingat munus tibi brachia Vogge
 Eximium fabricæ nobilioris opus;
 Delia sed cingat THORMODI tempora laurus
 Et doctum circa ludat amœna caput.
 Sit bene! Schöfningi servet de nomine nomen
 Insula, cæruleis fluctibus apta quati.
 At mea THORMODI jactet se nomine Thule
 Quod pessum nunquam fluctus & unda da-
 bunt.
 Concelebret merito THORMODUM doctior Or-
 bis
 Patrum agnoscant rudera prisca suum.

Errores.

Præf. fol. 6, pro Aresum lege Aresium. Præf.
 fol. 7. lege ex verecundia. Præf. fol. 12. pro
 consverunt l. consveverunt. Præf. fol. 13. pro
 præterite l. præterire. Pag. 1. lin. 7. pro qverit l.
 qværit. p. 2. l. 12. pro Deum l. eum. lin. 19. pro
 Halldaniana l. Halldanina lin. 23. pro signa l. si-
 gnia. P. 4. l. 19. leg. & prope. P. 6. l. 13. lege salve
 Rex. P. 17 l. 20. post animadvertit l. Et jam ignem
 parietes conceperant. P. 26. l. 6. pro plutima l.
 plurima. lin. 16. pro sunt l. sunt. P. 29. l. 5. pro
 merentur l. meretur. P. 31. l. 18. pro nuptiorum
 l. nuptiarum. P. 40. l. 25. pro celere l. celare. P. 47.
 l. 22. l. se exempturam. P. 50. l. 16. pro decursu
 l. co-

l. occurſu. P. 54. l. 11. l. jam proveſtæ ætatis. P. 6^t
 l. 19. l. in ultionem. P. 70. l. 3. poſt formidabi-
 lem l. ſcleratis implacabilem. P. 79. l. 6. pro de-
 clararuri l. declaraturi. P. 81. l. 6. pro obtinebatur
 l. obtinuit. P. 84. l. 10. pro perecrebuit l. percre-
 buit. lin. 19. l. ſeqvitur. P. 87. l. 16. pro adolever
 intintractabiles l. adoleverint intractabiles. P. 96.
 l. 19. poſt conſiliis l. inſtruxit. P. 101. l. 7. l. itaq; &
 ætati. P. 111. l. 1. poſt recufandis muneribus l. &
 honoribus. P. 112. l. 17. pro interrogans deinde ru-
 ſticus l. interrogatus deinde à ruſtico p. 114. l. 23
 poſt ſubſumſit l. Bodvar. P. 116. l. ult. pro exitum
 l. exitium. P. 124. l. 7. poſt longiore mora l. ina-
 niq; diſqviſitione ſtarene ac curreret. P. 125. l. 1.
 poſt ingenium l. ſibi. P. 136. l. 1. pro magi l. magis.
 P. 146. l. 20. pro impropertat l. impropertabat. P.
 158. l. 11. poſt felicitatem l. & curſum conſtan-
 tem. l. 22. pro conſtituerunt l. ſubſtituerunt. P. 161.
 l. 11. poſt vereretur l. concluſit. P. 164. l. 7. pro
 ærorumq; l. eorumq;. P. 175. l. 10. poſt Skeggjus
 l. de provincia Midſiordo cui præfuit. P. 176. l.
 15. poſt capuloq; l. ejus.

Hi ſunt præcipui errores, qvi Authore longè
 diſſito, vel Correctoris vel Typographi incuriã
 irrepsère, qvos ideo emendare dignetur
 Benevolus Lector.

Hic liber eſt impreſſus Authoris
 ſumptibus atq; impenſis.

